

1927

F 4 9

# მეცნიერებათა დაზოგადი განყოფილება

3-4

1927



გაერთიანებულ ქართულ მწერლობას, რომლის ხელმძღვანელი ორბანოა სრულიად საქართველოს მწერალთა კავშირი, ამ ჟამად აქვს მხრულად ერთი გეგმვითი ორგანო — ყოველთვიური ჟურნალი „ქართული მწერლობა“.

ჟურნალი იძლევა მთლიან სურათს თანამედროვე ქართული ლიტერატურისას. ჟურნალში მოწოდებულია ღებულობს ყველა ქართველი მწერალი და პოეტი განურჩევლად ლიტერატურული მიმართულებისა, ცნობილი ქართველი მეცნიერები და საზოგადო მოღვაწენი. ამ მხრივ ჟურნალი „ქართულ მწერლობის“ გარემო გაერთიანებულია დიდი კულტურული ძალა ქართული მწერლების, მეცნიერების და ფართო ინტელიგენციის სახით.

ჟურნალი ყველასათვის ხელმისაწვდომ ფასებში იყიდება და ყოველი კულტურული ქართველი უნდა კითხულობდეს „ქართულ მწერლობას“, უნდა იწერდეს „ქართულ მწერლობას“, უნდა ეხმარებოდეს სრულიად საქართველოს მწერალთა კავშირს თავისი ინიციატივით და ყურადღებით.







# ქართული მწერლობა

სრულიად საქართველოს მწერალთა კავშირის  
ყოველთვიური ჟურნალი.

წელიწადი მეორე

რედაქტორი

ნიკოლოზ ვიწიფვილი



მარტი — აპრილი

თბილისი — 1927

F-669



## შ ი ნ ა ა რ ს ი

### წერილები.

ოსვალდ შპენგლერ — პოლიტიკის ფილოსოფია. (თარგმანი გერმანულიდან მოსე გოგიბერიძისა).

ა. ლუნაჩარსკი — ისევ კლასიკების შესახებ.

მხატ. გ. იაკულოვი — მხატვრული აზროვნების ბუნების შესახებ. (ხელნაწერიდან თარგმანი ს. შანშიაშვილისა).

ქრისტეფორე რაჭველიშვილი — პოეზიისათვის.

დამსახ. პროფ. ალ. ცაგარელი — ჩემი იუბილე.

### პოეზია:

\* \* \* — ბალადა, თუ როგორ შეაკვდენ ერთი მეორეს ვეფხი და ვაჟკაცი.

დ. გაჩეჩილაძე — განთიადამდე.

ნ. ზომლეთელი — საქართველო.

სიმ. ჩიქოვანი — გაბაასება საკუთარ ლექსთან.

კ. ჭიჭინაძე — საღამოები მთაში.

### პროზა:

დია ჩიანელი — ქუთაისი.

ალ. ქუთათელი — ხონის ბირჟა.

სტ. კასრაძე — უდაბურობა.

### დოკუმენტები:

ს. წულუკიძე — გამოუქვეყნებელი კერძო მიწერ-მოწერა.

### ბიბლიოგრაფია და ქრონიკა:

ვ. ცომაია — ს. დანელია. „ატომისტური ფილოსოფია ძველ საბერძნეთში“.

ქრონიკა: საბჭოთა კავშირის მწერლობის ფედერაცია მოსკოვში. საკავშირო სახ. კომ. საბჭოს კომისიის დადგენილებანი მწერალთა ყოფა-ცხოვრების გაუმჯობესების შესახებ.



ს ე ნ ი ლ ე ბ ი



## პოლიტიკის ფილოსოფია

პოლიტიკის შესახებ ჩვენ მეტი გვიფიქრია ვიდრე ეს საჭირო იყო და სწორედ ამის გამო ნამდვილი პოლიტიკის ბუნებისა ჩვენ ძალიან ცოტა რამ გაგვეგება. დიდი სახელმწიფოებრივი ჭკუის ადამიანები თავიანთ მოქმედებაში ყოველთვის ფაქტებისადმი ჯანსაღ და ურყევ განწყობილ გზებიდან გამოდიოდნენ. ეს მათთვის იმდენად ბუნებრივია, რომ თავიანთ მოქმედების ძირითად ცნებების შესაძლებლობისათვის მათ დაფიქრება აზრათაც კი არ მოუვათ, მაშინაც კი, როცა ეს მართლაც საჭიროა. მოქმედების შესახებ არსებული თეორიები არ ეგუება არც მათ ნიჭს და არც მათ გემოვნებას. პროფესონალური მოაზრენი-კი, რომელნიც თავიანთ თვალთახედვას მხოლოდ ადამიანის მიერ შექმნილ ფაქტებისაკენ მიაპყრობენ, ისე შორს დგანან ამ მოქმედებიდან, რომ ეს მოქმედება აბსტრაქციაში გადააქვთ, — დიდის სიამოვნებით გახვევენ მას სამართლიანობის, სიკეთის და თავისუფლების მისტურ ბურუსში, რათა ისტორიას, წარსულს და მომავალს ამით საზომი აღმოუჩინონ. ამ საქმიანობაში მათ უბრალო ცნების საზღვარიც კი ავიწყდებათ და მიდიან დასკვნამდე, რომ პოლიტიკა არსებობს მხოლოდ ქვეყნის ტრიალის იდეალური რეცეპტის სახით. მაგრამ რადგან ასეთი რამ არსად და არასდროს არ ნახულა, პოლიტიკური მოქმედება აბსტრაქტიულ აზრთან შედარებით ისე უბრალო და მცირედ დაინახეს, რომ ამ აბსტრაქციის ხალხმა თავიანთ წიგნებში ვრცელი კამათი გახსნეს ე. წ. „მოქმედების გენიის“ ნამდვილად არსებობის შესახებ.



სწორედ ამის საწინააღმდეგოთ ჩვენ ამ წიგნში შევეცდებით იდეოლოგიურ სისტემის მაგივრათ შევქმნათ **პოლიტიკის ფოზიოგნომიკა**. ე. ი. გადმოვცეთ ისე, როგორც ეს ხდებოდა ისტორიის მსვლელობის სინამდვილეში და არა ისე, როგორც ის უნდა ყოფილიყო. დიდი ისტორიული ფაქტების საზრისის მიხვედრა, მათი „დანახვა“ და მათში სიმბოლიურად ღირსშესანიშნავის აღვსება და აწერა იქნება ჩვენი ამოცანა. ქვეყნის გამბედნიერებლების გვგმებს ისტორიულ სინამდვილესთან არაფერი საერთო არა აქვს <sup>1)</sup>).

ადამიანურ ყოფის ნაკადს უწოდებთ ჩვენ ისტორიას. პოლიტიკა არის ის სახე და წესი, რომელშიაც ეს მომდინარე ყოფა მტკიცდება, იზრდება და სხვაგვარი სიცოცხლის ნაკადზე იმარჯვებს. **მთელი სიცოცხლე** — მის უკანასკნელ კუთხემდე და ყველა თავისი გამოვლენით **არის პოლიტიკა**. ის, რასაც ჩვენ სიცოცხლის ენერგიას უწოდებთ, ეს უხილავი „რალაც“, რომელიც საშუალების დაუზოგავათ წინ მიიღტვის ჩვენში, ის ბრმა, კოსმიური ნება ძლიერი და მოტრფიალე აღტყინება ძლიერებისა და უფლებამოსილებისაკენ, ეს მცენარისებური და ჯიშინი ერთიანობა „მშობელ“ მიწასთან, ეს მემკვიდრეობა „**უნდა ვიმოქმედო**“ არის ის, რაიც ძლიერ ადამიანში, როგორც პოლიტიკური სიცოცხლე, დიდ გადაწყვეტილებას დაეძებს: ან გაიზრდება ან მოკვდება. მესამე შესაძლებლობა არ არსებობს.

---

1) „სახელმწიფოები ქრებიან, კარგი ლექსი კი დარჩება“, — ფიქრობდა ჰ. ჰუმბოლტი ვატერლოოს ბრძოლის გამო. მიუხედავად ამისა, ნაპოლეონის პიროვნებამ ისტორიის სახე რამოდენიმე საუკუნით წინ განსაზღვრა. კარგი ლექსი — რა იქნებოდა, რომ ჰუმბოლტს ამის შესახებ თუ გინდ გლახისათვის ეკითხა რაიმე. ის დარჩება მხოლოდ ლიტერატურის სახელმძღვანელოში. პლატონი მარადია — მხოლოდ ფილოლოგებისათვის. ნაპოლეონი კი ბატონობს შინაგანი და უხილავი ძალით ჩვენზე, ჩვენ სახელმწიფოზე, ჩვენს არმიასზე, ჩვენ საზოგადოებრივ აზრზე, ჩვენ მთელ პოლიტიკურ ყოფაზე და მისი ბატონობა იმდენათ ძლიერია, რამდენად ნაკლებად ვგრძნობთ ჩვენ მას.



სწორედ ამიტომ აზნაურობა, როგორც ძლიერი რასის უტყუარი სახე, არის ნამდვილი პოლიტიკური წოდება, თავდაჭერილი და არა განათლებული. ყველა დიდი პოლიტიკოსი თავის მოწოდების გრძნობაში და შინაგან კავშირისაკენ ლტოლვაში ყოველთვის რაიმე აზნაურულს თან ატარებს. პირიქით ყოველივე მიკროკოსმიული და „სულიერი“ არის უპოლიტიკო, ყოველ იდეოლოგიას და პროგრამულ პოლიტიკას თან ახლავს რაღაც ხუცური. საუკეთესო დიპლომატები მოთამაშე, ან რაიმეს მოსურვე ბაღლებია, რომელთა კერძო არსებაში დამალული კოსმიური რაღაც, უმეშვეოდ და ურყევი გაბედულობით იკაფავს გზას. ისინი აღარაფერს ახალს აღარ სწავლობენ ჭაბუკობის მოახლოვებასთან, მათ ავიწყდებათ პირველი წლების ოსტატობა. სწორედ ამიტომ მამაკაცებს შორის ნამდვილი სახელმწიფო კაცი იშვიათი მოვლენაა.

მაღალი კულტურის სამთავროში, რომელშიაც მხოლოდ შეიძლება პოლიტიკა არსებობდეს ეს ყოფის ნაკადები ხვდებიან, როგორც მრავალ რიცხოვანი მოვლენები. ესა თუ ის ხალხი მხოლოდ სხვა ხალხებთან შედარებით არის ნამდვილი და უპირატესი და სწორედ ამიტომ ბუნებრივი, რასსიული დამოკიდებულება მათ შორის არის ომი. ეს ისეთი ფაქტია, რომლის შეცვლა არავითარ ჭეშმარიტებას არ ძალუძს. ომი ყოველი ცხოველყოფილისათვის იმდენად სასიცოცხლო ძარღვია, რომ ბრძოლა და სიცოცხლე სინამდვილეში ერთი და იგივე არის და ბრძოლის სურვილის გაქრობასთან ერთად თვით არსიც კი ქრება. და თუ ე. წ. მაღალი პოლიტიკა ხმალის მაგივრად სულიერი იარაღის ხმარებას ლამობს, თუ სახელმწიფო კაცების სურვილი ე. წ. მაღალი პოლიტიკის დროს, ომის სრულიად თავიდან აშორებისაკენ არის მიმართული, — მაინც რჩება ძველი ნათესაობა დიპლომატიას და ომის ხელობას შორის: ბრძოლის ხასიათი, იგივე ტაქტიკა, იგივე შუქრის ძიება, მატერიალური ძალების იგივე დამალვა; მიზანიც, რასაკვირველია, ერთი და იგივე რჩება: საკუთარი სიცოცხლის მთლიანობის ზრდა — (წოდება, ან და ნაცია) სხვას ხარჯზე.



ყოველივე ომში მთავარი საკითხია. თუ ვინ ხელისუფ-  
ლობს სათავეს. ის, რაც მოვლინების ტალღებში ტაქტს იც-  
ლევს, ყოველთვის არის სიცოცხლე და არა სისტემა, კა-  
ნონი, ან კიდევ პროგრამა. ყველა ისტორიული მოწო-  
დებით დაჯილდოვებულ კერძო არსებაში დამალულია  
შეუგნებელი, მაგრამ ურყევი და უცნაური სურვილი: მო-  
ქმედების ცენტრად გახდომა, შუა წერტილობა ამოძრა-  
ვებულ ბრბოსათვის, სურვილი საკუთარი პიროვნების  
შინაგანი ფორმის ხალხის და ეპოქის ფორმად გადაქცე-  
ვისა, ისტორიის მეთაურობა, რომ ამით დაბოლოს საკუ-  
თარი ხალხი, ან და კიდევ საკუთარი წოდება ისტორიის  
მსვლელობის სათავეში მოაქციოს და სხვ. **არსებობს მხო-  
ლოდ პირადი ისტორია და ამიტომ მხოლოდ პირადი პო-  
ლიტიკა.** პროგრამების და პრინციპების ბრძოლა კი არა,  
— არამედ ადამიანების ბრძოლა, იდეალების კი არა, —  
არამედ სახელისუფლოდ მომქმედი რასის ბრძოლა არის  
პირველი და უკანასკნელი; რევოლუციონერებიც არ  
შეადგენენ აქ არავითარ გამონაკლისს, „ხალხის სუვერე-  
ნობა“ მხოლოდ ცარიელი სიტყვაა, რომელიც მხოლოდ  
იმას გვეუბნება, რომ გაბატონებულ ხელისუფლებას თა-  
ვის თავისთვის მეფის მაგიერად ხალხის მეთეური უწოდე-  
ბია. ხელისუფლების მეთოდები ამით სავსებითაც არ იც-  
ვლება, არ იცვლება, რასაკვირველია არც თვით მთავრო-  
ბის მდგომარეობა. ის კი არა თვით მსოფლიო მშვიდობია-  
ნობა, რომელიც ზოგჯერ მყარდებოდა, — სინამდვილეში  
დამონავეებულ კაცობრიობაზე გაბატონებულ ერთ მუჭა  
ძლიერ ხალხთა ხელისუფლება იყო.

განსაკუთრებული პოლიტიკური უნარით დაჯილდო-  
ვებული ერი არ არსებობს. არსებობს მხოლოდ ხალხი,  
რომელიც გაბატონებულ უმცირესობას მაგრად უჭირავს  
ხელში და ამიტომ ეს ხალხი თავის თავს კარგად გრძნობს  
კონსტიტუციაში. ინგლისის ხალხი პოლიტიკურ საქმეებში  
იმდენად ვიწრო და მსჯელობა სუსტი არის, როგორც ყვე-  
ლა სხვა ერი, მაგრამ ინგლისელებს აქვთ ნდობის განსა-  
კუთრებული ტრადიცია. განსხვავება მხოლოდ იმაშია,  
რომ ინგლისელი ძველი და გამარჯვებას ჩვეული მთავ-



რობის ობიექტი არის, რომელსაც ის ხმას მხოლოდ იმი-  
ტომ აძლევს, რომ მის უპირატესობას გამოცდილებით იც-  
ნობს. ინგლისის ხელისუფლების სათავეში მყოფმა კლას-  
მა თავის პოლიტიკის მიზნები და მეთოდები „ხალხიდან“  
დამოუკიდებლად შექმნა და ის იმ დაუწერელ კონსტი-  
ტუციის მიხედვით მუშაობს, რომლის მოხამარების დროს  
წარმოშობილი უთეოროო ნორმები და ჩვეულებანი, არამც  
თუ გაუთვალისწინებელია, არამედ გაუგებარიც კი. ყოვე-  
ლი ჯარის გამბედაობა დამოკიდებულია უფროსებისადმი  
მიმართულ ნდობით; ნდობა კი ნიშნავს ყოველივე კრიტი-  
კის ნებაყოფლობით უარყოფას. ოფიცერს შეუძლია  
მხდალი გადააქციოს გმირად, გმირი კი მხდლად.

როგორ აკეთებენ პოლიტიკას? სახელმწიფოებრივსა  
საქმიანობისთვის დაბადებული კაცი უპირველეს ყოვლი-  
სა მცოდნეა, მცოდნე—ადამიანის მდგომარეობის, მცოდნე  
საგნის. მას აქვს ხედვა, რომელიც სჭვრეტს ყოველ შესა-  
ძლებლობას უცდუნებლად, დაუგვიანებლად. ცხენის  
მცოდნე ერთი შეხედვით ატყობს ცხოველს, თუ რამდენ-  
ნად გამოდგება ის დოღში. მოთამაშე ერთს ჩახედავს მო-  
წინააღმდეგეს თვალებში და უკვე იცის, თუ რა უნდა  
ითამაშოს. უცოდინრად საქმის გაკეთება, მარჯვე ხელი,  
რომელიც მოუფიქრებლად ცხენს სადავეს დააყრის, აღ-  
ვირს მოიმარჯვებს — აი თეორიული ნიჭის საწინააღმდე-  
გო უნარი. ქმნადობის საიდუმლო ტაქტი აქაც და ისტო-  
ლიულ საქმეშიაც ერთი და იგივე არის. ისინი გრძნო-  
ბენ ერთი მეორეს, ისინი არსებობენ ერთი მეორისათვის.  
ფაქტების ნიჭით დაჯილდოვებული ადამიანი არასოდეს  
არ ჩავარდება გრძნობის და პროგრამის პოლიტიკის სა-  
შიშროებაში. მაღალი სიტყვები მას არ სწამს. მას ყოველ-  
თვის ენაზე პილატეს საკითხი აკერია. ნამდვილი სახელ-  
მწიფო კაცი სდგას მიღმა ჭეშმარიტებისა და შეცდომისა.  
მოვლენების ლოლიკას ის არასდროს არ ურევს სისტემის  
ლოლიკაში. „ჭეშმარიტება“ — „შეცდომა“ — მისთვის ერ-  
თი და იგივეა — და ის განიხილავს მათ, როგორც სულიერ  
ნაკადს, რომელსაც რაიმე გავლენა აქვს, რომლის სიძ-  
ლიერეს, მძლეობას და მიმართულებას ის ხედავს და მის



მიერ მოხმარებულ ხელისუფლების ბედისწერისათვის მას საჭირო ანგარიშსაც უწევს. რასაკვირველია, მასაც აქვს ძვირფასი რწმენა, მაგრამ როგორც კერძო კაცს და არა როგორც პოლიტიკოსს. არც ერთს თვალსაჩინო პოლიტიკოსს თავის მოქმედების დროს არ უგვრძენია, რომ ის დამოკიდებული იყო რაიმე მაღალი რწმენისაგან. „მოქმედი ყოილოთვის უსინდისოა, სინდისი აქვს მხოლოდ მაყურებელს“ (გიოტე) ეს მართებულა, როგორც სულა და რობესპიერისთვის, ისე ბისმარკისა და ფლატიისათვის. დიდ პაპებსა და ინგლისელ პარტიის მეთაურებს თავის მოქმედების დროს ისეთივე პრინციპები გააჩნდათ, როგორც ყველა დროის მეომრებს და ამოხრებელთ.

თვით ცხოვრება და არა კერძო ვინმე არის უსინდისო. ამისათვის არის საჭირო იმ დროის გაგება, რომლისათვის დაბადებული ხარ, ვინც ამ დროის საიდუმლოებითა მოცულ ძალებს ვერ გრძნობს და ვერ გაიგებს, ვინც საკუთარ თავში ვერ ნახულობს იმის მონათესავეს, რაიც მას წინ მიერეკება ისეთი გზებისაკენ, რომელთა გაგება ცნებების საშუალებით შეუძლებელია.

ვინც ზედა პირს, მაღალ სიტყვებს, საზოგადოებრივ აზრს, ყოველდღიურ იდეალებს უჯერებს, ის არ სდგას თავის დროის სიმართლეზე. მაშინ ისინი ბატონობენ ადამიანზე და არა ადამიანი იმათზე. უკან ჭკრეტა და საზომის წარსულში ძებნა არ ვარგა. ამაზე უარესია რაიმე სისტემის გამონახვა. ყოველ დროში—და ჩვენს დროშიც ისე, როგორც გრახკის დროს, — არსებობს ორი ყოველად მკდარი იდეალიზმი: რეაქციონური და დემოკრატიული. ერთს სწამს ისტორიის შემობრუნება, მეორეს კი მიზანი ისტორიაში. იმ დამარცხებისათვის კი, რომელიც მათი წყალობით ყოველ ერს დაატყდება თავს, სულ ერთია, ძველის მოგონებას მოუტან მას მსხვერპლად, თუ რომელიმე ცნებას. ნამდვილი სახელმწიფო კაცი არის ისტორია კერძო პიროვნებაში, მისი მისწრაფება — კერძო ნებისყოფა, მისი ორგანიული ლოდიკა — ხასიათი.

მაგრამ, მთავარი აქ მოქმედება კი არ არის, არამედ ბრძანება. უნდა შესძლო ბრძანება და მხოლოდ ამით



კერძო პიროვნება ამაღლდება საკუთარ თავზე და მოექცევა მომქმედი ქვეყნის შუა ადგილს. არსებობს ბრძანების ერთგვარი კილო, რომელიც მორჩილებას აქცევს თავისუფალ, მაღალ და პატივსაცემ ჩვეულებად. ნაპოლეონს, მაგალითად, არ გააჩნია ეს კილო. ამიტომ არ ჰქონდა მას შეძლება ყურმოჭრილ მონების მაგივრად კაცები აღეზარდა და პიროვნებების დახმარებით ეხელისუფლა. ის ბრძანებების და დეკრეტების საშუალებით ბატონობდა. და რადგან მას ეს ბრძანების ტაქტი არ გააჩნდა, ის იძულებული იყო ყველა გადამწყვეტი საქმე თავისი ხელით გაეკეთებია და რასაკვირველია, ის დაიღუპა ადამიანური შესაძლებლობის ამოწურვის საზღვრებზე. ვისაც კი ხვედრად რგებია ეს დამთავრებული ადამიანობის უმაღლესი ნიჭი, როგორც მაგ. ცეზარს, ან ფრიდრიხს დიდს, ის იგრძნობს ბრძოლის ველზე გამარჯვების წინ, ან და იმ უკანასკნელ საათში, სადაც ერთი ხელის მოწერით ისტორიის მთელი უპოქა იხურება, იმ ძლიერების გასაოცარ გრძნებას, რომელიც ჭეშმარიტების მაძიებელი კაცისათვის სამუდამოდ დახურულია. არსებობს მომენტი, რომელშიაც პიროვნება თავის თავს ქვეყნის ცენტრში და მის ბედისწერად გრძნობს და საკუთარი თავი ის გარეგანი ჰგონია, რომელშიაც ისტორიის მომავალი დღეს, თუ ხვალ გაეხვევა.

პირველი ამოცანა არის: თვით უნდა გააკეთო რაიმე. მეორე, უჩინარი, მაგრამ მძიმე და მომავლისათვის გავლენიანი: ტრადიციის შექმნა. სხვები უნდა აიძულო, შენი საქმე, ტაქტი და კილო გააგრძელონ. ე. ი. შექმნა მთლიანი მოქმედების ისეთი ნაკადი, რომელიც უმეთაუროდ წინ წავა და ფორმასა და სახეს არ დაკარგავს. ამით სხელმწიფო კაცი იზრდება იმათ, რასაც ანტიური ქვეყანა უსათუოდ ღმერთს დაარქმევდა. ის იქცევა ახალი სიკოცხლის შემომქმედათ, ახალგაზრდა რასის სულიერ წინააპრად. ის კი, როგორც არსება, სულ მალე გაჰქრება ამ ნაკადიდან. მაგრამ მის მიერ გაჩენილი უმცირესობა, ეს გასაკვირი ჯიშის ახალი არსება, ძალიან გრძელი დროსათვის, იჭერს მის ადგილს. ეს კოსმიური რაღაც ეს გაბა-



ტონებული ნაწილის სული შეიძლება წარმოშვას კერძო პიროვნებამ და ის გადასცემს მემკვიდრეობას, რაიც ისტორიის მსკლელობაში გრძელი შედეგებით დახასიათდება. დიდი სახელმწიფო კაცი იშვიათი მოვლენაა. მისი მოსულა, მის მიერ ძალა უფლების ხელში აღება — ადრე თუ გვიან — ეს არის შემთხვევა. დიდი პიროვნება ხშირად მეტს დაანგრევს თავის სიკვდილით, ვიდრე ააშენა თავის სიცოცხლით. ეს იმიტომ რომ, მისი სიკვდილით ისტორიის მსკლელობაში დაცარიელებული ადგილის ავსება შეუძლებელი რჩება. ტრადიციის შექმნა კი შემთხვევის უკუგდებას ნიშნავს. ტრადიცია აღზრდის საშუალო წრეს, რომლითაც მომავალს შეუძლია იანგარიშოს, თუ ცეზარს არა ყოველშემთხვევაში სენატს, თუ ნაპოლეონს არა, — ოფიცრების სანიმუშო კორპორაციას. ძლიერი ტრადიცია ყოველ მხრიდან იზიდავს ტალანტს და მცირე ნიჭით ლეზულობს თვალსაჩინო შედეგს. ამას საუკეთესოთ ამტკიცებს მხატვრების სკოლა იტალიაში და ჰოლანდიაში, პრუსიის ჯარი და რომის კურიის დიპლომატია. ბისმარკის მთავარი სისუსტე ფრიდრიხ ვილჰელმთან შედარებით იყო ის რომ, თუმც მოქმედება იცოდა, მაგრამ მან ვერ შექმნა ტრადიცია; მოლტკეს ოფიცრების გვერდით ბისმარკმა ვერ შექმნა შესაფერი პოლიტიკოსების რასა, რომელსაც თავისი თავი ახალ სახელმწიფოდ ეგრძნო და ახალი ძალები მიეღო თავის წრეში. თუ ეს არ მოხდა, მაშინ ერთი მთლიანი მმართველი წრის მაგივრად გვაქვს თავების კრებული, რომელიც ყოველი მოულოდნელის წინაშე უძლური და უსუსურია.

კი მაგრამ, რა არის პოლიტიკა? შესაძლებელის ხელოვნება. ამ ძველი სიტყვით თითქმის ყოველივე თქმულია. მეზადეს შეუძლია თესლიდან მიიღოს მცენარე, ან და მისი ჯიში გააუკეთესოს. მას შეუძლია მისი ზრდა და ყვავილი და ნაყოფი განავითაროს, ან და კიდევ გააფუჭოს. მისი უნარიდან, შესაძლებელია ე. ი. აუცილებელი, დაინახოს მისი ზრდა, მისი წარმატება, მისი ძალა და ბედისწერა. მაგრამ მას არ უჭირავს ხელში მისი არსებობის მიმართულების სათავე, გძეობა და სისწრაფის, კანონი,




რომელიც მასში ჩასახულია და მოქმედობს. ეს კანონი მან ან უნდა ულაპარაკოდ შეასრულოს, ან და მცენარე სამუდამოდ გააფუჭოს. და სწორედ იმისივე თქმა შეიძლება იმ უზარმაზარი მცენარის შესახებ, რომელსაც „კულტურა“ ჰქვია და პოლიტიკურ ფორმების გზით არსებობის ნაკადში მიმავალ ადამინთა საზოგადოების შესახებ.

დიდი სახელმწიფო კაცი მებაღეა თავისი ხალხის.

ყოველი მომქმედი იბადება განსაზღვრულ დროში და განსაზღვრული დროისათვის. მისთვის შესაძლებელი მიხვევების საზღვრები ამით იმ თავითვე გარკვეულია. ბაბუებისათვის და შვილიშვილებისათვის სხვა მიზანი და სხვა ამოცანა არსებობს.

საზღვრები მომავალში შემცირდება მისი პიროვნების და მისი ხალხის თვისებებით. ნამდვილ პოლიტიკოს უმთავრესად ის ახასიათებს, რომ ის დასახელებული საზღვრების უცოდინარობით მსხვერპლს არ გაიღებს, მაგრამ არც იმას დასტოვებს გაუკეთებლად, რაიც უნდა გაეკეთებია, რის გაკეთება შესაძლებელი იყო. ე. ი. იმას ის არ აურევს მას, რაც უნდა ყოფილიყო, იმაში, რაც არის და იქნება. პოლიტიკური ცხოვრების და სახელმწიფოს მთავარი სახე, მისი განვითარების მიმართულება და მდგომარეობა მოცემულია განსაზღვრულ დროში და ეს მოცემულობა არის უცვლელი. ყველა პოლიტიკურ გამარჯვებას მიაღწევთ მათთან ერთად და არა მათში. ისინი კი ვინც პოლიტიკურ იდეალებს თაყვანსა სცემენ, შემოქმედობენ სრული არარაობიდან. საკუთარ შეგნებაში ისინი აითქვას უკიდურესად თავისუფალნი არიან, მაგრამ მათი ნააზრევის შენობები შესდგებიან ცნებებიდან, როგორიც არის სიბრძნე, სამართლიანობა, თავისუფლება, ერთობა — ყველა ეს დაბოლოს მარადია, მაგრამ ცარიელი და მათი ავტორები ყოველ ნაბიჯს იწყებენ თავიდან. ფაქტების ოსტატისათვის საჭიროა მხოლოდ, რომ ის სინამდვილეზე შეუმჩნევლად ბატონობდეს. ეს ვითომც და ცოტაა, მაგრამ ნამდვილი თავისუფლება აქედან იწყება.





საჭიროა იცოდეთ ყველა გზა, ყველა მისადგომი და მისავალი, რომელიც კი მიგიყვანს ხალხების, თუ კერძო სულების და გრძნობათა მოძრაობასთან.

იმ დიდი ხაზების სწორი დანახვა, რომელიც ზოლებად გაყვანილია, მტკიცე ხელი ყოველი ერთდროული და პირადისათვის, რომლითაც ყოველი უბედურება საუკეთესო გამარჯვებათ შეგიძლია აქციო მოქნილი ხერხით — ეს არის სახელმწიფოებრივი ხელობა. ყოველი გამარჯვების საიდუმლოება არის დაუნახავის და შეუმჩნეველის ორგანიზაცია. ვინც ეს ხელობა იცის, მას დამარცხებულის წარმომადგენლის ხელში შეუძლია გამარჯვებულზე იბატონოს, როგორც მაგ. ტალეირანმა ვენაში. ასე, გასაჭირში ჩავარდნილმა ცეზარმა ლუკიაში პომპეის ძლიერება შეუმჩნეველად თავისი მიზნებისათვის გამოიყენა და ამით პომპეის ძლიერება საბოლოოდ დაასამარა; მაგრამ შესაძლებლობას აქვს ის საშიში საზღვარი, რომელმაც ბაროკოს დამთავრებული დიპლომატების ტაქტი, თუმცა ვერ შესცვალა, მაგრამ იდეოლოგიებს ლაზღანდარობის უფლება მისცა. ისტორიაში მრავალია ისეთი მომენტები, სადაც თვით მცოდნე იძულებულია მის მსვლელობას კუდში მისდიოს, რომ ბატონობა არ დაკარგოს. ყველა მდგომარეობას აქვს საკუთარი ელასტიობის საზომი, რომლის გამოყენება შესაძლებელია. ყველა ფაქტად ქცეული რევოლიუცია მაჩვენებელია იმისა, რომ როგორც ხელისუფლებას, ისე მის მოწინააღმდეგეებს პოლიტიკური ტაქტი აკლდათ. ის, რაც აუცილებელია, ყოველთვის თავის დონეზე უნდა მოიყვანო სისრულეში. ამით ხელისუფლება ნდობას მოიხვეჭს და გადაურჩება ისეთი მსხვერპლის მიტანას რაიც ხელისუფლების სისუსტეს აჩვენებს და ზიზღს იწვევს.

უფაქტოესი სახელმწიფო კაცის გავლენა პოლიტიკურ მმართველობის მეთოდებზე ერთობ ძნელია და ამის შესახებ ის შეცდომაში არ უნდა შევიდეს. მისი მოვალეობა მოცემულია ისტორიული ფორმით და მან ამ ფორმაში უნდა იმუშავოს. მხოლოდ თეორეტიკოსებს შეუძლიათ იდეალური ფორმების გამონახვით ალტაცებაში მოვიდნენ.



პოლიტიკური „ფორმიანობისათვის“ კი საჭიროა უაღრესად ცოდნა ყველა უახლესი საშუალების. აქ ამორჩევა არ შეიძლება. საშუალებანი და მეთოდები მოცემულია განსაზღვრულ დროში და ეკუთვნის განსაზღვრულ დროის შინაგან ფორმას. ვინც მას ვერ მიხვდება, ვინც თავის ტაქტს მათ მიმართ დაკარგავს, ის დარჩება ხელცარიელი. არისტოკრატიის საშიშროება იმაშია, რომ ის მეტად კონსერვატორიულია საშუალებათა ამორჩევაში. დემოკრატიის საშიშროება კი — ფორმულის და ფორმის ერთი მეორეში არეგ-დარეგაშია. თანამედროვეობის საშუალება კიდევ ბევრი წლებისათვის არის პარლამენტარული: არჩევნები და პრესა. შეგიძლიათ მათ შესახებ ისეთი აზრის იყოთ, როგორც გსურთ, გძულდეთ, ან და კიდევ მოგწონდეთ, მაგრამ ყოველ შემთხვევაში უნდა იცოდეთ მათი მოხმარება. ბახმა და მოცარტმა თავიანთი დროის მუსიკალური საშუალებანი საუკეთესოდ იცოდნენ. ეს ახასიათებს ყოველგვარ მაღალ ოსტატობას. სახელმწიფო ხელოვნებაც ასეთივეა. ყველასათვის თვალსაჩინო ფორმა, როდესაც სინამდვილეში გადადის უკვე ის აღარაა, რაც ამ ფორმაში იგულისხმება, არამედ მხოლოდ მისი სამოსელი. ამიტომ შესაძლებელია მათი შეცვლა და ამით მოვლენების არსებაში არაფერი არ შეიცვლება; შეიძლება ხელიც არ ახლოთ სინამდვილეს ისე სწეროთ ცნებებისა და კონსტიტუციის ტექსტები და ყველა რევოლუციონერის და დოქტრინერის სიამაყე ის არის, რომ ისინი ათამაშებენ პრინციპებს, თავისუფლებას და სამართალს და ამით ისტორიის ზედა პირზე დაფარფაშობენ. სახელმწიფო კაცმა იცის რომ საარჩევნო უფლების გაფართოება არაფერს არ ნიშნავს. არსებობს მხოლოდ საარჩევნო ტენიკის მოქნილობა. თუ რას ამბობს ინგლისის კონსტიტუცია. ეს უმნიშვნელოა იმ ფაქტთან შედარებით, რომ მისი მოხმარა ინგლისში რამოდენიმე გაბატონებული ოჯახის ხელშია, ასე რომ ედუარდ მე-VII საკუთარი სამინისტროს მინისტრი იყო. რაც შეეხება თანამედროვე პრესას, მეოცნებეს შეუძლია იოცნეობს, რომ ის კონსტიტუციით თავი-



სუფალია, საქმის მცოდნე იკითხავს მხოლოდ: ვის ეკუთვნის ის?

პოლიტიკა ის ფორმაა, რომელშიაც ერთი ხალხის ისტორია მრავალ სხვა ხალხთა შორის მიმდინარეობს. დიდი ხელობაა ის, რომ საკუთარ პოლიტიკას შინაგან ფორმებში შეინახავ და მზად იქნები გარედან მომავალი შემთხვევებისათვის. ეს კანონია არამც თუ ხალხებისა, სახელმწიფოსა და წოდებისათვის, არამედ ყველა ცხოველყოფილი მთლიანობისათვის, თვით უმცირეს ცხოვლისათვისაც არსებობს საშინაო და საგარეო პოლიტიკა, რომლისაგანაც პირველი მეორისათვის არსებობს და არა პირუკუ. ნამდვილი დემოკრატი ეპყრობა მათ, როგორც თვითმიზანს, საშუალო დიპლომატი კი მხოლოდ ფიქრობს მასზე. სწორედ ამიტომ მათი გამარჯვება ყოველთვის ჰაერში ჰკიდია. პოლიტიკის ოსტატი თავს იჩენს საშინაო რეფორმების ტაქტიკაში, ეკონომიურ და სოციალურ საქმიანობაში, საზოგადოებრივი ფორმის თანადროული „სამართლიანობის და თავისუფლების“ მოთხოვნის მიხედვით მოქნილობაში. ყველა ეს კი იმ უმაღლესი ისტორიული ფაქტის მიხედვით არის ღირებული, რომ არც ერთი ხალხი მარტო არ არის ამ ქვეყნად და რომ მისი მომავალი მართო საშინაო წესებზე კი არ არის დამოკიდებული, არამედ სხვა ხალხებისა და ძალების ძალთა განწყობილებაზე. რადგანაც ჩვეულებრივი ადამიანის ხედვა ასე შორს არ სწვდება, ამიტომ გამოდის მმართველი უმცირესობა, რომელშიაც <sup>1)</sup> სახელმწიფო კაცი თავის მიზნების განსახორციელებლად საშუალებას ჰპოულობს. ყოველივე კულტურის წინა პოლიტიკა მოცემულია მტკიცე ფორმებში. ყოფა ჩამოყალიბებულია პატრიარქალურ სახეებად; დედამიწის პირობები ისე მკაცრია, ბატონყმობა და წოდებათა სახელმწიფო მთლიანი სიცოცხლის ფორმებისათვის

1) იმის ხაზის გასმა საჭირო არ უნდა იყოს, რომ ეს არისტოკრატიული ხელისუფლების პრინციპში კი არ არის, არამედ ხელისუფლების საერთოდ. მასების არც ერთი ნიჭიერი ბელადი არ ეპყრობოდა თავის მოვალეობას სხვა გვარად, არც კლეონი, არც რობესპიერი, არც ლენინი.



ისე თავის თავად გასაგები რაიმე არის, რომ ჰომეროს და გოტიკის დროის პოლიტიკა მხოლოდ და მხოლოდ ამ თავისთავად მოცემული ფორმების ფარგლებში ტრიალებს. ეს ფორმა, ასე ვსთქვათ, თავისთავად იცვლება. და რომ ეს რომელიმე პოლიტიკის ამოცანა არის ამის შეგნებამდის თითქმის არავინ არ მიდის, მაშინაც კი, როცა რომელიმე სამეფო დაინგრევა და აზნაური ნაკაცარად გადაიქცევა. არსებობს მხოლოდ და მხოლოდ წოდების პოლიტიკა. კაიზერის, პაპის, ვასალის პოლიტიკა. სისხლი, რასსა ლაპარაკობს ამ ცხოველ და ნახევრად შეგნებულ მოქმედებიდან: თვით ხუცესი, რამდენად ის პოლიტიკას ეწევა, მოქმედობს, როგორც რასსიანი ადამიანი. სახელმწიფოს „პრობლემებს“ ჯერ კიდევ არ გაუღვიძებიათ.

ფაქციის ბუნებას შეადგენს ის, რომ მას არ ახასიათებს აზრი: საგნების და საქმეების წყობილება გეგმამწყობრად იცვლება. მას სურს მხოლოდ მისთვის მოცემულ წყობილებაში მოიპოვოს პატივი და ღირსება, ძალაუფლება და სიმდიდრე, ისე როგორც ყოველ ცხოველყოფილს და მოზარდეს სურს ეს. ესაა ჯგუფები, რომლებიც ნათესაობაში, პატივში, ერთგულობაში და რაღაც მისტიურ კავშირში ერთი-მეორესთან დიდ ისტორიულ როლს თამაშობენ და იდეების კი არაფერი არ გაეგებათ.

მდგომარეობა იმ წამსვე შეიცვლება ის, რა წამს დიდი ქალაქების ზრდასთან ერთად ხელისუფლებას არაწოდებრივი ელემენტი ე. ი. ბურჟუაზია დაეპატრონება. ახლა უკვე პოლიტიკური ფორმა არის გამხდარი ბრძოლის საგნად და პრობლემათაქამდის ის მწიფდებოდა, ახლა ის უნდა შეიქმნას. პოლიტიკა არამც თუ ცნების საგნად შეიქნება, არამედ თვით ცნება არის. სისხლის და ტრადიციის საწინაღმდეგოდ აღმდგარია სული და მისი მეგობარი — ფული. ორგანიულის ადგილს იჭერს ორგანიზაცია, წოდების ადგილს — პარტია. ყოველი პარტია არის თავების კრებადობა და არა რასსის მკენარე. ამიტომ იგი სულიერათ უფრო ძლიერია, ვიდრე ძველი წოდება, მაგრამ ინსტიქტით მასზე უფრო ღარიბი. პარტია შეურიგებელი მტერია ყოველივე აღმოცენებულ წოდებრივ და-



ყოფის, რომლის უბრალო აღმოცენება მის ბუნებას — სამკვედრო-სასიცოცხლო ომს უცხადებს. ამიტომ არის სწორედ, რომ პარტიის ცნება ყოველთვის უარისმყოფელ, დამნგრევ და დამშლელ თანასწორობის ცნებასთან ერთად ჩნდება. წოდების იდეალების ადგილს პროფესიის ინტერესი იჭერს. ასპარეზზე გამოდის მეორე ნეგაციის ცნება, — თავისუფლება; ყველა პარტიები წმინდა ქალაქური მოვლენა არის. ქალაქის სოფლიდან განთავისუფლებასთან ერთად წოდების პოლიტიკის ადგილს პარტიის პოლიტიკა იჭერს. ეგვიპტეში ეს დრო დაიწყო საშუალო სახელმწიფოების ბოლოდან, ჩინეთში — მებრძოლი სახელმწიფოების გაჩენიდან, ბაღდადში და ბიზანტიაში — აბასიდების დროიდან.

დასავლეთ ევროპის ქალაქებში შეიქმნენ პარლამენტალური სტილის პარტიები, ანტიური ქვეყნის ქალაქის სახელმწიფოებში — ფორუმის პარტიები და მაგიური სტილის პარტიებს ჩვენ ვნახულობთ შავალში და თედორე სტუდიონის ბერებში.

ამ **არა წოდებას** ახასიათებს ის, რომ, ისაა წოდების წინააღმდეგ მიმართული პროტესტის მთლიანობა, რომლის მოწინავე უმცირესობა („განათლება და გამდიდრება“) გამოდის როგორც პარტია, რომელსაც აქვს პროგრამა გამარტებული და არა განცდილი მიზნებით, და რომელსაც ახასიათებს უარისყოფა ყოველივე იმისა, რისი ათვისებაც აზროვნებისა და გონების მიერ შეუძლებელია. ამიტომ სწორედ ერთად ერთი პარტია არსებობს ბურჟუაზიის — ლიბერალური. ის უთანასწორობა ახალ „ხალხს“. მათი მოწინააღმდეგე წმინდა წოდებები — „აზნაური და ხუცესი“ არიან „ხალხის“ მტრები და მოლაღატენი; მათი შეხედულობა არის „ხალხის ხმა“ და ამ ცნებებს პარტიულ პოლიტიკის ყველა საშუალებებით, ფორუმის სიტყვით, დასავლეთის პრესით და სხვ. უმცნაურ ხალხს სისხლში და ხორცში.

მთავარი წოდება არის აზნაური და ხუცესი. მთავარი პარტია კი არის ფულის პარტია, სულის და დიდი ქალაქის ლიბერალური პარტია. ყველა კულტურისათვის ამ ორში



არის არისტოკრატიის და დემოკრატიის ცნება გამართლებული. არისტოკრატიულია ქალაქის სულის სიძულვილი, დემოკრატიულია — გლეხის და სოფლის სიძულვილი. ეს არის წინააღმდეგობა წოდებისა და პარტიის პოლიტიკას შორის, წოდების განცდასა და პარტიულ შეგნებას, რასასა და ფულს, ზრდასა და კონსტრუქციას შორის. არისტოკრატიულია დამთავრებული კულტურა, დემოკრატიული — მსოფლიო ქალაქში წარმოშობილი ცივილიზაცია, და ეს წინააღმდეგობა დარჩება მანამდის, სანამ ორივეს ადგილს დაიჭერს ცეზარიზმი. ისე როგორც აზნაური წმინდა და ნამდვილი წოდება არის, ასე არ შეუძლია აზნაურს როდესმე იგრძნოს თავის სისხლში პარტია.

რომში ტრიბუნების დაარსებიდან (471) მათთვის კანონმდებლობითი უფლებების ჩაბარებამდის (287 წ. რევოლუციისაში) პატრიციები და პლებეები არსებითად იბრძოდნენ ისე, როგორც წოდება. ამ დროიდან კი ამ წინააღმდეგობას გენეალოგიური მნიშვნელობაღა შერჩენია და მათ ადგილს ვითარდება პარტიები, რომლის სახელი შეიძლება ლიბერალები და კონსერვატივები ყოფილიყო: ფორუმზე ტონის შემქნელი „პოპულუს“ (ხალხი) და სენატში მოკალათებული ნობილიტეტი (აზნაურობა) მმართველ არისტოკრატიის სახელმწიფო საბჭოთ. პოპულუს ახლო იდგა მსხვილი ფულის პატრონები, აზნაურობასთან კი-გლეხობა. შეხედეთ თქვენ იქ გრაკებს და მარიუსს, აქ-კი ფლამინიუსს და ხელად შეამჩნევთ, რომ ძველი კონსულების და ტრიბუნების შეცვლილ მდგომარეობასთან გვაქვს საქმე. ისინი აღარ არიან პირველი და მესამე წოდების რწმუნებულნი, არამედ ისინი უკვე გამხდარან პარტიის წარმომადგენელნი. ორი პარტია არჩევნებში აყენებს თავის კანდიდატებს და დემაგოგიის ყველა საშუალების მოხმარებით ცდილობს გააკეთოს საკუთარი საქმე და თუ ფულმა არჩევნების დროს აღარ გაიმარჯვა, მაშინ ის არჩეულთა მიმართ მაინც გაიმარჯვებს.

ინგლისში მე-19 საუკუნის დასაწყისში Torie და Whigs-ის საშუალებით ჩამოყალიბდნენ პარტიები, ფორმის მიხედვით გაქალაქდნენ, საქმით ლიბერალური პროგ-



ჩამძა მიიღეს, რასაც რასაკვირველია, საზოგადოებრივი აზრი სულ არ შეუწყუხებია. სწორეთ ამ ოსტატურ და თავის დროზე მომხდარ გადახრით გადაურჩა ინგლისი საფრანგეთის მაგალითს, სადაც 1789 წელს წოდების მტერი პარტია წარმოიშვა. თუმცა პალატის წევრები შეიქმნენ გაბატონებულ ნაწილის მიერ ხალხისადმი მიგზავნილი შუაქაცვები. მეთაურები დარჩა ისევ იმავე ხელში, ვისაც ის წინათ ჰქონდა და 1830 წლიდან ხმარებული ტერმინები: კონსერვატორი და ლიბერალი, ნიშნავს მხოლოდ მეტს და ნაკლებს და არა „...ჰო, ან არას“. სწორედ ამავე წლებში გემმანიის ლიტერატურაში წინედ არსებული თავისუფლების პანგები პარტიულ შეგნებად გარდაიქცა (ორგანიზაცია „ახალგაზრდა გერმანია“) და ამერიკაში პრეზიდენტი იაკზენის დროს რესპუბლიკანურ პარტიის გვერდში დემოკრატიული გაჩნდა. და დებულება, რომ არჩევნები ანგარიშია და სახელმწიფოს მოღვაწენი კი გამარჯვებულების ნადავლი — ყველას მიერ ცნობილ ფორმულად გადაიქცა.

მაგრამ მოხელისუფლე უმცირესობის ფორმა წოდებიდან პარტიის გზით შეუჩერებლად ვითარდება კერძო პირის მიმდევრებამდე. დემოკრატიის უკანასკნელი დღეები და მისი ცეზარიზმად გარდაქცევა იმით ხასიათდება, რომ არა მარტო მესამე წოდების ლიბერალიზმის პარტია ჰქრება, არამედ ჰქრება პარტია როგორც ფორმა, პარტია როგორც ასეთი, პარტიული შეგნება, ხალხის მიზანი, პარტიული პოლიტიკის აბსტრაქტი იდეალები და მათ ადგილს იჭერს კერძო პოლიტიკა, ე. ი. შეუჩერებელი ძლიერების ნება, რომლითაც დაჯილდოვებულია მხოლოდ რამდენიმე ჯიშიერი კაცი.

წოდებას აქვს ინსტიქტი, პარტიას აქვს პროგრამა, მიმდინარეობას ჰყავს ბატონი. ამ გზით წავიდა პატრიცი და პლებეი, გაიარა ოპტიმატები და პოპულიარები და მივიდა პომპეისტან და ცეზანთან. პარტიის ბატონობის ეპოქა ყველა დროსათვის განსაზღვრულია რაღაც ორასი წლით და ჩვენთვის ის მსოფლიო ომს შემდეგ ყოველ წუთში დაღუპვის გზას ადგია. დებულება, რომ ამომრჩევლების



მთელი მასსა, თავისი სურვილით თავის წარმომადგენელს თავისი საქმისათვის პარლამენტში გზავნის — როგორც ეს გულუბრყვილოდ სწერია ყველა კონსტიტუციაში — მანამდე რჩება ძალაში, სანამ გარკვეული ჯგუფების ორგანიზაცია კიდევ შეუძლებელია. ეს ასე იყო 1789 წლის საფრანგეთში, გერმანიაში 1848 წელს. შეიკრიბება თუ არა რომელიმე ნამდვილი კრება, ხელად საჭირო შეიქნება ტაქტიური მთლიანობის შექმნა და ამ ღდიდან ეს არჩევნები თავიანთ თავს ამრჩევლების საყვირათ კი აღარ გრძნობენ. არამედ ყოველ ღონისძიებას მიმართავენ, ამრჩევლები საკუთარი სურვილების მიხედვით ამუშაონ. ის მიმართულება ხალხში, რომელიც ორგანიზაციაში ჩამოყალიბდა, ორგანიზაციის იარაღად იქცა და ამ გზას აგრძელებს მანამდე, სანამ თვით ორგანიზაცია მეთაურების იარაღად არ გახდება. სიძლიერისაკენ მისწრაფება თეორიაზე უფრო ძლიერია. დასაწყისშია მეთურობა. შემდეგ წარმოიშობა აპარატი პროგრამის გულისათვის. შემდეგ მას იცავენ მათი პატრონნი, რასაკვირველია, უფლების და მდგომარეობის შენარჩუნების მიზნით. რაც დღეს, — როდესაც ათასები და ათი ათასები პარტიის აპარატში თავს ირჩენენ, — ნათელია. ბოლოს კი მესიერებიდან ჰქრება პროგრამა და აპარტი მუშაობს ავტომატიურად.

ეს დემოკრატიის გაკოტრება კი არ არის, არამედ მისი აზრი და აუცილებელი შედეგი. გულუბრყვილო იდეალისტების ჩივილი მათი ოცნების დანგრევის შესახებ მხოლოდ სიბრძავის მაჩვენებელია, რაიც მათ საშუალებას არ აძლევს დაინახონ და გაარჩიონ ის შეურიგებელი სხვაობა, რაიც ჭეშმარიტებასა და ფაქტს შორის არსებობს.

პოლიტიკურ-სოციალური თეორია აუცილებელი საფუძველია პარტიულ პოლიტიკისათვის. დიად მწკრივს რუსსოდან მარქსამდე ანტიურ ქვეყანაშიაც ჰყავს თავისი ორეული — სოფისტებიდან პლატონამდე და ძენონამდე. ჩინეთში შეგვიძლია ამის მსგავსი სწავლა კონფუციანურ და ტაოაისტურ ლიტერატურაში ვნახოთ, საკმარისია მხოლოდ სოციალისტი მოჰ დავასახელოთ. ბიზანტიის და



არაბეთის ლიტერატურაში, სადაც რადიკალიზმი მკაცრ სარწმუნოების ფორმებს ღებულობს, მათ მე-9 საუკუნეში ძალიან დიდი ადგილი აქვს დათმობილი. ეგვიპტეში და ინდოეთში მათ არსებობას ბუდდას და ჰიკსოს დრო ამტკიცებს. ლიტერატურული დამტკიცება მათ არ სჭირიათ, ბოლოს გვხვდება ე. ი. ისლამში და ინგლისურ, ამერიკულ ქრისტიანობაში, ისეთივე საშუალებაა, როგორც საუკეთესო ლიტერატურა.

„ჭეშმარიტია“, თუ „მცდარი“ მოძღვრება ამას ქვეყნის პოლიტიკის ისტორიისათვის არავითარი აზრი არა აქვს. მარქსიზმის „დამარცხება“ ეს აკადემური კამათის საქმეა, სადაც რასაკვირველია თვითთელი, სრულს სიმართლეს ამბობს და ყველა დანარჩენი სიცრუეს. სინამდვილეში საქმე ამაში კი არ არის, არამედ იმაში, გააჩნია თუ არა მას მოქმედება და გავლენა. ჩვენ ვიმყოფებით გონების სიძლიერის უჩვეო რწმენის ეპოქაში. დიდი ზოგადი ცნებები — თავისუფლება, სამართალი, კაცობრიობა, პროგრესი და სხვა, არის წმინდათა წმინდა. დიდი თეორიები არის სახარება. რწმენის სიძლიერე საფუძვლებზე კი არ არის დაყრდნობილი, — (ცხადია რომ რომელიმე პარტიის მასსას არც კრიტიკული ენერგია, არც ცოდნა და არც დრო არ გააჩნია ყველა ამ პრინციპების გადასაშინჯავად) — არამედ ის დაყრდნობილია ლოზუნგების საკრამენტალურ კურთხევაზე. ყოველ შემთხვევაში ეს გატაცება რჩება დიდი ქალაქის მცხოვრებთ შორის და ეს რაციონალიზმი და „განათლებულების რელიგია“ აქვე. გლახობას საფრთხით არ ეხება ეს ამბავი. ქალაქის მასსას კი — რომელიმე განსაზღვრულ დროში და მას აქვს მასზე ახალი აპოკალიპსის გავლენა.

მაგრამ სწორედ ამათი წიგნები, როგორც რუსოს „*Contral social*“ და „კომუნისტური მანიფესტი“ ძლიერი კაცების ხელში, რომლებიც პარტიის რიგებში გაჩნდებიან და გაბატონებული მასის შეგნებით მოქმედობენ და მათ ხმარობენ — იქცევა ძლევა მოსილლების საუკეთესო იარაღად.



ყველა ამ აბსტრაქტ იდეალებს აქვთ ძალა რაღაც ორბ-  
სი წლის მანძილზე, ისე როგორც პარტიულ პოლიტიკას.  
ეს იდეალები დაბოლოს დამარცხებული კი არ იქნება,  
არამედ მოსაწყენი. და ბოლოს უკუვაგდებთ არა ამა თუ  
იმ თეორიას, არამედ თეორიას საერთოდ და ამით მე-18  
საუკუნის ოპტიმისტურ აღდგენებასაც, რომელსაც უხეში  
ფაქტების გაუმჯობესება ცნებების საშუალებით სურდა.  
როცა პლატონი და არისტოტელე ანტიურ კონსტიტუ-  
ციაზე მსჯელობდნენ, ბჭობდნენ და უკეთეს და უმშვენიე-  
რესს დაეძებდნენ მათ უსმენდა მთელი ქვეყანა და როდესაც  
პლატონმა თავისი იდეოლოგიური რეცეპტის მიხედვით  
სირაკუზის გადაკეთება დაიწყო, — ამან საბოლოოდ დაან-  
გრია ეს ქალაქი. იაკობინელების თავისუფლების და ერ-  
თობის ფანატიზმმა საფრანგეთი დირექტორიუმის შემდეგ  
ჯარის და ბირჟის სათარეშო ასპარეზად გადააქცია, ასე  
როგორც ყოველი სოციალისტური აჯანყება კაპიტა-  
ლიზმს აძლევს ახალი განვითარების საშუალებას.

ნულარავის გაუკვირდება ის, რომ თეორიების ეპოქა  
უკვე დამთავრებულია ლიბერალიზმის და სოციალიზმის  
დიდი სისტემები წარმოშობილია 1750-1850 წ-ში. მარქსის  
სისტემა დღეს უკვე ერთი საუკუნეა სცოცხლობს და დღე-  
მდე მის მეტი სისტემა აღარ შექმნილა. შინა ბუნებით ე. ი.  
თავისი ისტორიის მატერიალისტური ახსნით, ის არის რა-  
ციონალიზმის დასრულება და ამიტომ მისი დასასრული  
საერთოდ. ვინც შეადარებს იმ თავგანწირვას, რაც რუსოს  
იდეებმა საფრანგეთის რევოლუციაში ჰპოვეს სოცია-  
ლისტების საქციელთან <sup>3)</sup> 1918 წელს, ის ნათლად დაინა-  
ხავს იმ გზას, რომელზედაც ყველა პროგრამა და პარტიუ-  
ლი პოლიტიკა მიდის. რწმენა იდეალებისა და პროგრამის  
მიმართ ახასიათებდა ბაბუებს, შვილიშვილებისათვის კი  
ეს იქნებოდა პროვინციალიზმი. სწორედ ამ საშინელი სი-

<sup>3)</sup> შპენგლერი აქ გულისხმობს იმ ისტორიულ ფაქტს, რომ 1918  
წელს გერმანიის სოც.-დემოკრატიას უეცრად ხელში ჩაუვარდა სა-  
ხელმწიფო ხელისუფლება, მაგრამ მან ის მეორე დღესვე, „ზრდი-  
ლობიანათ“ უკან დაუბრუნა ბურჟუაზიას.

მთარგმნელი.



ნიდისის ქენჯნა და სულიერი კრიზისისაგან ნელ ნელა ახალი სარწმუნოება და სათნოება იბადება, რომელიც, შორეულ ქვეყნების ძებნაში იმედ დაკარგული, თავის გამოსავალს ე. წ. მეორე რელიგიაში ეძებს.

ეს არის დემოკრატიის დიდი ფაქტორის სადაო ნაწილი. საჭიროა განვიხილოთ მისი მეორე ნაწილიც ე. ი. მისი რასიულობა. დემოკრატია ოცნება, ან ქალაქის ნაგლეჯი იქნებოდა, რომ მის ბელადებში ნამდვილი ბატონები არ იმალებოდნენ, რომლებისათვის ხალხი მხოლოდ ობიექტია, იდეალების საშუალებაა, სულ ერთია ამას ისინი შეგნებულად გრძნობენ, თუ არა.

დემოკრატიის გზას სწორედ ის ახასიეთებს, რომ სახალხო კონსტიტუციების შემომქმედნი მათი გეგმების ფაქტიურ გავლენას ვერ გრძნობენ, ეს არ უგრძნია „სერვიანული“ კონსტიტუციის ავტორებს რომში და არც პარიზის დამფუძნებელი კრების წევრებს.

კანონსა და პრაქტიკულ ჩვეულებას შორის სუფევს საშინელი და მოურიგებელი წინააღმდეგობა; ეს პრაქტიკული მოტივი ჩუმათ, მაგრამ ენერგიულად აღმოცენდება ამ ღრმა სამარიდან, ის ან დაეუფლება სიცოცხლის ტაქტს, ან და მას საბოლოოდ განშორდება. გამოცდილება მხოლოდ ბოლო დროს გვასწავლის იმ ამბავს, რომ ხალხის უფლება და ამ უფლების მოხმარება ორი სხვადასხვა საქმეა. რამდენად საერთოა საარჩევნო უფლება იმდენად მცირეა ამრჩევლების გავლენა.

დემოკრატიის დასაწყისში მოედანი ეკუთვნის სულს. ქვეყანაზე არაფერი არ არსებობს იმაზე უფრო წმინდა წარმტაცი და უანგარო, როგორც ლამის სხდომა 4 აგვისტოს 1789 წელს, ან და კრება პავლეს ეკლესიაში ქ. ფრანკფურტში, სადაც მთელი ძალაუფლებით ხელში, საყოველთაო ჭეშმარიტების შესახებ მანამდე შეუწყვეტლად ილაყბეს, სანამ სინამდვილის ძალამ ენერგია არ მოიკრიბა და მეოცნებენი გარეთ არ გამორეკა.

მაგრამ ჩქარა გამოცხადდება დემოკრატიის უფრო დიდა ძალა და შეიტყობს, რომ კონსტიტუციის უფლებების მოხმარა მხოლოდ მაშინ შეიძლება, თუ საყოფი ფული



გაქვს. საარჩევნო უფლებით ხალხის სურვილის გამოხატ-  
ვას კიდევ აქვს რაღაც აზრი მანამდე, სანამ არ შექმნილა  
მეთაურთა ძლიერი ორგანიზაცია, რომელსაც საკუთარი  
ინტერესების განსახორციელებლად საჭირო ფული არ  
მოეპოვება. თუ ეს ფაქტორი შესრულებულია, არჩევნებს  
მხოლოდ და მხოლოდ ცენზორის უფლებაა შერჩება,  
ის, რასაც ბრბო კერძო ორგანიზაციებს აწვდის, რომლის  
შექმნაზე მას უკვე აღარავითარი უფლება არ შერჩენია.  
აგრეთვე არის უბრალო თეორია თანამედროვე კონსტი-  
ტუციის იდეალური უფლება — მასების მიერ წარმომად-  
გენლის თავისუფალი არჩევა, რადგან ყოველი განვითა-  
რებული ორგანიზაცია სინამდვილეს თვით ირჩევს და  
ავსებს. დაბოლოს ეღიროება და გაიღვიძებს გრძნობა, რომ  
საერთო საარჩევნო უფლება სინამდვილეში არავითარი  
უფლება არ არის, ის არ არის არჩევანი ორ პარტიას  
შორისაც კი.

ერთი შეხედვით დასაველთის პარლამენტარულ დე-  
მოკრატიასა და ეგვიპტის, ჩინეთის, არაბეთის ცივილიზა-  
ციებს შორის, რომლებსაც ხალხის საარჩევნო უფლებაზე  
წარმოდგენაც კი არ ჰქონდათ, ვითომც და დიდი სხვაო-  
ბა არსებობს. ჩვენთვის კი ამ არჩევნების ფორმას იმდენ-  
ნივე ღირებულება აქვს, როგორც წინედ ქვეშევრდომო-  
ბას. ჰქონდა. იქაც და აქაც იყო მასსა ობიექტი სუბიექტი-  
სათვის. თავისუფლება ყოველთვის ნეგატიური ცნება  
არის. ის ნიშნავს ტრადიციის, დინასტიის, ოლიგარხიის,  
ხალიფატის უარყოფას. მაგრამ ამ უარყოფის შემდეგაც აღ-  
მასრულებელი ძალა ახალი მეთაურების ხელშია, პარტიის  
ბელადების, დიქტატორების, პრეტენდენტების, წინასარ-  
მეტყველების, და მათი ავანჩავანის. ხალხი კი ყოველთვის  
და ყოველგან დარჩება ობიექტი. „ხალხთა თვით-გამორ-  
კვევის უფლება“ ზრდილობიანი გამოთქმა არის, სინამ-  
დვილეში კი საყოველთაო საარჩევნო სისტემის შემოღე-  
ბით არჩევნები საზოგადოდ გაუქმებულია. რამდენათ უფ-  
რო ჩქარა დაიშლება წოდების მიერ აზრდილი ფორმები  
იმდენად უფრომოდ. უსახოდ და უიმედოდ გარდაიქცევა  
ამრჩეველთა მასსა, იმდენად უფრო დაუქვემდებარებია ის



ახალ ბატონებს, პარტიულ აპარატს, რომელიც ყოველ-  
ნაირ საშუალებებით ბრბოს თავის ნებისყოფას უკარნა-  
ხებს, მეთოდებს ასწავლის, რომლისა ბრბოს არც რაიმე  
ესმის და არც გაეგება და რომელიც საზოგადოებრივ  
აზრს, როგორც მის მიერ გამობრძმედილ იარაღს, ერთი  
მეორეს უპირისპირებს. მაგრამ სწორედ ამიტომ რაღაც  
ურყევი შინაგანი ძალა მიაქანებს დემოკრატიას იმ გზა-  
ზე, რომელზედაც ის უკანასკნელად საკუთარ თავის უა-  
რისყოფამდე მივა.

მაშინ, როდესაც ანტიურმა ქვეყანამ რომის ფორუ-  
მით გამონახა საშუალება ხალხის მასის დასანახავ და მჭი-  
დრო სხეულად გარდაქცევისათვის და ამ მასსას აიძულა  
მოეხმარა ის უფლებები, რომელიც მეთაურებს სურდათ,  
— „თანადროულად“ ევროპა-ამერიკის პოლიტიკამ პრე-  
სის სახით გამონახა, ძლიერების ისეთი არე, რომლის სუ-  
ლიერი და ფულადი ძლიერება მსოფლიო ყველა კუთხემ-  
დის სწვდება, რომელშიაც შებმულია ყველა და ყოველი  
და იძულებულია ისე იფიქროს, ისე იაზროვნოს, ისე იმო-  
ქმედოს, როგორც ეს სადღაც შორს მყოფ პიროვნებას მი-  
ზანშეწონილად მიაჩნია. ეს არის დინამიურობა სტიტიუ-  
რობის წინააღმდეგ; მსოფლიო გზნება აპოლონიური გზნე-  
ბის წინააღმდეგაა მიმართული, — წმინდა და ცხოველ-  
ყოფილი სინამდვილის წინააღმდეგ მიმართული, მესამე  
დიმენსიის პათოსი. კაცი აღარ ელაპარაკება კაცს; პრესა  
და კავშირი, ელექტრონით ამბების გადაცემა, ამხიზლებს  
ხალხებს და კონტინენტებს დღითი დღე აყრუებს მათ  
დებულებებით და ლოზუნგებით, შეხედულობებით, რწმე-  
ნით, სცენებით, გრძნობით და ეს ხდება წლიდან წლამდე  
ისე, რომ ყოველი „მე“ რაღაც უხილავი სულიერი ძალის  
ძხოლად ფუნქცია-ლა რჩება. ფული თავის პოლიტიკურ  
გზას ერთი ხელიდან მეორეში კი არ ნახულობს, მას ღვი-  
ნოთ ან სათამაშოდ კი არ აქცევენ — ის იქცევა ენერგიათ  
და ის თავისი რაოდენობით განსაზღვრავს მისი ძლიერე-  
ბის ინტენსიობას.

პოლიტიკურ პრესისაგან დამოკიდებულია საერთო  
სასკოლო განათლების საჭიროებაც. ეს არ ჰქონია ანტიურ



ქიყანას. ამ საერთო სწავლის პრინციპში დამალულია სურვილი რომ მასსები, როგორც პარტიული პოლიტიკის ობიექტი, ჩააბარონ მოსავლელად გაზეთს. ძველი დემოკრატიის იდეალისტებს ეს ეგონათ განათლება და ის კი არა დღესაც არიან აქა-იქ სუსტი თავები, რომლებიც პრესის თავისუფლებით აღფრთოვანებული რჩებიან და სწორედ ამით იკათვებიან მომავალი მსოფლიო პრესის ცეზარები თავიანთ გზას. ვინც კითხვა შეისწავლა, ის მათი მონა იქნება, და ნაოცნებარი თვითგამორკვევის ადგილს დაიჭერს ხალხების რადიკალურად „სხვის მიერ გარკვევა“: მათ მიერ; ვისაც დაბეჭდილი სიტყვა ეკუთვნის.

როგორც მოიხმარ ამ იარაღს, ისე იბრძოლებ. გაზეთის ძლიერების დაწყებისას ამ განვითარებას ცენზურამ შეუშალა ხელი; ტრადიციის წარმომადგენლები თავის დაცვას ცდილობდნენ და მოქალაქე კი ყვიროდა, რომ აზრის თავისუფლება საშიშროებაშიაო. ახლა კი ბრბო ძალიან მშვიდად მიიზღაზნება თავის გზით; მან ეს თავისუფლება საბოლოოდ მოიპოვა, სინამდვილეში კი მას ებრძვის ძლიერი, რომელმაც პრესა უკვე შეისყიდა. მკითხველის შეუმჩნეველად იცვლება გაზეთის პატრონი და ამით თვით მკითხველიც. ფული აქაც ბატონობს და თავისუფალ აზრს იმონებს. არც ერთ მეჯობეს უკეთესად არ უჭირავს ჯოგი თავის ხელში. ხალხს, როგორც გაზეთის მკითხვე ბრბოს, ახსნიან ლაგამს, მოუშვებენ სადავეს და იმტვრევა ფანჯრები, და იწყება ბრძოლა წინასწარ განზრახული მიზნისათვის. ერთი თითის ჩვენებაა საჭრო პრესის მთავარი შტაბიდან, რომ უეცრად კაცთა შორის სათნოება მყარდება, ყველანი დაწყნარებული ბრუნდება სახლში. დღევანდელი პრესა ეს უდიდესი არმიაა და მას საუკეთესო ორგანიზაცია აქვს. ჟურნალისტი ოფიცირია, ჯარის კაცი კი მკითხველი.. და აქ ის ხდება, რაც ყველა არმიაშია: ჯარის კაცი ბრმად იჯერებს, ომის მიზნების შეცვლა და ოპერაციების გეგმების შედგენა მის დაუკითხავად ხდება. მკითხველმა არ იცის, თუ რა სურთ გააკეთონ მისი ხელით და არც მოვალეა ეს იცოდეს; მან არ იცის და არც უნდა იცოდეს, თუ რას აკეთებენ. ამაზე



უფრო საშინელი სატირა აზროვნების თავისუფლების შესახებ სწორედ აღარ შეიძლება არსებობდეს. ძველად თავისუფალი აზროვნება არ იყო ნებადართული. დღეს ეს ნებადართულია, მაგრამ აღარავის შეუძლია ეს. დღეს მხოლოდ იმის აზროვნება შეიძლება, რაც უსათუოდ უნდა იაზროვნო და სწორედ ეს არის შენი თავისუფლება.

და თავისუფლების მეორე მხარე არის ის, რომ ყველას უფლება აქვს ის ილაპარაკოს, რაც მას სურს; მაგრამ პრესის საქმეა ამას ანგარიშს გაუწევინ, თუ არა. პრესას შეუძლია ყოველივე „ჭეშმარიტებას“ სიკვდილი მიუსაჯოს, ის არ ისურვებს „ჭეშმარიტების“ გავრცელებას და ეს სიჩუმის საშინელი ცენზურა იმდენად ძლიერია, რამდენად გაზეთის მკითხველი მონა არათერს ტყობილობს ამის შესახებ. აქ, როგორც ცენზურის მშობიარობის წინ, სჩანს ძველი დრო. მოვლენათა რკალი მზათ არის დაიხუროს. ისე, როგორც ფოლადის და ბეტონის ნაშენში ახალგაზრდა გოტიკის გამოხატულების ნება მხილდება, მაგრამ თავდაჭერილი, ცივი, ცივილიზაციური, ასევე მხილდება აქ გოტიკის ეკლესიის რკინის ნების ყოფა და ამას სახელად „დემოკრატიის თავისუფლება“ ჰქვია. „წიგნების“ ეპოქას მოხსნის გაზეთი და პროპაგანდა. წიგნი პიროვნების სახეა. გაზეთი და პროპაგანდა კი ემსახურება უპიროვნო მიზანს. სქოლასტიკის ეპოქა მსოფლიო ისტორიაში ის განსაკუთრებული სულიერი აღზრდა იყო, რომელიც ქვეყნის კუთხეებიდან არც ერთ წერილს, არც ერთ სიტყვას არც ერთ აზრს ცოცხალს არ გაუშვებდა, თუ ეს ეწინააღმდეგებოდა მის მაღალ სურვილს. ეს არის სულიერი დინამიკა. ანტიური, ინდიური და არაბული ადამიანი ზიზლით შეხედავდა ამ კომედიას. მაგრამ სწორედ ეს არის ევროპულ-ამერიკული ლიბერალიზმის შედეგი, ისე როგორც რობესპიერი ფიქრობდა: „რევოლიუცია არის თავისუფლების დესპოტიზმი ტირანიზმის წინააღმდეგ“. კოცონის ადგილს იკავებს დიდი სიჩუმე. პარტიის მეთაურების დიქტატურა დამყარებულია პრესის დიქტატურაზე. ფულის საშუალებით გაზეთის მკითხველებს ყმობისაგან ანთავისუფლებენ, მაგრამ მათ თავიანთი აზრის მო-



ნებათ ხდიან. აქ იმას ტყობილობენ, რის ცოდნა მათთვის საჭიროა და ერთი მალალი ნებისყოფა განსაზღვრავს მათ მსოფლმხედველობას. დღეს საჭირო აღარ არის ქვეშევრდომნი აიძულონ სამხედრო სამსახურისათვის, როგორც ამას მაგ. ბაროკოს თავადები შვრებოდენ. მათ სულს მანამდე ამათრახებენ გაზეთის მეთაურებით, ტელეგრაფებით, სურათებით, სანამ ისინი თვით არ მოითხოვენ იარაღს და მაშინ მეთაურები მათ შეიყვანენ იმ ბრძოლაში, რომელიც მათ თვითონ სურთ.

ეს არის დემოკრატიის დასასრული. თუ ჭეშმარიტების ქვეყანაში მთავარ როლს დაჯერება თამაშობს, ფაქტების ქვეყანაში ამ როლს თამაშობს გამარჯვება. გამარჯვება ეს გახლავთ ერთი არსების ნაკადის ტრიუმფი მეორეზე. სიცოცხლემ გაიმარჯვა; მსოფლიოს გადამკეთებლების ოცნება საუკეთესო იარაღია ბატონობისათვის დაბადებულის ხელში. დაგვიანებულ დემოკრატიაში გამოდის რასსა და იმონავეებს იდეალებს, ან და დაცინვით გადაისროლის მას საკუჭნაოში. აზროვნება და ამასთან მასების მოქმედება რკინის სალტებით არის გარშემორტყმული. ამისათვის და მხოლოდ ამისათვის ხართ თქვენ მკითხველი და ამრჩეველი, ე. ი. ორმაგი მონა. პარტიები რამოდენიმე მეთაურის მიმზიდველობის ბრბოთ იქცევა და აქ იწყება ცეზარიზმი როგორც ინგლისის მეფობა მე-19 ასუკუნეში, სწორედ ასე მე-20 საუკუნეში პარლამენტი გარდაიქცა სადღესასწაულო ამბების დარბაზად როგორც იქ ტახტსა და გვირგვინს, ისე, აქ — ხალხის უფლებებს, დიდი ცერემონიებით მოიხსენებენ ბრბოს წინაშე; რამდენად უმნიშვნელოა მათი ძალა, იმდენად მეტ ყურადღებას აქცევენ მას ძალა კი დიდი ხანია პარლამენტიდან კერძო ოჯახებში გადავიდა და არჩევნები, როგორც რომში, ისე ჩვენში — კომედიათ გადაიქცა. ფული აწყობს ამ კომედიას და მუშაობენ მისთვის, ვისაც ის აქვს და არჩევნები წინასწარ მოლაპარაკებულ თამაშს ჩამოგავს, მხოლოდ იმ განსხვავებით, რომ ამ უკანასკნელს ხალხი თვითგამორკვევის სახით არ აწყობს. და თუ ერთხელ არჩევნები კანონიერ ფორმაში მომხდარ რევოლიუციას ნიშნავდა, დღეს ამ



ფორმას ძალა გამოლევია და ფულის პოლიტიკა აუტანელი შეიქნა, მაშინ ხელმეორედ ხდება ის „არჩევნები“, რომლის ჩატარებისათვის სისხლიანი ძალა არის საჭირო.

ეს არის მე-20 საუკუნის სტილი. **ძველი ყაიდის დემოკრატი დღეს პრესის თავისუფლებას კი არ მოითხოვს, არამედ განთავისუფლებას პრესის ხელისაგან, მაგრამ დემოკრატიის მეთაურებმა უკვე მოასწრეს „მოსულებათ“ გადაქცეულიყვნენ და დღეს იძულებულნი არიან თავიანთი პოზიცია ბრბოს მიმართ კარგათ გაამაგრონ.**

მას შემდეგ, რაც ფულმა სული მოსპო, ფულის საშუალებით დემოკრატია მოსპობს საკუთარ თავს. მაგრამ გაფრინდა რა ოცნება, ვითომც სინამდვილე მარქსის ან ძენონის აზრების თანახმად გადახალისდებოდეს, და შევიტყვეთ რა, რომ სინამდვილის ქვეყანაში ერთ ნებისყოფას სიძლიერისაკენ მხოლოდ მეორე შესცვლის, — ჩვენში იღვიძებს მედგარი ტრფიალი ყოველივე იმისაკენ, რაიც კეთილშობილი ტრადიციით საზრდობს. შეზიზღებამდე მოწყინდებათ ფულის მეურნეობა. დარჩება იმედი რაღაც გადარჩენის, რაღაც რაინდული ტონის და პატივის, რაღაც შინაგანი კეთილშობილების და ვალდებულობის. და დაიწყება ახალი დრო, ხელმეორეთ გაიღვიძებს ის რასსიული სისხლის სიძლიერე, რაიც მსოფლიო ქალაქების რაციონალიზმმა ჩაჩრდილა. და ყველა ეს, რამაც შეინახა დინასტიური ტრადიციის ნაშთები, რაც აზნაურობამ მომავალს უანდერძა, ზრდილი, ფულზე ამალღებული ზნე, ყველა ის, რაიც საკმაო ძალას გრძნობს თავის ძარღვებში, საკმაო შრომის უნარს და სიამაყეს, ყველა ის, რაიც კაპიტალიზმში თავის თავს სოციალიზმს უწოდებდა, ყველა ეს ერთ მშევენიერ დღეს მოიკრიბება და გადაიქცევა სიცოცხლის ახალ ნაკადათ. ცეზარიზმი დემოკრატიზმის ნიადაგზე იბადება, მაგრამ მისი ფესვები აწყვია სისხლის შორეულ ტრადიციაში. ანტიურმა ცეზარმა თავისი ხელისუფლება ტრიბუნატიდან მოიპოვა, თავისი პატივი და გქეობა კი ჰქონდა მას, როგორც მხედარს. აქაც ერთხელ გაიღვიძებს წინა გოტიკის სული: რაინდების ორდენის სული უკუაგდებს ფულის გაუმადლარ ვაჟკაცობას. მომავა-



ლის ბატონ პატრონებს შეუძლიათ მთელ ქვეყანას, როგორც კერძო საკუთრებას ეუფლონ, მაგრამ მაინც აქვს ამ უფორმო და უსაზღვრო ხელისუფლებას ერთი ამოცანა, რომელიც, წინააღმდეგ ფულის ეპოქის ბატონობისა, მოვალეობის შეგნება, პატივი და ქვეყნისათვის ზრუნვა არის.

და სწორედ ამიტომ აუცილებელია ის უკანასკნელი ბრძოლა, რომელიც უნდა გაიშალოს ფულის მეურნეობის დიქტატურასა და ცეზარის წესიერების ნებისყოფის შორის, ე. ი. ბრძოლა დემოკრატიისა და ცეზარიზმს შორის.

თარგმანი გერმანულიდან  
მოსე გოგიბერიძის.

### რედაქციისაგან.

როგორც მკითხველს მოეხსენება, ოსვალდ შპენგლერის წიგნი „**დასავლეთის დაღუპვა**“ შეიცავს ორ ტომს. პირველი ტომი გადაითარგმნა და გამოიცა რუსულ ენაზე 1923 წელს კ. მარქსის და ენგელსის ინსტიტუტის პროფესორის ამხ. ა. დებორინის წინასიტყვაობით. შპენგლერის შრომამ დიდი ინტერესი გამოიწვია დასავლეთის ყველა ქვეყნებში, განსაკუთრებით გერმანიაში, და ის გადათარგმნილ იქნა თითქმის ყველა ენაზე. ქართულად შპენგლერის შრომა ჯერ თარგმნილი არაა. მხოლოდ შპენგლერის ფილოსოფიის შესახებ ქართულ პრესაში დაიბეჭდა გრ. რობაქიძის, პროფ. შ. ნუცუბიძის და მ. გოგიბერიძის წერილები.

თავის წიგნში შპენგლერი ამტკიცებს, რომ ევროპის კულტურა დაღუპვის გზაზეა შემდგარი და ამ მხრივ შპენგლერი მესაფლავე ხდება თანამედროვე ევროპის ცივილიზაციისა.

შპენგლერის მთავარი დებულება თითქმის მთლიანად ამოწურულია მის პირველ წიგნში. „პოლიტიკის ფილო-



სოფია“, რომელიც აქ მცირე შემოკლებით იბეჭდება. არის დედა ნაწილი მისი მეორე წიგნისა. აქაც შპენგლერი არ ღალატობს საკუთარ ფილოსოფიურ შეხედულებას და თავის მთავარ მიმართულებას. აქაც ყოველი სტრიქონი ღალადებს ევროპის სოციალურ-პოლიტიკურ ცხოვრების სიკოტრისა და დაშლის შესახებ.

ჩვენთვის, საბჭოთა რესპუბლიკის მოქალაქეთათვის, შპენგლერი-მეცნიერი საინტერესოა იმდენად, რამდენადაც ის, როგორც ევროპის ბურჟუაზიულ კულტურის ღვიძლი შვილი, თითონვე სპობს და ასამარებს ამ კულტურას ამავე კულტურის მიერ შექმნილი არგუმენტებითა და ფაქტებით. ის, თავის მართლაც რომ განსაცვიფრებელი ერუდიციით, თვალწინ გვიშლის მსოფლიო კულტურათა ისტორიას, რომელნიც წინად არსებობდნენ და შემდეგ, ეხება რა თანამედროვე ევროპას, აღიარებს, რომ ამ კულტურამაც მოსჭამა თავისი დრო, ის მობერდა, ამოიწურა, აწ სხვა გამოსავალი გზა უნდა ეძიოს ევროპამ და კულტურის ფორმებიც სხვა-გვარი უნდა შეიქნესო.

და როდესაც საკითხი დგება ამ გამოსავლის შესახებ, აქ იწყება ჩვენი დავა შპენგლერის დებულებებთან, ვინაიდან ის, როგორც ბურჟუაზიულ კულტურით დატვირთული მოაზროვნე, ანგარიშს ვერ უწევს იმ ახალ ძალას, რომელიც მოდის მსოფლიოში ახალი კულტურის და ახალი ურთიერთობის დასამყარებლად — მუშათა კლასს.

ვინ დაიჭერს თანამედროვე გადაგვარებული ბურჟუაზიის ადგილს მსოფლიოში და, მაშასადამე ვინ მოეჭევა სათავეში ახალ კულტურას? ჩვენთვის არაა სადაო, რომ ეს იქნება პროლეტარიატი, მშრომელი კლასი. და იქნება არა დემოკრატიის სისტემაში მოქცეული, არამედ პროლეტარიატის დიქტატურის ნიშნის ქვეშ. ჩვენთვის ცხადია, რომ დღეს ქვეყნიერების ერთი მეექვსედი, რომელიც ამ სისტემაშია მოქცეული, როგორც სახელმწიფო და როგორც მასსა წარმატებით იბრძვის ამ იდეის გაშლისა და გამარჯვებისათვის. ხოლო დანარჩენ ქვეყნებში პროლეტარიატის ძალა თანდათან მკლავ-მაგარი ხდება



და დღითი-დღე ანგრევს კაპიტალისტურ ურთიერთობაზე  
აშენებულ კედლებს.

შპენგლერი ჩვენ გვეუბნება, რომ ევროპის კულტურა  
იღუპება და, რომ მისი საშველი არ არის. გვეუბნება იმა-  
საც, თუ რატომ იღუპება და რატომ აუცილებლად დაი-  
ღუპება იგი. ეს დღემდე ბევრს მიაჩნია სადაოდ და ამ  
მხრივ შპენგლერის აზრი საჭირო და საინტერესოა.

ხოლო, თუ ვინ უნდა დაეპატრონოს მსოფლიოს ბურ-  
ჟუაზიული ურთიერთობის კატასტროფის შემდეგ — ეს  
ჩვენ კარგად ვიცით და აქ შპენგლერის დასკვნები ჩვენ-  
თვის არამც თუ სადავოა, — ისინი ჩვენთვის არ წარმოა-  
დგენენ საჭიროებას და რაიმე ინტერესს.

მაგრამ, როგორც ნიმუში ევროპის დეკადანსის მიერ  
მოცემული ფილოსოფიისა, — შპენგლერის აზრები მაინც  
არაა ინტერესს მოკლებული და ამ თვალსაზრისით რე-  
დაქცია აქვეყნებს ქვევით მოთავსებულ ნაწყვეტს „ევრო-  
პის დაღუპვის“ მეორე ტომიდან.



## იხივ კლასიკების შესახებ.

რამდენიმე თვის წინად „Комсомольская Правда“-ს „რედაქციის თხოვნით მე გამოვაქვეყნე იქ წერილი—„კითხვით კლასიკები“. ამ წერილმა როგორც სჩანს. დააინტერესა კომკავშირელთა და მუშათა კლასის მოწინავე წრეები, ვინაიდან მის გამო მე მივიღე რამდენიმე წერილი. ამ წერილებში ზოგს პოლემიკური ხასიათი ქონდა და მათი ავტორები სცდილობდნენ უარეყოთ კლასიკური ხალხოსნური ლიტერატურის დიდი მნიშვნელობა იმ ახალი საზოგადოებისათვის, რომელსაც ესაჭიროება მეტი კულტურა პროლეტარულ ლიტერატურის იმ ჰეგემონიისათვის, რომელიც დასახული იყო ჩვენი პარტიის ცენტრალური კომიტეტის მიერ, ცნობილ რეზოლიუციაში. კიდევ კარგი, რომ ამ წერილებში პოლემიკური ტონი მჟღავნდება, როგორც მხოლოდ ერთგვარი გაუგებრობა სავსებით გამართლებული მდგომარეობით. ასე, მაგალითად ერთი კომკავშირელი სწერს: „კლასიკების ნაწერებში უმთავრესად აწერილია მებატონეთა და ბურჟუაზიის ცხოვრება, რომელიც ჩვენთვის უცხოა. ცხოვრება ძლიერ შეიცვალა. ყველაფერი რასაც კითხულობ მათ ნაწერებში, არა ჰგავს იმას, რასაც ეხლა ხედავ და ამიტომ მოსაწყენია მათი კითხვა“.

თუმცა, რა თქმა უნდა, კლასიკებისა და განსაკუთრებით ნაროდნიკების ნაწერებში მარტო მებატონეებსა და ბურჟუაზიაზე არ არის ლაპარაკი, მაგრამ უნდა ვთქვა, რომ ასეთ განცხადებას მე ვისმენ მაინც არა პირველად. მე მახსოვს, ერთმა მეტად ნიჭიერმა მუშა-ინტელიგენტმა, რომელიც ჩემთან ერთად იყო გადასახლებული ვოლოგ-



დაში, ვერ შესძლო ბოლომდე წაეკითხა „ანნა კარენინა“, ის ამ რომანს სთვლიდა მეტის მეტად მოსაწყენ ნაწარმოებათ.

უარესია, როცა კლასიკების კითხვის რჩევის საწინააღმდეგო დავაში მჟღავნდება „კომ-ყოყოჩობა“ და აშკარა გადახვევა ლენინის ხაზიდან, ლენინის რჩევებისაგან, რომელიც ჩვენმა დიდმა ბელადმა დაგვიტოვა თავის ცნობილ სიტყვაში კომკავშირისადმი.

ამასვე აცხადებს მეორე კომკავშირში, რომელიც სწერს ქარხანაში მომუშავე ახალგაზრდობის მთელი ჯგუფის სახელით და აყენებს შემდეგ დებულებას: „კლასიკების ლიტერატურა არის ძველი ლიტერატურა, ლიტერატურა ძველი კლასების. ისინი დამარცხდნენ და ჩაჰბარდნენ ისტორიას. ახალი გამარჯვებული კლასი ქმნის ახალ ლიტერატურას, რომელიც იმდენად მაღლა სდგას ძველზე, რამდენადაც ახალი წესწყობილება მაღლა სდგას ძველზე“. აქ ძლიერ მკათიოდ არის გამოთქმული ერთი გაუგებრობა, რომლის წინააღმდეგ ხშირად გვაფრთხილებდა ლენინი. რა თქმა უნდა, ჩვენი წესწყობილება ეხლაც კი მაღლა სდგას, ვსთქვათ, ინგლისისაზე, მაგრამ აქედან იმ დასკვნის გამოყვანა, რომ ჩვენი ინდუსტრია მაღლა სდგას ინგლისის ინდუსტრიაზე, — აშკარა უაზრობაა. ამის ახსნა-განმარტება საჭირო არ არის. ეს ყველასათვის ცხადია.

გადავალ ეხლა დადებითი ხასიათის წერილებზე, რომლებმაც მე უფრო დამაინტერესა.

ერთი, როგორც სჩანს, ფრიად დაფიქრებული ახალგაზრდა მწერს: „თქვენი მოწოდება კლასიკების შესწავლისა და კითხვის შესახებ ძლიერ სწორია, მაგრამ როგორ მოვკიდოთ ხელი ამ საქმეს. ეს ხომ დიდი ლიტერატურაა, მთელი წიგნთსაცავია. და ახალგაზრდობას რომელიც მუშაობს ქარხანაში, ან სხვაგან და მასთან ერთად აქვს საზოგადოებრივი ვალდებულებანი სადა აქვს ამდენი დრო. კითხვისათვის ძლიერ ცოტა დრო რჩება. ხომ უნდა ვიკითხოთ მიმდინარე პოლიტიკური ლიტერატურა, გაზეთი. და რაც მნიშვნელოვანი არ უნდა



იყვნენ ჩვენთვის კლასიკები, პირველად ყოვლისა ჩვენ თანამედროვე ლიტერატურა უნდა ვიკითხოთ, თუ ის ჩვენ არ წავიკითხეთ, მაშ, ვისთვის იწერება ის, მომავალი თაობისათვის ხომ არა? ამას იმიტომ კი არ ვსწერ რომ უარყო თქვენი რჩევა, არამედ იმიტომ, რომ ამ საქმეში კომკავშირელს სჭირდება დახმარება. საჭიროა ჩვენება საიდან დაიწყოს კითხვა, რომელი მწერლობა წაიკითხოს, რა და რა ნაწარმოები და აგრეთვე საჭიროა დახმარება წინასიტყვაობათა და დამხმარე სახელმძღვანელოების სახით, რომ გაერკვეს მკითხველი. განა არ შეიძლება შედგენილ იქნას ძველი ლიტერატურიდან უფრო აუცილებელი წიგნების სია? შესაძლოა ცალკედაც გამოიცეს ბიბლიოთეკა და თან დაერთოს, რაც საჭირო იქნება ამისათვის, რომ წაკითხვა იქნეს უფრო ადვილი და გასაგები“?.

ასეთივე შინაარსი აქვს ჩემ მიერ მიღებულ სხვა წერილებსაც, მათ შორის ორი წერილია მუშებისაგან, რომელნიც აგრეთვე ამბობენ, რომ უმნიშვნელოვანესი ნაწარმოებნი ძველი მწერლობისა უნდა ხელ-ახლად გამოიცეს ახალი მკითხველისათვის შესაფერისი წინასიტყვაობებით. ერთ წერილში გამოთქმულია ასეთი სწორი აზრი, რომელიც ხვდება დაფიქრებული კომკავშირელის აზრს: „ყველაზე უფრო ნამდვილი ახალი მკითხველი მუშა არის. მას ეხლა მეტი დრო აქვს და შეუძლია იკითხოს, მაგრამ ის უნდა კითხულობდეს დიდი გადარჩევით. მას არ შეუძლია, როგორც რომელიმე სწავლულ კრიტიკოსს, წაიკითხოს ყველაფერი, რაც დაუწერია მწერლებს მრავალ ათეულ წლების განმავლობაში“.

რა პასუხი უნდა გავსცე ამ შენიშვნებს.

მე ვფიქრობ, რომ შეუძლებელია ამ შენიშვნების ავტორებს უპასუხოთ — „რომ საჭიროა კლასიკების რჩეულ ნაწარმოებთა კითხვა. თუნდაც რომ, ჩემი კორესპოდენტების სურვილის თანახმად, შედგენილ იქნას სია იმ ლიტერატურისა, რომელსაც ჩვენ ვსთვლით ნამდვილ ღირებულების მქონე კლასიკურ ხალხოსნურ ლიტერატურად მაშინაც კი შესდგება „მთელი წიგნთსაცავი“, რომელიც ასე აშინებს კომკავშირელებს. მართალია უკანასკნელ



ხანში გამოვიდა რამდენიმე ქრესტომატია. ერთი ჩემი კორესპონდენტთაგანი უთითებს მასზე და ამბობს, რომ, იქნებ შესაძლოა კრებულისა და ქრესტომატიების საშუალებით გავეცნოთ ლიტერატურასო. მაგრამ მე ვფიქრობ, რომ ეს აზრი სწორი არ არის. მე არ უარყოფ კარგათ შედგენილ ქრესტომატიების სარგებლიანობას, მაგრამ, პირველ ყოვლისა, თუ ის კარგად არის შედგენილი გამოდის საგრძნობი ზომის 2 — 3 ტომი ან თუ არა 4 ტომიც. მათი გაცნობა თხოულობს აგრეთვე ბევრ დროს და მეორე მხრივ, ქრესტომატიებში კითხვა ნაწყვეტებათ ძლიერ მოსაწყენია და მესამე ის არის რომ ქრესტომატიები, რა თქმა უნდა ვერ იძლევიან სრულ წარმოდგენას იმ მწერლებზე (და უმრავლესობა ასეთები არიან), რომელნიც სწერდნენ დიდ ნაწარმოებს, და არა პატარა მოთხრობებს.

ამოცანა რომელსაც აყენებს ჩემი კორესპონდენტები, ჩემის ფიქრით, სწორია, და რაც მე განსაკუთრებით მომეწონა ამ წერილებში, ეს არის შეხვედრა, რომელიც არსებობს ამ კითხვებსა და იმ გეგმის შორის, რომელიც ლიტერატორთა ჯგუფმა ჩემის მონაწილეობით უკვე შეიმუშავა და შეუდგა განხორციელებას. ლაპარაკია სწორედ ბიბლიოთეკის გამოცემაზე, უმთავრესად, რუს, მაგრამ აგრეთვე მსოფლიო კლასიკებისაც. ბიბლიოთეკას ამიტომ მიეცა სახელწოდება: „რუსი და მსოფლიო კლასიკები“. გამოცემის აზრი მდგომარეობს მასში, რომ შედარებით არა ვრცელ ტომებში, რომელიც არამც და არამც არ უნდა აღემატებოდეს 20 ნაბეჭდ ფურცელს, შედარებით იაფ ფასებში (არა უძვირეს მანეთისა) მიაწოდოს საზოგადოებას კრებულები, რომლებშიაც მოთავსებული იქნება ამა თუ იმ დიდი მწერლის რჩეული ნაწერები. ამასთან დასახულ იქნა მიზნად, რომ გამოცემული ყოფილიყო არა ნაწვეტები არამედ მთლიანი ნაწარმოებნი. იმ შემთხვევაშიაც კი როცა ამ ნაწარმოებს მთელი ტომი მოუნდება. თვითეულ წიგნს უნდა დართული ექნეს კარგი წინასიტყვაობა, სპეციალისტების მიერ დაწერილი, რომელშიაც დახასიათებული იქნება მწერალი როგორც



საზოგადოებრივი მოვლენა, აღნიშნული იქნება მისი ადგილი თანამედროვე ეპოქაში და აგრეთვე ის მნიშვნელობა. რომელიც მას აქვს ჩვენი დროისათვის. ჯგუფი მწერლებისა. რომელთაც დაიწყეს ეს საქმე შესდგება ნაწილობრივ კომუნისტებისაგან, ნაწილობრივ კარგ მარქსისტებისაგან, და ნაწილობრივ იმ პროფესორ-სპეციალისტებისაგან, რომელნიც მუშაობენ ლიტერატურის დარგში და რომელნიც მიუახლოვდნენ მარქსიზმს კარგათ ესმით მისი საფუძვლები და შეუძლიათ მოგვცენ ამა თუ იმ მწერალზე ეტიუდი სოციალური თვალსაზრისით, დიალექტიური მატერიალიზმის მიხედვით.

იმ შემთხვევაში როცა ამა თუ იმ წიგნის წინასიტყვაობა დაწერილი იქნება არა მარქსისტებისაგან, ასეთ წიგნებს ჩვენ დავურთავთ კიდევ მეორეს, მარქსისტის მიერ დაწერილ წინასიტყვაობას. რა თქმა უნდა, უფრო მოკლეს და ზოგადს, რომელშიაც განმეორებული არ იქნება ის რაც მოცემულია რედაქტორ-სპეციალისტის წერილში. მაგრამ, რომელიც დაეხმარება მკითხველს ორენტაცია აიღო კომუნისტური თვალსაზრისის მიხედვით, — სწორედ, რამდენადაც ჩვენ ლიტერატურულ მუშაკ-კომუნისტებს შეგვიძლია მივცეთ გარანტია ასეთი სისწორის. ამიტომ მთავარი რედაქცია შედგენილი იქნა ასე: მე და პროფესორი პიკსანოვი.

გარდა წინასიტყვაობისა ჩვენ გვინდა ყოველ წიგნში იყოს მთელი რიგი შენიშვნებისა ისტორიულ-ბიოგრაფიული, სოციალურ-ისტორიული, ბიბლიოგრაფიული და სხვა ხასიათის. ჩვენ ვახერხებთ ზოგიერთ შემთხვევაში არა მარტო ამა თუ იმ მწერლის ნაწარმოებთა კარგ შერჩევას. არამედ ახალი ტექსტების დაბეჭდვასაც. ასე, მაგალითად, კოროლენკოს წიგნში, რომელიც ეხლახან გამოვიდა, დაბეჭდილია, ძლიერ მკაფიოდ და გარკვევით, მისი პოლიტიკური თვალსაზრისის დამახასიათებელი წერილი „თვითმპყრობელი უძღურება“; გამოქვეყნებული იქნება ზოგიერთი ახალი ტექსტები ტოლსტოის. ორი დრამატიული პოემა — „პრომეთე“ ესხილისა და „ფაუსტი“ გოეტესი გამოვა სრულიად ახალ თარგმანებით, რომელნიც გა-



ცილებით მაღლა სდგას ამ შედევრთა დღემდე არსებულ თარგმანებზე. ხანდახან ჩვენს ტომებს დავურთავთ მოცემულ ნაწარმოების შესახებ ამონაწერებს გამოჩენილ კრიტიკოსების ეტიუდებიდან.

უკვე გამოვიდა ბაზარზე სახელგამის მიერ გამოცემული წიგნები **ლესკოვის** — გროსმანის რედაქციით, **ანდრე-ევის** — ფოტოვის რედაქციით, **სალტიკოვ-შჩედრინის** — გროსმანის რედაქციით, **გრიბოედოვი** — პიკსანოვის, ვერესაევის და უსპენსკის რედაქციით.

მუშავდება **რეშეტნიკოვი, ჩეხოვი, ნეკრასოვი, გოგოლი**; უცხოეთის სერიიდან გამოვიდა ესხილის „მიჯაჭვული და განთავისუფლებული პრომეთე“. სოკოლნიკოვის მიერ ახლად თარგმნილი, ჩემი რედაქციით; მზადდება გოეტეს „ფაუსტი“ თარგმნილი ბრიუსოვის, არეთვე ჩემი რედაქციით. განზრახულია გამოიცეს **ვერჰარნი** ფრიჩეს რედაქციით, **ჰეინე** კოგანის რედაქციით, **ჰაუპტმანი** ჩემი რედაქციით, **ბაირონი** როზანოვის რედაქციით; გამოვიდა **მოპასანი** ეიხენგოლცის რედაქციით, **მოლიერი** ფილიპოვის რედაქციით. შემდეგ ჩვენ გეგმებში შედიან — **პუშკინი, ლერმონტოვი** და **ჰერცენი**, უცხოელებიდან — **ბომარშე, იბსენი** და **დიკენსი**.

რასაკვირველია, თუ ჩვენ მოვახერხეთ მივიყვანოთ ბიბლიოთეკა ბოლომდე, ის დიდი რამ იქნება, მაგრამ ჩვენ აზრად არა გვაქვს ეს ბიბლიოთეკა ჩავსთვალოდ სავალდებულო მინიმუმად კლასიკების გაცნობისათვის.

მე მშვენივრად გამეგება, რამდენად ცოტა დრო აქვს კითხვისათვის ჩვენთვის ყველაზე მეტად ძვირფას მკითხველებს, მაგრამ ყოველშემთხვევაში მას შეუძლია დარწმუნებული იყოს, რომ, როცა წაიკითხავს ნაწარმოებებს ამ ბიბლიოთეკიდან, ის კითხულობს მას რაც ნამდვილად ძლიერ დამახასიათებელია და რაც ნამდვილად არ მომკვდარა ჩვენი დროისათვის. ჩვენ ვიმედოვნებთ აგრეთვე, რომ წიგნებისათვის წინასიტყვაობებისა, კომენტარიებისა და სხვ.. დართვა დიდ დახმარებას გაუწევს მკითხველებს კლასიკების სწორ კრიტიკულ შეთვისების საქმეში.

როგორც მკითხველი ხედავს მუშაობას ჩვენ ვაწარ-



მოებით კოლექტიურად, მაგრამ ეს კოლექტივიც კომუნისტ-მარქსისტების და ჩვენი ახლობელი სპეციალისტების, რომელმაც ხელი მოჰკიდა ამ დიდ საქმეს, ვერ გრძნობს თავს საკმაოდ ღონიერად, რომ მოაგვაროს ის სრულიად დამაკმაყოფილებელად. ჩვენ ვსთხოვთ ამხანაგ კრიტიკოსებს გაარჩიონ საფუძვლიანად ჩვენი გამოშვებული სერიები, გამოსთქვან თავიანთი სურვილები, საყვედურები და მიგვითითონ შეცდომებზე. ჩვენ ვსთხოვთ აგრეთვე მკითხველებს, როცა ისინი გაეცნობიან ჩვენს გამოცემებს, მოგვწერონ ჩვენ — მე ან ნ. კ. პიკსანოვს, ჩვენ მიერ გამოცემულ კლასიკოსთა წიგნების ღირსება ნაკლულევანებაზე. ეს რჩევები ჩვენ მიერ მიღებული იქნება მხედველობაში და ამით, იმედი გვაქვს, თანდათან გავაუმჯობესებთ ჩვენს მუშაობას.

თვითეულ ჩვენგანს ღრმად ესმის, თუ რა სერიოზულ ამოცანას ვკიდებთ ხელს, როცა ვბედავთ სახელგამის დახმარებით გავაკეთოდ ისეთი საქმე, რომელსაც დაერქმევის — „რუსი და მსოფლიო კლასიკები — საბჭოთა კავშირის განახლებულ ხალხებს“.

ჩვენ რა თქმა უნდა წინდაწინ ვიცით, რომ ჩვენს საქმეში იქნება ძლიერ ბევრი ნაკლი, მაგრამ ჩვენ გთხოვთ (მე ვლადპარაკობ ჩემი და აგრეთვე ყველა კოლლეგების სახელით, რომელნიც აწარმოებენ ამ მუშაობას) გახსოვდეთ, რომ ნაკლი შესაძლოა იქნეს ჩვენი უცოდინარობის შედეგი, მაგრამ არამც და არამც ის არ იქნება საქმის დიდმნიშვნელოვანობის შეუგნებლობის და ამ ჭეშმარიტად უდიდესი ამოცანისადმი სიყვარულის უქონლობის ნაყოფი.



## მხატვრული აზროვნების ბუნების შესახებ.

ტრაგედია ბერძნული (ელლინური) და ებრაული. <sup>1)</sup>

ვუძღვნი მეგობრის  
სერგეი ესენინის ხსოვნას.

აღმოსავლეთის კულტურაში გამოისახა ორი მანერა მხატვრულ აზროვნებისა: გეომეტრიული, რომელიც ქვეყანას მისწვდა ფორმის საშუალებით და ალგებრაული, რომელიც რიცხვს დაემყარა. ერთი არკვევს სხეულს, მეორე — ენერგიას (სულს).

პირველი, გეომომეტრიული, არკვევს სტატიურს მდგომარეობას და შენდება სიმეტრიის კანონებზე — ე. ი. სწორწონაობასა და სტატიკაზე.

მეორე, ალგებრაული, არკვევს მხოლოდ ენერგიის სახეთაცვალებადობას და მის დამძაფრობას, და თავის აღმშენებლობაში სტოვებს ცნებას სწორწონაობისას, ე. ი. ეძიებს დინამიკას.

ის ხალხი, რომელიც პირველ მანერას ეუფლება, ანვითარება პლასტიურს ხელოვნებას, ხოლო მეორეთი პოეზიას, მუსიკას და ორნამენტიკას.

ორგვარ აზროვნების შედეგად, რელიგიური აზროვნების განვითარება ორი გზით წარიმართა: ნატურალისტურით, რომელიც ეძებდა კოსმოგონიას, ბუნებაში ევო-

<sup>1)</sup> დაწერილია „ქართული მწერლობისთვის“.



ლიუციით ფორმათა გარდაქმნის იდეაზე აშენებულს, სწავლობდა წყალის, ცეცხლის, მიწის სტიქიას და სხ. (ნატურალისტური კოსმოგონია ჩინეთის, საბერძნეთის, ეგვიპტის) მეორე ფსიხოლოგიური გზით არკვევდა მხოლოდ თავის გრძნობას, იმპულსს, ენერგიას — გზას მისტიციზმისაკენ.

მისტიურ მანერას კოსმიურ ჰარმონიის ჰიპოტეზა არ გააჩნია, არ იცის კავშირი და საგნების შეთანხმება, ქვეყნად ყველაფერს თავისნებითი სურვილის და ნების შედეგად სთვლის, სძულს ჭვრეტითი ცდა, სძულს სახე და ჰქმნის ხელოვნებაში მხოლოდ განყენებულს ორნამენტურ კას, განყენებულს ფორმას თავის სულიერ განცდათა სიმბოლოებად (ასურეთი, არაბეთი).

### ტრაგედიის შესახებ.

ტრაგედიის აგებულებაში ჩვენ გვაქვს ტრაგედია, რომელიც აღმოცენდა შეუძლებლობიდან თავი დაახწიოს ადამიანმა და თვით ღმერთმა ბედის მიერ შემორკალულ საგანთა მსვლელობას, დამორჩილებულს კოსმიურ ჰარმონიას, აგებულს პიფაგორის „ფარულ წინააღმდეგობაზე“.

ელინის აზრით მხოლოდ სიმეტრია და სწორწონაობაა დალოცვილი. „წყვილი რიცხვი დალოცვილია, ხოლო კენტი — წყეული“.

ელინური ტრაგედია სახავს მექანიურს წინააღმდეგობას, რომელზედაც აგებულია მსოფლიოს ჰარმონია, სადაც ადამიანს არ ძალუძს რაიმე შესცვალოს, გზა მისთვის წინასწარ დაფუძნებულია (განსაზღვრულია).

ამ რიგად მსოფლიო ჰარმონიის აგებულობის ტრაგედია გავლენას ახდენს ადამიანზე და თავის მოძრაობაში ადამიანს იტაცებს, როგორც მცირე ნივთს ან გასამარჯვებლად ან დასამარცხებლად. ადამიანი უნებისყოფია. იგი პასუხს აგებს თვის სურვილის გარეშე შექმნილს გარდუვალთან, აუცილებელთან. იგი მსხვერპლია ბედის — აუცილებლობის (ანანკე) ეს არის კოლექტივლექტიურის



დასაწყისი. ებრაელების ტრაგედია ადამიანის თავისუფალ ნებისყოფის ტრაგედიაა. ადამიანი პერსონალურად არსებობს მის ირგვლივ სტიქიათა დამოუკიდებლად და უსმენს, მხოლოდ „თავის ღმერთს“, რის გამოც ჭეშმარიტებას ესწრაფება, შეუძლიან ჰპოვოს სამოთხეც.

ამ რიგად, პირველი ტრაგედია ფორმალურია, საერთო არსებულისთვის, ეს არის ტრაგედია ქვეყნის შექმნის, სადაც ადამიანი, თუ შეეცდება გადალახოს ფორმალურად წინასწარ მისჯილი — ილუპება; მეორე ტრაგედია არის მორალური, სადაც ადამიანი იტანჯება თვით მასში მორალის უქონლობის გამო, რომელიც შთააგონა აღთქმამ თუ ცნებამ.

ელინური ტრაგედია არის ტრაგედია ღმერთკაცის გმირის, ხოლო ებრაული — ეს არის ტრაგედია მხოლოდ ადამიანის, რომელსაც აკლია მორალური ძალა, რომ დასძლიოს თვისი უბედურება თავისი ადამიანური უმწეობა.

უმაღლეს დაძაფრის გამოხატულებას ხელოვნებაში ფორმა თავის ფორმულას სპირალში ჰპოვებს. რომელიც, შეიძლება წრეს დაუპირდაპიროთ, როგორც სიმშვიდის სრულ სწორწონაობის და გამომწყვდეულ მოძრაობის გამომხატველს.

სპირალი ძაბრის ფიგურას იძლევა, ხოლო წრე — ბურთისას.

ამ რიგად სპირალი იძლევა ფიგურას ღიას, ან ფუძიანს, ან და მწვერვალიანს, ხოლო წრე შემოზღუდულს.

სპირალურ მოძრაობის მშენებლობას კენტზე გაყოფის ნიშნები აქვს: 3. 5. 7. 9.

სირგვალის მშენებლობაში აქვს წყვილი: 2, 4, 8.

### ტრაგედიის ფორმალური და ფსიქოლოგიური სტრუქტურა.

სირიის და ფინიკის ყველა ხელოვნება აგებულია სპირალზე და კენტის პროპორციის შეფარდებაზე, ხოლო ეგვიპტის, ასურეთის და საბერძნეთის წყვილისაზე.



ამრიგადვე უძველესი არაბული არხიტექტურა და ორნამენტიკა დაფუძნებულია სპირალზე.

სირიაში უძველეს პერიოდში რელიგიურ კულტად აღიარებულ იყო თხა.

თხას სპირალური მოყვანილობა აქვს. ამ თხის კულტი გადავიდა ფინიკიასა და საბერძნეთში, მიიღო სახე ფავნის, რომელსაც ჰქონდა თხის სახე და თხის ფეხები, სიმბოლო ვნებისა. ხოლო საშუალო საუკუნოებში იგი მეფისტოფელად გარდაიქცა, ცოდვა-ცდუნების მატარებლად.

### განათების სტრუქტურა.

სპირალური მოძრაობა მზის ჩასვლისას არის. აღმოსავლეთში ეს ყველაზე ცხელი დროა. ჰაერი მხურვალეა,

ჩამავალი მზე სისხლის ფერს და წითელ სხივებს ისვრის; ამომავალი მთვარე ტრედისფერ ციდან ტრედის ფერ შუქს აფენს. ხდება ბრძოლა მზის სინათლის წითელ-ყვითელ დისკოს და მთვარის ვერცხლის ფერ ნამგალს შორის.

ჩამავალ მზის და ამომავალ მთვარის ბრძოლამ ფინიკიაში შექმნა ლეგენდა ჩამქრალ ღმერთ-მზეზე — აღონაზე, და ახალგაზრდა მთვარის ნამგალზე — ღმერთ-ქალ აშერეზე, რომელიც ხალხის წარმოდგენით იყო ვნებიანი და აღონას ესწრაფებოდა.

მთვარე ამარცხებდა მზეს. მზე იკავებდა „ბნელთა სამეფოს“.

ეს ლეგენდა გადავიდა საბერძნეთში და შეიქმნა ვენერას და აღონისის ლეგენდა.

როდესაც მთვარეს ჰსურს მიეკაროს მზეს — მზე კვდება.

### ტრაგედიის თემა.

ადამიანში ტრაგიულის დასაწყისი დაკავშირებულია კატასტროფის, მარადიულში გარდასვლის, სევდის, და-



კარგვის შეგნებასთან და რაღაც გარდუვალის შეცნობასთან \*).

ამ ტრაგიულის დასაწყისმა პირველად ადგილი ჰპოვა სირიასა და ფინიკიაში, სადაც შეიქმნა კულტი სისხლით შესვრილ დაისის, კულტი ვნებათა ღელვის, კულტი ტანჯვის, რამაც შედეგად ქრისტე და მაჰმადი წარმოშვა.

შედარებით უძველეს ოქროს საკურთხევლიან, ქრისტიანების ტაძრებს, სანთლის შუქით განათებულს ბნელს თაღებს, ჩაფერფლილ ნაკვერცხალის მსგავს სარკმელს თავის შორეული წარსული სირიასა და ფინიკიაში აქვს.

მათი ტანჯვის კულტი და ჩამავალ მზის სანახაობა, ჰბადეს სურვილს გაეცალო ნალველს, მიეცე დავიწყებას, რომელ დავიწყებასაც აღვითქვამს ლურჯი ზეცა.

ებრაელები ხელოვნების სხვა ფორმას გაურბოდნენ, გარდა მუსიკის, პოეზიის და ფილოსოფიის განყენებულ ფორმებისა.

ამ გარემოებამ ერთ დროს ებრაელებს ხელი შეუშალა თავის კულტურა მოემწყვდიათ ხელოვნების ყოველგვარ სახეობაში, სრულიად ჩამოსხმულს დამთავრებულს ფორმაში (როგორც მოიქმედა ასურეთმა, ეგვიპტემ, საბერძნეთმა და სხვა აღმოსავლეთის ერებმა). ებრაელებმა დეკორატიულ ხელოვნების ფარგლებში კვალი ვერ დასტოვეს ქანდაკების არქიტექტურის და მხატვრობის სახით.

რაკი ეძებდა ადამიანს საზოგადოთ, ებრაელების შეგნება შეუძლებელი იყო მომწყდელიყო მის ტერიტორიალურ გამოსახვაში \*). აქედან წარმოიშვა ტრაგედია მათი ტაძრის დანგრევის და დანაშაული მარადი ურიის, რომელმაც არ დაიცვა და მიესაჯა მოგზაურობა მოსაძებნათ ებრაელების ახალ ტაძრის ამშენებლის ესთეტიურის, ეთიურის და ფილოსოფიურ თვითგამორკვევის დასაგვირგვინებლად.

\*) ედვარ პოს „ყორანი“. პუშკინის — „ბალადა უბედურს რაინდზე.“

\*) სიმბოლიურად დაცვა „თავის“ ტაძრის.



ჰქონდათ-რა ტრაგიული პოეტური ლეგენდა, რომელიც შეეხებოდა იერუსალიმის ტაძრის მეორედ დანგრევის ხანას, ებრაელებმა მაინც ვერ შექმნეს თვით ფორმა ტრაგედიის.

ბედნიერი ტრაგედია მონოტრაგედიის ფორმაა, რომელიც სიმბოლიურად ერთ გმირის პიროვნებაში გამოხატავს ბედს მთელი ხალხისას. ეს არის ტრაგედია აზრის (გონების).

ასეთივე მონოტრაგედიის ფორმა — ცხოვრება ქრისტესი — ჩამოყალიბებულ იქნა ევროპაში ეკლესიის მიერ — ეს არის ტრაგედია გრძნობის.

პირველსა და მეორე შემთხვევაშიაც ტანჯვის გამომწვევი მდგომარეობა ებრაელობის გავლენით არის გამოწვეული, ხოლო ფორმა პლასტიურად მისცა სხვათა კულტურამ. „გაბიმას“ ტრაგიულმა თეატრმა მიზნად დაისახა ეპოვა საფუძვლები ებრაულ კულტურის. და გამოინახა-რა „გადიბუკის“ „მარადი ურიის“ პოეტური სახეები, სადაც მკაფიოდ იხატება (ირკვევა) ნაციონალური ყოფა ებრაელობისა, მის მუდმივ მარტოობაში, საკუთარ ბუნების ჩახვევაში, სხვათა ქვეყნისაგან თუ ცხოვრებიდან განრიდებაში და მისტიურად სულთან შეხებაში, თეატრს უნდა გამოეძებნა თეატრალურ განხორციელების ფორმაც და უფრო ფორმა დეკორატიული.

გარდა ტალისის, შვიდსანთლიან შანდალის, და წერილობისა ებრაელობას არ გააჩნია არავითარი სანახი-გამომსახველობითის ხელოვნების დარგში.

ტაძრის დანგრევამდე იგი ეგვიპტის და ასურეთ-ბაბილონის გავლენის ქვეშ იმყოფებოდა, ხოლო საშუალო საუკუნოებში — არაბების გავლენის ქვეშ.

ებრაული ტრაგედია გამოყვანილ რომ იქნეს ფოლკლორულ „გეტოს“-ს წყობიდან (მდგომარეობიდან) და ჟარგონიდან და დააყენო მის ბიბლიურ წასვლის გზაზე, საჭიროა დაბრუნდე უკან და გაიარო ებრაელებისაგან განვლილი გზა ბიბლიიდან „გეტო“-მდე, და იხელმძღვანელო



ებრაელობის იმ განსაზღვრებით, და დასკვნებით, რომელიც მოცემულ იქნა საშუალო საუკუნეებში ქრისტიანობით. ე. ი. უნდა მოინახოს ევროპიულ ხელოვნებაში ის ელემენტები, რაც შთაგონებულ იქნა ძველი და ახალ აღთქმების ებრაულ ტრაგიულ ლეგენდებით. უპირველესად იტალიის რომანულ ეპოქაში თავის მარმარილოს ტაძრებით და მადონებით.

მიქელ ანჯელომ ევროპის ტრაგიული ძიების ციკლი შემოფარგლა თავის ვატიკანის ფრესკებში, იქ გამოხატა სტიქია და პათოსი ბიბლიურ წინასწარმეტყველების. მანვე არქიტექტურას პირი უბრუნა და აღმოსავლეთურის გზიდან ევროპიულს გზაზე დააყენა.

ამრიგად ანტიურ აღმოსავლეთის გავლენა რამდენიმედ ვენეციაში ჩერდება (ტინტორეტო), რომ შემდეგ ჩარჩეს ევროპიულს ხელოვნებაში, როგორც ელემენტი გამომსახველობითი ეგზოტიკისა. მოკლედ რომ ვსთქვათ, ხელოვნების მეთოდები, რომელიც სიმბოლოს მნიშვნელობას აძლევს ემოციონალურ ფორმას, მიქელ ანჯელოს შემდეგ (რემბრანდტ) წმინდა ევროპიულად ხდება.

ამიტომ ეპიურს ანტიურს ევროპიულს მოტივებში ელემენტების ძიების დროს უნდა გვეხელმძღვანელა ევროპიულ, რომანიულ ხელოვნებით, რომ აქედან გადავსულიყავით არაბულზე, არაბულ-ასურულიდან გადავსულიყავით პალესტინაში ეგვიპტურსა და ასურეთ-ბაბილონურ ხანებში.

### საჭოთა ებრაული თეატრი.

შეიძინა-რა ჟარგონი, ებრაელობა გამოსახველობით ხელოვნებაში ამავე გზას გაჰყვა და არ ცდილა თავისი ეროვნული სტილი გამოენახა. იძლეოდნენ უკეთეს შემთხვევაში არა ტრაგიულს ისტორიას, რაც ბიბლიით და ქრისტიანობით ებრაელობამ შემოიტანა, არამედ ადგილობრივს ისტერიკას, „სახეებს ბინადრობისას“, ნერვიულობას და საყმაწვილო სენს (თეადორა).,

ამრიგად როცა მხატვრები სახავენ არა ტრაგიულ ეპოსს, არამედ დრამატიულს ეპიზოდს რაც გამოიხატება



მხოლოდ ისტერიკაში და არა ისტერიაში, უნდა მონახონ იტალიურ ოსტატებში რენესანსამდე ებრაული სტილი, რომელიც ახლოა ბიბლიურს ებრაელობასთან, ვიდრე მიმართონ ნეო-ებრაულ ჟარგონულ მხატვრობას, რასაც კავშირი აქვს ფსიხოლოგიზმთან, კარტუზთან და ლაპსერ-დაკებთან და ამით კი ჰგონებენ ებრაელობის აღნიშვნას ისტორიაში.

### ებრაელობის ემოციონალური ბუნება.

ებრაულ „სულის“ და ტემპერამენტის ფუძე, პირდაპირ წინააღმდეგობაა ბუნებისა.

ეს წინააღმდეგობა არის კონსტრუქციული ჩონჩხი ებრაულ ლეგენდისა მარად ურიაზე. სადაც ლტოლვა ცხოვრების ამოებისა და განცხრომის ბაზრისადმი ისე ძლიერია, როგორც სიყვარული ტაძრისადმი.

### კონსტრუქცია.

ეს ორი მთავარი ელემენტი: სინაის მთა და ცხოვრების ბაზარი მიზეზი და საფუძველი იყო ამეგო დეკორაცია მთა-პირამიდის სილუეტით (სინაი), რომლის დაბლა მიდიოდა გზა წყალვარდნილით და ცხოვრების შებოჭვილ წრით, საიდანაც ერთი ხსნა და გამოსავალია, — მთის მწვერვალი, — ამალღება წვერვალამდე. ასეთია სიმბოლიური ნაწილი დეკორაციის არხიტექტონიკისა.

სინაის მთის მოყვანილობაში, როგორც სიმბოლიურს შენებაში და არა ტიპოგრაფიულში, უნდა ის აზრი ყოფილიყო ებრაულ არხიტექტონიკის და არხიტექტურის შესახებ, რაც განიცადა ასურეთ-ბაბილონის და ეგვიპტის გავლენით და რომელი გავლენაც უარჰყოფს ასიმეტრიას.

სიმეტრიული აშენება არის სწორწონაობა, რაც სემიტებისთვის უცხოა, ამიტომ სპეკტაკლზე აგებული პირა-



მიდა ასიმეტრიულია, და მხოლოდ ერთის გვერდით ჰქონდა კიბეები მთაზე ასასვლელად.

„მარადი ურია“ არის ლეგენდა, ვინმე პინსკის მიერ ტრაგედიათ გადაკეთებული, არ ჰქონდა ფორმალური სცენიური კონსტრუქცია. თეატრი იძულებული იყო (ცემანხის და რეჟ. მჭედელოვის ხელმძღვანელობით) გადაეკეთებინათ. უფრო მართალი რომ ვსთქვათ, გააკეთეს სცენარი, და უფრო დაეყრდნენ ლეგენდას, ვიდრე პინსკის პიესას.

„მარად ურიაში“ ნაკლებ ფორმალური მომენტებია, არ არის მოქმედების რთული განვითარება. არის ორი მომქმედი პირი\*) მასსასთან დაპირისპირებული. პიესა იწყობა მომხდარ ფაქტით, რომ დაიღუპა ტაძარი და ბრძოლაა დახსნის გზების გამოსანახავად, ნაჩვენებია მხოლოდ ტანჯვა და იმედი. არის დრამატიული, მაგრამ მისტერიული ფორმით. ეს არის ფორმა, რომ ტანჯვას ემსახუროს. ყველა იტანჯება. არავინ ზეიმობს. არ არის საწინააღმდეგო გამარჯვება დამარცხების წინააღმდეგ. „მარადი ურიის“ ერთად-ერთი ფიგურა არის კრებული ფიგურა. (სიმბოლიური ტანჯვა მთელი ხალხის, რომელიც გამოხატავს ებრაელების მწუხარებას და ობლობას ებრაელობის ცხოვრების გაზაზე.

აქ არ არის გაშლა გმირის ხასიათისა (ოტელო, ოიდიპოს, ჰამლეტ) არის მხოლოდ ბუნების გადმოშლა, რაც ტრაგედიას ამსგავსებს მასსას.

ფორმალურად ევროპიულ ტრაგედიებში დრამატიულს ფორმებში ვითარდება გმირის ხასიათი, რის გამო დრამაში შექმნილია მრავალი მდგომარეობა და მომქმედი პირნი, რაც საშუალებას აძლევს შექმნას ურთიერთობა და მასის ერთგვარი განწყობილება.

აქ კი მასიური მოქმედება იყოფება ორ ნაწილად. ბაზერი და სინაი. პირველია სოდომ და გომორი, ხოლო მეორე სინიდისის აჩრდილი, ტაძრის დანგრევის ნიშნები.

---

\*) წინასწარმეტყველი და დედა მისიის (მადონა).



ხასიათს ფორმა ეტლევა მოძრაობით ტანჯვისადმი, ლტოლვით ამაღლებისთვის და დაცემისთვის ბიწიერ ცხოვრების გზაზე. ამაღლება, დამდაბლება და შთანთქა მარადისობაში — აი, სამი მთავარი მომენტი ებრაულ ტრაგედიაში, მაშინ როცა ბერძნულ ტრაგედიაში (ოიდიპოს) ეს სამი მომენტი დამხობის სამი საფეხურით ნაწილდება. ერთი ღერძის ირგვლივ, გმირის (სიმბოლიურ ფიგურებში ვითარდება მისი ხასიათი) და მის მახლობელთა ირგვლივ, რომელიც მასთან ერთად ერთს მთლიანობას წარმოადგენენ. ამ სამს ელემენტს შეადგენს: პირველი: (სტატიური მომენტი) — ოიდიპოს გმირი, ოიდიპოს — მეფე, ყველაზე მაღლა მყოფი (სცენაზე მოედანი სასახლის წინ). მეორე: საუბარი ტირეზიასთან და ჩასვლა დაბლა ხალხთან (მთავარი ხაზი სცენიურ იატაკის) და მესამე: ჩაღუპვა ძაბრში, რომელიც იტაცებს იმ არცნობისკენ, საიდანაც გამოვიდა ცხოვრების გზაზე დასადგომად და საითაც მიჰყავდა წყვილიაღის ორ სიმბოლოს, ნახევრად ველურ მწყემსებს (დეკორაციაზე ძაბრი მთებით არის წარმოდგენილი).

„მარადი ურიის“ ტრაგედიის მსვლელობა წინასწარმეტყველის მოძრაობაშია, რომელიც სინაის მთიდან ბაზერს აშორებს, რომ გაიტაცოს (აამაღლოს) დაცემული ხალხი, მაგრამ ხალხის დანაშაულის სიმძიმე ხალხსავე დაბლისკენ სძირავს და იგი **ერთი** მიდის ხალხის დანაშაულის გამოსაყიდათ იმ იმედით, რომ დადგება ჟამი ახალ შურისძიების, უკვე არა დანაშაულისთვის, არამედ ტანჯვისათვის.

ამ ორი დასაწყისის წინააღმდეგობაზე და ცხოვრებისადმი გამძაფრებულ ბრძოლის ლტოლვაზე, რომელიც სიმბოლიურად ისახება გასისხლიანებულის, ჩასაქრობად გამზადებულ მზის ბრძოლით, განდგომა მისგან დატკობის, მყუდროების მოსაპოვებლად — აშენებულია ფსიხიკა სირიელების. მოწყურებული მისწრაფება ცხოვრებისადმი და მისივე დატოვება.

ასევეა ებრაელების საგალობლები, სადაც თავდაუ-



ხწვევლ მელაქონლოგიდან უცბად ისმის მოწოდება ცხოვრების და ზეიმობისადმი.

ასეთია ამ ერების ემოციონალური ბუნება. ძველად საბერძნეთის და შემდეგ ევროპულმა კულტურამ ამ ერებისაგან ისესხა ტრაგიული ხასიათი და ხელოვნებაში სახე მისცა სასოწარკვეთის, კატასტროფის, ფინიკელთა ვნების სიმბოლოს თხისა (ტრაგოს).

ამნაირადვე საშუალო საუკუნოების კულტურა ეძებდა ფორმების გამოსახატავად ფათოსის, ვნების და ტანჯვის ბიბლიაში, არაბულს ორნამენტიკაში და არქიტექტურაში, სანამ გენიოსები არ წარმოიშვნენ: ბოტიჩელი და მიქელ-ანჯელო, ტინტორეტო და ვერონეზე რომელთ შექმნეს დაუცხრომელი სპირალური ციკლი — სტილი „ბაროკო“.

ამრიგად, როგორც ითქვა, სიმეტრიულ აზროვნების თვისება არის ძიება კაცობრიობის პერსონალობისა და შემდეგ ადამიანისა გარეშე ბუნებასა, სტიქიასა და კოსმოსის დაკავშირებისა, წინააღმდეგ აღმოსავლეთის ყველა კულტურისა, რომელიც კავშირს ეძებს გარშემო მდებარე ბუნებასთან, სტიქიასთან და გათქვეფას კოსმოსში.

კოსმოსი და ადამიანი! აზროვნობს ელინი.

არა ქვეყანა, არა მსოფლიო, არამედ მხოლოდ ადამიანი, — აზროვნებს ებრაელი.

ეს ორი დებულება ფორმალიზმის (ელინები) და ფსიხოლოგიზმისა (ებრაელები) აღიმართება ხოლმე ყოველ ისტორიულ გარდატეხის წინაშე.

და ეს ორი დებულება სდგას ჩვენს წინაშე დღესაც.



## კოეზიისათვის.

იყო ჩვენში დრო, როდესაც თვითეული ლექსი წარმოადგენდა მოვლენას და ჰქმნიდა ლიტერატურაში ეპოქას. მაშინ პოეტი მართლაც „ცის გაზრდილს“ ჰგავდა. მისი ხმა, ხმა წინასწარმეტყველისა, ზოგჯერ განმარტობულისა, — იყო ხმა, რომელიც ქუხილივით გრგვინავს და თითქოს ზეციდან გვევლინება. პოეტებიც პარნასზე გრძნობდნენ თავს და გასაგები ხდებოდა მათი სიამაყე: „მე ცა მნიშნავს და ერი მზრდისო“. ზოგჯერ ისინი განდეგილობდნენ, მაგრამ ეს იმისთვის, რომ უკეთესად ეჭვრიტათ ეს ქვეყანა. და მათი სიტყვა — იყო ყოველთვის აღსავესე პათოსით — არისტოტელისებური გაგებით.

დღეს ყველა ღმერთებიც კი ოლიმპიდან ჩამოსულნი არიან და ქუჩაში ფეხით ლაიარებიან. პოეტებს პარნასზე რალა გააჩერებდა. და აი, ისინი თითქოს მიწას დაუახლოვდნენ, თითქოს მასებში გაერიენ. მაგრამ, სამყაროში ისინი თითქოს ობლად არიან და ვერ უწოდებიათ მისთვის **დედა**-მიწა. თანამედროვე პოეზია ფორმალური მიღწევებით — იალბუზია ძველთან შედარებით. შინაგანი პათოსის ისეთი ბუმბერაზი, როგორიც იყო ილია ჭავჭავაძე, ახლანდელ პოეტებს ამ მხრით ზოგჯერ მოწაფედაც კი გამოადგება.

სამაგიეროდ, თანამედროვე სიტყვას დაუკარგავს სიმარტივე და უბრალოობა. წაიკითხავ დღევანდელ ლექსს, უკეთეს შემთხვევაში იტყვი: მშვენიერია!.. და გადახვალ მორიგ საქმეზე. თანამედროვე ქართული ლექსი და პროზა — ხშირად ძვირფას მარგალიტად იპნევა და თვალსა სჭრის თავისი ბრწყინვალეობით. მაგრამ, უმრავლეს შემ-



თხვევაში იგი მარგალიტივითვე ცივია და უგრძნობელი. მას აკლია სითბო, აკლია სიცოცხლის თრთოლვა და ალტაცება, აკლია სისხლი მხურვალე. ვიტყვით იმავე არისტოტელის სიტყვით: მასში არაა ალტყინება, არაა ვნება საზოგადოდ, არაა **პათოსი**. შეიძლება ეს იყოს ეპოქის ბრალი. ძველებს ჰქონდათ ღრმა რწმენა და პოეზიისადმი მტკიცე ნებისყოფა. თანამედროვე ჩვენი პოეზია კი გზაჯვარედინზეა: „და პოეზიაც ისე მიყურებს, როგორც ილიას დაჭრილი შუბლი“, როგორც ამბობს ერთი საუკეთესო პოეტთაგანი. ამიტომ საკვირველი როდია, რომ დღეს მათს სიტყვას აკლია ცეცხლი და ნებისყოფას — ფოლადი.

შეიძლება ამის მიზეზი ისიც იყოს, რომ თვით ჩვენი ეპოქა — ჭარბად არის პათოსით დატენილი. როდესაც ისტორია სისხლით იწერება, კალმით ნაწერს ნაკლები მიმზიდველობა აქვს.

ასევე ითქმის პროზაზედაც. ძველთან შედარებით მას ფორმის, წერის მანერის მხრით უეჭველად დიდი მიღწევები აქვს. მაგრამ ჩვენ მაინც არა გვაქვს ნაწარმოები, ისე რომ გვათბობდეს, როგორც „ოთარაანთ ქვრივი“, ან თუნდ „გლახის ნაამბობი“. არჩილ ჯორჯაძე ნატრობდა ისეთ მხატვარს, რომელიც ჩვენი ცხოვრების სინთეტიურ სურათს მოგვცემდა. ეს — დღესაც ნატვრადაა დარჩენილი. ჩვენებური შემოქმედება პარცელარული იყო და ჩვენი მეობის მთლიანი სურათი ვერ დაგვიხატა. იქნებ იმიტომ რომ თვით საქართველო მთლიანი არაა და შემოქმედების წყარო დამშრალია?

არა! ჩვენი ქვეყნის თავზე ბევრს ქარიშხალს გადაუვლია. 1917 და მომდევნო წლები შეიძლება მხატვრულად ჯერ დაუძლეველი იყოს. მხატვრული აღსახვისათვის — საგნისაგან განყენებაა საჭირო. ეს წლები კი ჯერ კიდევ ძალიან ახლოა ჩვენთან. ჩვენ ჯერ ვიცინით მათი სიცილით და ავად ვართ მათი სატკივარით. მაგრამ 1905 წელი, შემდგომი რეაქცია, მსოფლიო ომი და რევოლუციის გაზაფხული... ვინ იტყვის, რომ ეს ეპოქები არ იყო ალავსე დიადი მასიური მოძრაობით, მძლავრი ინდივიდუა-



ლობანით, ვნებითა და სიხარულით? იყო თავდადება და თავდავიწყება. იყო ძარღვების დაჭიმვა და აფოლადება. ქართველმა ხალხმა ბევრჯერ დაადასტურა, რომ არსებობს „ქართლი ერთობილი“. განა რაოდენადმე სრულად აღსახულია ჩვენს მწერლობაში ეს დიადი ეპოქები?

ვიცი, არ შეიძლება მხატვარს მოსთხოვო სწორედ ის დაინახოს, რაც შენ გინდა. ყოველ შემოქმედს საკუთარი თვალი და მზერა აქვს. ამიტომ ჩვენ მას საერთოდ ვაფასებთ არა მარტო იმისთვის, თუ რა **დაინახა**, არამედ იმისთვისაც — თუ **როგორ დაინახა**. ტოლსტოის მე-19 საუკუნის რუსეთის აღწერილობაში („Война и Мир“) — ბატონყმობა გამორჩა. შეეკითხენ და უპასუხა: ბატონყმობის საშინელებანი მე არ დამინახავსო.

ტოლსტოის პასუხი ზოგადად ბუნებრივია, როგორც პასუხი მხატვრისა. მას ჰქონდა უფლება ასე ეთქვა. მაგრამ ჩვენც ხომ გვაქვს უფლება გული გვეტკინოს და უსაყვედუროთ?

ერთი რამ კიდევაა აღსანიშნავი. მიუხედავად ზემოხსენებულისა, ტოლსტოის და მკითხველს შორის ყოველთვის იყო კონტაქტი, ურომლისოდაც პოეზია რჩება ცარიელ სიტყვად. ჩვენი მწერლობისათვის სწორედ ესაა საჭირო: უნდა შეიქმნას ისეთი მდგომარეობა, რომ მწერალი არ სწერდეს თავისთვის და მკითხველი მას არ კითხულობდეს თავისთვის. ინტიმობის შექმნა — აი, რა გააცეცხლოვანებს პოეზიას, რა შესძენს მას პათოსს. მაგრამ ესაა საზრუნავი არა მარტო პოეზიის, არამედ დამოკიდებულია აგრეთვე მკითხველზე, მთელ საზოგადოებაზე.



## ჩემი იუბილე <sup>1)</sup>

(1872 — 1923).

მოქალაქენო! დიდად გმადლობთ მოლოცვისა და პატივისცემისათვის. მე კარგად ვიცი, რომ ეს პატივისცემა არ შეეხება მარტო ჩემ პიროვნებას, არამედ იმ საგანსაც, რომელსაც მე დიდხანს ვემსახურებოდი უცხოეთში, როგორც სამშობლო ენას, ისე ქართულ ლიტერატურას, ისტორიას და ქართულ სიძველეთა, რომელნიც უხვად არიან გაფანტულნი, როგორც საქართველოში, ისე მთელ საქრისტიანო აღმოსავლეთში: ათონზე, ანტიოქიაში, იერუსალიმში და სინას მთაზე.

რა გავაკეთე, რა მოვაგვარე ამ ხნის განმავლობაში? ის, რაც ჩვენ მეცნიერებას და საქართველოს მდგომარეობას შეეფერებოდა, მაგრამ აქ ახლა არც ადგილია, და არც დრო ამაზე ვრცლად ლაპარაკისა. ვიტყვი მხოლოდ მოკლედ, როგორც რომაელები ამბობდენ „Feci quod potui“. იქ დიდხანს მარტო ვიყავი. დრონი იცვალნენ და ეხლა აქ ხუთნი ვართ მასწავლებლად ამ საგნებისათვის. ეხლა დარწმუნებული ვარ, რომ ჩემი ახალგაზრდა ამხანაგები უფრო გააღრმავებენ და გააფართოვებენ იმას, რაც მე და ჩემ წინაპართ დავიწყია. მეტადრე კმაყოფილი ვარ მე ჩვენი სტუდენტების გამოცდების შემდეგ, რომელთაც ქართული ლიტერატურის ისტორია აირჩიეს

<sup>1)</sup> ბევრმა ნაცნობმა და მეგობარმა, რომელნიც ვერ დაესწრეს ჩემს იუბელეს გადახდას მთხოვა დავბეჭდო ის სიტყვა, რომელიც მე წარმოვსთქვი იქ. ვასრულებ იმათ თხოვნას.



და ისე დაეწაფნენ ამის შესწავლას, როგორც ნათქვამია „მწყურვალე ირემი მიისწრაფვის წყაროზე“. ვინც ჩვენ გვიცნობს ამბობენ ჩვენზედ, რომ ქართველი ხალხი ნიჭირი არისო, მაგრამ კარგა, ცოდნა და ბეჯითობა აკლიაო. ეს ნაკლი უთუოდ თავიდან უნდა მოვიშოროდ. ამ სიბრძნის სავანედგან უნდა გამოვიდნენ ის „რაინდნი სულისა“ „Ritter der gesiter“ გერმანული პოემა გუჩკოვისა), რომელნიც უნდა წინაუძღვოდნენ ხალხს და უნათებდნენ გზას ღამე ისე, როგორც მანათობელი სვეტიებრაელებს სინას უდაბნოში. მეცნიერება არ არის რაიმე გარეგანი სამკაული, არამედ ნამდვილი სულის ძალაა, რომელიც ხშირად აღემატება ფიზიკურ ძალას. თვით ვაჟკაცობა და მამაცობაც კი სულის ძალა არის. ნათქვამია სადაც მალლა სდგას მეცნიერება, მალლა სდგას ადამიანი და კიდევ ცოდნა, თავისუფლება არის და უმეცრობა კი მონობა. საღმრთო წერილიც გვასწავლის: „სცანიტ ჭეშმარიტება და ჭეშმარიტებამან განგათავისუფლოთ თქვენ“, რადგან მიზანი და საგანი მეცნიერებისა არის ჭეშმარიტება. ყველას შეუძლია თავისი წვლილი შეიტანოს სამშობლოს საუნჯეში, აი მაგალითი: ვინ ააგო ეს მშვენიერი მეცნიერების ტაძარი? ერთმა სოფლის მღვდლის შვილმა **ნიკოლოზ ცხვედაძემ**, რომელიც ცხოვრობდა მცირე ჯამაგირით, ყველას უკვირდა, როგორ მოახერხებს ამგვარ საქმესაო, მაგრამ ცდით და გარჯით, მოახერხა ეს დიდი საქმე. ჩვენი ქვეყნის შემოსავალი მაშინ ჩვენ ხელთ არ იყო, შეჰკრიბა კერძო პირებისაგან შეწირულება და ამით ააგო დღევანდელი უნივერსიტეტი. მერე როცა დაასრულა ამის აშენება უნდოდა სვეტიცხოვლის შეკეთება მცხეთაში. მე იმ ზაფხულს ტფილისში ვიყავი. წავედით მცხეთაში სვეტიცხოვლის სანახავად აველით გუმბათში, რომელიც, როგორც ამბობდნენ დაზიანებული არისო. თუმცა ეხლაც ურმით, თავის ოჯახობით და თოხლით მოდის გლეხი მცხეთაში ღამის სათევად და მოიმღერის: „სვეტიცხოველო, ცხოველო შენ სალოცავად მოველო“, მაგრამ ხშირად შიგ შესვლას ვერ ბედავს „რათა აღანთოს ღამპარი და მისსა საკურთხეველში



დაღვაროს ცრემლი მდულარი“. მე მთხოვა ცხვედაძემ ვის-  
უნდა მიმართონ, რომ ნება მიიღონ ტაძრის შეკეთებაზე.  
მე მივეცი მისამართი პეტროგრადში არხეოლოგიური კო-  
მისიისა საზამთრო სასახლეში თავმჯდომარის ბობრინ-  
სკისა. ეგზარხოსმა და ცხვედაძემ გაგზავნეს დეპეშა ნება-  
როთვის შესახებ. მესამე დღეს მოუვიდათ პასუხი ნება-  
როვისა, მაგრამ ჯანგატეხილმა მეტის-მეტი ჯაფით და  
ფიქრით ველარ შესძლო სვეტი-ცხოვლის განახლება მან  
მოასწრო მარტო ამ მშვენიერი მეცნიერების სავანის და-  
მთავრობა. ამბობდა, რომ ერთ დროს ეს საჭირო იქნება  
ჩვენი ქვეყნისთვისო და აი ეხლა დადგა ის დრო, როდე-  
საც გვეღირსა ჩვენი უნივერსიტეტი, მაგრამ თვითონ ვე-  
ლარ მოესწრო ამ დროს. ეხლა ჩვენმა ხელოვნების აკა-  
დემიამ უნდა ითაოს ეს საქმე, თუ ახალი ძეგლების აშე-  
ნების უნარი არა გვაქვს ძველი მაინც უნდა შევიწინაბოთ,  
რადგან სვეტი-ცხოველი არის ჩვენთვის „სოლომონის  
ტაძარი“ და დედა საქართველოს ეკლესიებისა. ჩვენი ტაძ-  
რები არ არიან მარტო ლოცვა-წირვისათვის, არამედ  
არაიან ხელოვნების ძეგლი. ეს მშვენიერი არშია, რომე-  
ლიც უვლის ჩვენი ტაძრების გარსა და ფანჯრებს ჩუქურ-  
თმებით გამოყვანილი, ჩართული და ჩაწნული მცენარის  
ფოთლებით და ყვავილებით ევროპაშიაც არის ცნობილი,  
როგორც ქართული ხელოვნება, „style georgien“. უც-  
ხოელი, რომ მოდის ჩვენ ქვეყანაში პირველად ამ ძეგ-  
ლებს აქცევს ყურადღებას. ეგვიპტეში, რომ არ შენახუ-  
ლიყო სხვა არაფერი, გარდა ძველი ტაძრებისა და პირა-  
მიდებისა მაინც გვეცოდინებოდა, რომ იქ დიდ ძლიერ  
და კულტუროსან ხალხს უცხოვრია. ჩვენი ცხოვრება ჯერ  
ამოწურული არ არის, მაგალითად, როგორც სტატისტი-  
კით ცნობილია საფრანგეთში უფრო ბევრი იხოცება, ვიდ-  
რე იბადება. ჩვენში კი სტატისტიკური ცნობით, უფრო  
ბევრი იბადება ვიდრე იხოცება. ასე, რომ ჩვენ კიდევ  
დიდი მანძილი გვაქვს წინ გასავლელი. თუ ცხოვრება  
არის „ბრძოლა არსებობისათვის“, ქართველობამ პირ-  
ნათლად და ღირსეულად აასრულა ადამიანის დანიშნუ-  
ლება თავის გრძელ ისტორიულ ცხოვრებაში. უნახავს



„ჯოჯოხეთიც და სამოთხეც“, როგორც სთქვა ერთმა უცხოელმა პოეტმა ვ. ველიჩკომ. არ შეუდრკა მრავალ მტრებს და არ დაძაბუნდა მტკიცედ შეინახა: თავისი მშვენიერი ქვეყანა და მიწა-წყალი, თავისი ჯიში და მოდგმა, თავისი ვაჟკაცობა და მამაცობა, თავისი რჯული და სარწმუნოება, თავისი მწიგნობრობა და თავისი კულტურა. რომელიც ენათესავება ელლადის დროების კულტურას. იმათ მემკვიდრეებს და იმათ მომყოლ დასავლეთის კულტუროსან ერებს და ბოლოს ყველგან გამარჯვებული გამოსულა. უთუოდ უნდა შევიძინოთ და შევითვისოთ ის მეთოდი და სისტემა, რომლითაც იმათ ააღორძინეს და ააყვავეს თავიანთი სამშობლო. ეს არის იმის თავმდები, რომ შემდეგშიაც ასე მოიქცევა თავის სადღეგრძელოდ და საბედნიეროდ ქართველი ერი. ეს არის ჩემი აღსარება და ჩემი ანდერძი. ხალხის თქმულებამ მოათავსა ჩვენ მთებში დიდი დევ-გმირი და კაცთ-მოყვარე ამირანი, ეს არის სახე ჩვენი ერისა.

მაშ ჩვენი ტურფა საქართველო თუმცა ჭალარა გამოჩეული, მაგრამ ჯეელი და ახალგაზრდა იყოს კვლავ და მარადის მრავალ, მრავალ ჟამიერ. ბატონებო, მე დიდად მოხარული ვარ, რომ ჩვენ ქვეყანაში, ჩვენ ძველ სატახტო ქალაქში, ჩვენ ახალგაზრდა უნივერსიტეტში და ჩვენ ქართულ ოჯახობაში მომიხდა ჩემი ნახევარი საუკუნის იუბილეს დღესასწაული. ვისურვებ, რომ დამყარდეს მშვიდობა, მტკიცე ერთობა, ძმობა და სიყვარული ხალხთა შორის და მაშინ მტერიც ველარას დაგვაკლებს.



3 7 2 8 0 5



**ბალადა, თუ როგორ შეაკვდენ ერთი მეორეს  
ვეფხი და ვაჟკაცი.**

მოყმემ თქვა პირ შიშველამა  
შიბნ გავიარენ კლდისანი,  
მოვინადირენ დავლახენ  
ბილიკნი ჭიუხისანი.  
შამამხვდეს კლდისა თავზედ  
ხორონი ჯიხვებისანი.  
ჯიხვსა თოფ დავკარ ბერხენსა  
ჭალას ჯახნ იქნენ რქისანი,  
შავფარდი ვეფხვსა ნაწოლსა  
დრო იყვნენ შულამისანი.  
შიბნენ ვეფხვი მოყმეი  
მაშინ დაიძრეს მიწანი,  
კლდეები ჩამაანგრის  
შტონ დაილეწნეს ტყისანი.  
დრო აღარ დარჩა მოყმესა,  
ხანი რო ჰქონდეს ცდისანი,  
ფარსა უფარებს, ვერ ჰფარავს  
ვეფხვი ჩქარია კლდისანი.  
გაზით გაართვნა კალთანი  
ჯაჭვისა ჯავშანისანი,  
მოყმემაც ხელში იყარნა  
ვადანი თავის ხმლისანი.  
მაშინ გაუჭრა ფრანგულმა,  
დრონ იყვნენ წაქცევისანი.

1) ვ. კოტეტიშვილის მასალებიდან. ჩაწერილი ვ. რაზიკაშვილის მიერ.



ვეფხვი კლდეთ გადაეკიდ-  
ჩამააწითნა ქვიშანი,  
ქვიშას მიღებავს წითლადა  
სისხლი ზედ ჩამამდინარი.  
ნუ ეტყვიტ მაგის დედასა,  
კარს უსხედს ქადაგ-მკითხავნი.  
უერთოდ კი არ იხარჯნეს  
ჩვენ მონადირის ისარნი.  
იარებოდა დედაი,  
ტირილით თვალ-ცრემლიანი,  
ჩემ შვილს გზას ვეფხვი შაჰყრია,  
გაჯავრებული, ტიალი.  
ჩემს შვილს ხმლით, იმას ტოტითა,  
დღე დაულამდათ მზიანი.  
არც ვეფხვი იყო ჯაბანი,  
არც ჩემ შვილ შახვდა ჭკვიანი,  
მათ დაუხოცავ ერთურთი  
არ დარჩნენ სირცხვილიანი.  
ტირილით წყლულებს უხვევდა,  
ვეფხვის კლანჭებით დაჭრილსა,  
შვილო, არ მოჰკვდი, შენ გძინავ  
დაქანცული ხარ ჯათითა.  
ეს შენი ჯაჭვის კალთები  
ოხერმა როგორ დაფლითა?  
შენც იმის საფერ ჰყოფილხარ,  
ხმალი ქნევაში გაგიცვდა,  
არც იმან მოგცა მეტი დრო,  
აღარც შენ დააცალია.  
ველარც შენ დაიფარიე  
შენ ხელთ ნაჭერი ფარია,  
ველარცა ვეფხვმა ტოტებით,  
ხმალმა დაკუწნა ძვალია.  
მაგის მეტს აღარ გიტირებ,  
შენ არ ხარ სატირალია.  
მშვიდობით, ჯვარი გეწეროს,  
ეგეც სამარის კარია.



— ხან ვეფხვი, ხან თავის შვილი,  
ელანდებოდა მძინარსა,  
ხან ვეფხვი ვითომ იმის შვილს  
ტან-ზეით აჰყრის რკინასა,  
ხან კიდენ იმისი შვილი  
ვეფხვს გადაავლევს ყირასა.  
აი ამ სიზმრებს ხედავდის,  
გამაელვიძის მტირალსა.

— ხან იფიქრებდა: უღედოდ,  
გაზრდა ვინა თქვა შვილისა?  
იქნება ვეფხვის დედაი  
ჩემზედ მეტადა სტირისა?  
წავიდე, მეც იქ მივიდე,  
სამძიმარ უთხრა ჭირისა,  
ისიც მიაშობს ამბებსა,  
მეც უთხრა ჩემის შვილისა,  
იმასაც ბრალი ექნების  
უწყალოდ ხმლით დაჭრილისა.



ბანთიაღამდე.

წუთით მიწიდან მოწყვეტილი ზეცას დავეძებ,  
გულმა დაჭრილმა ვერ იგუა მიწის ყალიბი.  
ძიწივას ქარი ხმელ შტოებზე თითქო თარებზე  
შავმა ყორნებმა ამიუღერეს სევდა ბრჭყალებით.  
მე აქ მოვსულვარ როგორც ვინმე უბინადარო,  
მეგობრებისგან სამუდამოთ მივიწყებული.  
საკუთარ თავთან მობაასე მთაზე დავდივარ  
და ვარსკვლავები განწირულად ზეცას სწყდებიან;  
ვფიქრობ და ვფიქრობ, ბავშვის გრძნობით ათრო-  
ლებული,

ძველ მგოსანივით რათ ვეძებდი სულის ნათესავს,  
როცა დაღუპვას მემუჭრება საწუთროება  
და ამ სიცოცხლეს სუნი უდის მჭკნარი ვარდისა  
მეუბნებიან, გამოდიო ქვეყნად ხილულად,  
თუ ხარ პოეტი, ღიმილებით წარბი გახსენი,  
მაგრამ მე რა ვქნა თუ ჩემი ცა გატეხილია,  
თუ ეს სიტყვებიც იებივით ცრემლით სავსეა.  
იქნება გული გაუკეთდეს ყველას თიხისგან,  
დაჰკარგეს გრძნობა, სიყვარული მოჰკლეს მახვილით.  
გავყურებ გაღმა, ხავსიანი ძველი ციხე დგას,  
და ციხის თავზე არწივია ფრთებით დახრილი.  
ტკბილ იყო ის დრო, როცა მქონდა ძილი ყრმობისა,  
მთვარე სარკმელით ჩემს აკვანთან ზღაპრებს ქსელავდა.  
კრულ იყოს ის დრო, როს ცისკარის ხმები მომესმა  
და წამოვიჭერ მე სიმშვიდის სარეცელიდან.  
ჩვილი თვალები მაშინ ცაზე დავისუფთავე,  
ვსთქვი, ჰე ვარსკვლავნო თქვენი ცქერა რათ შემზარდება,



უმწიკვლოება ოლონდ გულში ისევ სუფევდეს,  
ოლონდ შემეძლოს მე გრიგალის ფრთებზე მგზავრობა,  
თითქმის მოღლილი, მოსვენებას მოწყურებული,  
ეხლა მთაზე ვარ, ხის ფოთლებში ქარი გაწივლებს.  
ძირს კი გველებათ დაწყობილი მწვანე წყლებია,  
წარსულის შფოთი, მუხის ჩრდილი და სიყმაწვილე.  
მე სირცხვილი მწვავს, ფიქრს უცნაურს ველარ ვიშორებ,  
ეგებ ამბობენ, ლექსებისთვის ვარ დამხობილი.  
მოგცემთ ყველაფერს, დავწვავ ლექსებს, მხოლოდ მიშ-

ველეო

და ან ლამეებს გადაშალეთ მეღანქოლია.  
მე ხომ ძიება ახალ გზების ბევრჯერ დავიწყე,  
მრავალი ზეცა ცრემლიანი თვალით გავცურე,  
ვერსად ვიპოვნე ბრწყინვალე ქართულ ბწყარებზე,  
ვით ვერ ვიწამე სიყვარულში მე სიქალწულე.  
ჰოი თქვენ მთანო და ველებო რა დაგიშავეთ,  
რომ ჩააწვეთეთ ჩემს თვლებში მკენარი საღამო.  
დღეს ჩემს წინაშე ოკეანეც მწვანე ქვიშაა  
და ეს მინდორიც უდაბნოა დაუსაბამო.  
ბნელო ლამეო, შენ მწუხრები ისე გადამდე,  
მთვარეც მგონია ნაცრითა და ძვლებით წაყრილი,  
განთიადამდე ასე ვშფოთავ, განთიადამდე  
ამაოების უიმედო მესმის ძახილი.  
უცებ მინდება ხმელ თითებით ცა გადავშალო,  
ვიწყო ახალი ქვეყნისაკენ გადმოფორთხება.  
სულ არ მინდოდეს ო სამშობლო, ჩემო სამშობლო,  
ჩემი ცხოვრება ცრემლიანი იყოს მოთხრობა.  
მე ახალგაზრდას, იქნებ მოღლილს, რა დამაყუჩებს,  
თუმცა ბინდები ბუზებივით თვალში მერევა;  
ისევ გიბრუნებ სამშობლოო ჩემს სიჭაბუკეს,  
ისევ მომწყურდა შენს წიაღში ასიმღერება  
შენ ახალ მზეზე გაბრწყინებულს სახე გიცინის,  
მე კი ისე ვარ, მორიდებით არ მემხილება.  
შენთან მოვდივარ ხელგაშლილი და გეფიცები  
რომ სიტყვა ყელში სიხარულით გამეხილება.



## საქართველო

„ქვეყნად ვეძებდი სამოთხეს,  
სამხრეთისაკენ ედემსა“....

რ. ერისთავი.

(ნიკოლო მიწიშვილის წერილის ირგვლივ ატეხილ ამბის გამო).

მე დიდ ნიუტონს ვუმაღლი, რომ მიწას ვაბივარ  
და ბედნიერი ნიუტონზე ვარ კიდევ მითა,  
რომ იმ ვაშლივით მალლიდან ძირს კი არ ჩავრბივარ,  
მსოფლმზიდველობის კანონს მან რომ დაუდო მითად.  
არ ვიხედები წარსულისკენ, ზოგს რომ სჩვევია,  
აღმავალია ჩემი კლასი და ჩემი ფიქრი,  
მას არა ერთი დაბრკოლება დაუძლევია  
და, მასთან ერთად, გამალებით ეხლაც წინ მივქრი...  
მე იმ თავითვე შევიყვარე ზღაპრული ვაშლი,  
რომელმაც აღძრა გენიოსში დიადი გზნება,  
მით უმნიშვნელომ დასდო ქვეყნის წინაშე ღვაწლი  
და მოწიწებაც ჩემში მის წინ მუდამ იქნება...  
ნახეთ ხე მისი, გაზაფხულზე აყვავებული,  
გადაფუთვნილი გულ-წითელი თეთრი ქაფებით,  
თითქოს ის რძეა, შიგ სისხლის წვეთ-შეზავებული  
და მოხდენილად აქარგული უცხო ძაფებით...  
შემდეგ, ზაფხულში ზურმუხტით და იაგუნდებით  
დაესხმის იმას თვლები, თლილნი ცოცხალ სინაზედ,  
თვალი მათ სჭვრეტს და გულიც მათ თვლას თითქმის  
უნდების,  
და თავიც თავს გრძნობს რაღაც უცხო გამოფენაზედ...



შემდეგ კი მოვა შემოდგომა — ჯადო მხატვარი,  
მოიტანს იგი საღებავებს გამთბარ უბითა...  
ეჰ, ბევრი, ბევრი მინახავს მე მისგან დამტკბარი,  
ნეტარების ცრემლთ რომ აფრქვევდენ ლაპა-ლუპითა...  
ჰქრება ნაყოფი, მაგრამ რჩება „თესლი კეთილი“,  
იმას მკერდს უხსნის ნოყიერი მიწის წიაღი,  
და ისევ ის ხე, თეთრ-წითელ ქათ თავ-დაპენტილი,  
და ისევ ისე ნაყოფებით ფერადი ბალი!  
და საქართველო, ეგ ბალის და კალოს ქვეყანა,  
ვაშლის და ყურძნის, ბროწეულის, თუ სხვა ხილისა,  
კიდითი-კიდე განთქმულია თითქმის ყველგანა,  
ღვინით, პურით და მწვანელით რომ ავსებს თბლისსა.  
მე ვნანობ მხოლოდ რომ თბლისში სხვები მეფობდნენ  
და არა შრომა, ბოსტნისა თუ ყანის ჯავარი,  
ამიტომ იყო რომ ქართულს ტახტს აქ სულ ეჭვობდენ,  
თუმცა ქართლოსი კი სწამდათ, ვით მამათვარი...  
იგი ზრუნავდა მეფეებზე. როგორც ეტყობა,  
იგი ტახტით და სავარძლებით იყო ამაყი,  
მე კი ერთ მარცვალ ქერშიც არ მსურს თქვენი მეფობა,  
ტახტს თუ სავარძელს მიჯობს ბოსტნის მწვანე ბალახი...  
ტყვილად არ არის, რომ სამოთხე პირველ ყოფილი  
დღესაც მგონისთვის იდეალად საძებარია,  
მხოლოდ უქმობა იყო მასში უარყოფილი  
და მიტომც ვაშლმა ადამი და ევა არია...  
დღეს შრომა მეფობს საქართველოს ყოველ კუთხეში,  
დღეს ეს უქმობა ნაძრახია და დაგმობილი,  
მუშის და გლეხის გარეშეა უარყოფილი,  
შინაურია თუ გარეშე, ძალა უხეში!..  
და მრწამს, ედემი, ქვეყნად მართლაც გადაიშლება,  
სამხრეთს, ჩრდილოეთს, აღმოსავლეთს თუ დასავლეთსა,  
რა ბოროტება ქვეყნის გულში ამოიცილება,  
ერთ ბაღად შეჰკვრენ, ახარებენ სამოთხეს ერთსა,  
მაშინ დახრუკულ ქედებსა თუ უდაბნოებსა,  
არა „ღვთის წყევლით“, შვების ლოცვით გადაჰბანს ოფლი,  
გადაალაჯებს ხალხი ტანჯვის მძიმე დროებსა  
და მეორე მზეთ გაბრწყინდება დიდება სოფლის!..



და საქართველოც ამ დიდ გზას ხომ არ ჩამორჩება,  
ამის საბუთი დღეს არა სჩანს, არც ხვალ იქნება!  
ის გაზაფხულით სხვებზე ადრე შეინორჩება  
და შემოდგომით სხვებზე უფრო გარდაიქმნება...  
და თუ ნიუტონს ერთი ვაშლით ხსნა მოეპოვა,  
დღეს, მგონი, მისგან მიწას თესლიც არ შერჩენია,  
მაშ, საქართველოს გულ-მკერდზე რომ ვაშლები მოვა,  
მას კვლავ რამდენი უნდა მოჰყვეს თანვე გენია?!  
და ამის შემდეგ „საქართველოს უშვილოსნობა“  
არ მჯერა მე ამ მზით აგზნებულ ტურფა მხარეში,  
მრწამს მისი, როგორც რუსთაველის დიდი მგოსნობა,  
კვლავ შესვლა „ახალ ოქროს ხანის“ სიმხურვალეში!..





## გაბაასება საკუთარ ლექსთან.

აი ხეებიც ირხევიან დაულაგებლათ,  
მარცვლავენ ფიქრებს და ცვივდება იგი ფეტვივით  
ხენი ამბობენ, ჩვენც მოგვდვესო დროის ლაგამი  
ხეს ატირებულს, ატკივდება საწყლად ფილტვები.  
მე სხვაფრივ ვფიქრობ და შორეული ფიქრები მიქრის  
მკრთალი დარღები დაწყობილა დროთა თაროზე;  
ჩემი ლექსები მე მაგონებს მოქსოვილ ოქროს  
და მით არ გრძნობა, სამწუხროა სამწუხაროზე —  
მე ხომ ხე არა ვარ, და შტოებიც აღარ მომისხამს  
მაგრამ სიტყვები მაგონებენ ფოთლებს დაფატრულს;  
მინდა სიცოცხლე შევიტანო ხალხში მისხლობით  
და მღვრიე ხმები მე ამომდის ყელში ფუტივით.  
დროება დადგა კაცობის და სხვა გვარ კავშირის  
რამდენი გზაა — იმდენია სული სარწყავი  
მძიმდება სუნთქვა გულის ფეთქვით გახშირებული.  
და მისი ყოფნა განყენებით დაწყევლილია.  
მე სქელ გვამებში, ადამიანს აღარ დავეძებ  
სახეებს ვარჩევ შემოხიზნულს ბრბოში კრავივით:  
ერთხელ ვეკიდე ალვის ხიდან კლდეთა კიდეზე  
ეხლა ჩამომხსნეს და ზაფხულის სიზმრებს მაკრავენ.  
და ამ სიზმრებში სასიცოცხლო მე რა მოვნახო  
ვინ გადალახავს ასეთ ლექსთა დამდგარ მდინარეს.  
შენ განვლილ გზების თუ გაივლი კიდევ ნახევარს  
შენ გულწრფელ სულში უკუღმართი დაიბინავენს.  
მოკვდები გვიან და აღდგომა არ გელირსება  
კვამლში აზრები ჩაგეხრჩობა გადალობილი;



აღამიანის ჩაგიქვრება ყველა თვისება  
და შენ ლექსები შეგაშინებს ნილაბებივით.  
და თუ შენ სიკვდილს, ფეხშიშველი გადასცილდები  
განმეორებას სიყვარულის ვერ მოახერხებ;  
შენ ცხელი ძარღვი მზის დაწოლით გაგიცოფდება  
და ბირკველებზე გადმოაფენ დამტვრეულ ფეხებს,  
შენ კი ხიდი ხარ — ხასიათთა შეერთებისა  
და ვისაც უნდა უსინდისოთ იმან გაგინოს;  
შენ გაწევს ჩრდილი კავკასიის მაღალ მთებისა  
და ჩვენ გვწამს ყველას რომ გადუხთით სამაგიეროს.  
ამოგიჭრია ცის სიბრტყეზე ერთი ანდაზა  
და დაგრჩენია კიდევ ბევრის მოჭრის უფლება;  
წამოგებულა შენი სული დღეთა დანაზე  
და შენი სიბრძნე წამომდგარა მთების შუბლივით.  
ყოველი ქრება უნებური ქარი მტვერივით —  
და სიმწვანეა მტვერთან ერთად გახსნილ თაროზე  
და ჩვენი გრძნობაც, ჩემო ლექსო, ძველთან მტრულია  
რადგან კაცნი ვართ და ეს დრო გვაქვს საასპარეზოთ.



## სალამოები მთაში

შევხედავ — ჩავა მნათობი  
და ჩაქრებიან ღრუბლები.  
შეიკვრის მარად ნათოვი  
მთების მაღალი შუბლები.  
შემოაკლდება დღეს ფერი  
და შეკრთებიან ხეები;  
ამოვა საჯიხვეებით  
გაფითრებული ვესპერი.  
ნანას უმღერებს მდინარე  
მწვანე სათიბებს და ველებს,  
და ქერი ოქროს თაველებს  
ძირს დახრის უკვე მძინარე.  
მთვარის უვნებო ნათელით  
დაიფარება გორები;  
ადგება ნელი ზმორებით  
ბალახი დღისით ნათელი.  
გახედავს სასწორს კრებული  
ცივი სხივების მიკრეფით.  
დამიმშვიდდება ფიქრები  
და გული განცვიფრებული.  
ო, ყველაფერი ისეა,  
როგორც ყოფილა თავიდან,  
და ისევ მაღლა წავიდა  
ჩემი დამკრთალი მისია!

1926 წ.



3 6 12 8 5



## ჭუთაისი.

(ნაწყვეტი რომანიდან: „ჭუთაისი“).

„და აქედან თვალებს ვკეც და ჩემთან მომყავს ცის ლურჯი საბანი — ქალაქს, რომ თავს დაფარებია მალლა დიდი მნათობი, მზე, რომ ქვია, ჩამოირბენს ბუქნით ამ საბანს და ისეთ მტვერს აადენს, რომ მისი ბულქვები ამ ფანჯარაშიც ჩამოიყრება... ო, რომ შემეძლოს გადავყლაპავდი ამ ბულქვებს და დავიძინებდი... დავიძინებდი და დავიხრჩობოდი ამ ოქროს ფერი ძილით...“

სულ ორი კვირაა რომ ვზივარ ამ ვიწრო საკანში და გავჩერებივარ ცის ლურჯ საბანს, მზით, რომ ალაპლაპდება დღისით და ღამით ათასი თვალით დაიწყებს ცქერას. მივჩერებივარ და მაგონდება, მახსენდება, რომ ამ საკანს იქით არის ქალაქი! ქალაქი, რომ ქვია და არც ქვია...

ჭუთაისი...

ჭუთაისი.. რიონი სჭრის ორად.. წყალწითელა ჩაუდის აღმოსავლეთით და ჩრდილოეთით დიდი ბაგრატის ტაძარი და უქიმერიონი... ფაზისი. — იცის წვერა — გემრიელი და ღორჭო დიდ-თავა... იცის გადარევა და ღრილი. ფაზისი, — საწმისით იჭერდენ იქ ოქროს ფხვნილს და აკეთებდენ ოქროს-მჭედელნი სამკაულს, რომლით მკლავებს იმშვენებდენ კოლხეთის ასულნი...

კიდევ აკეთებდენ ოქროს ჭეწკვებს — კდემამოსილობის ბოქლომით და ქმრები ხმარობდენ მას საკეტათ — ჯვაროსანთა ომებში, ან ინდოეთს, რომ მიდიოდენ საომრად...

ერთი ასეთი იარაღი დღესაც ინახება ჭუთაისის მუზეუმში, რომელზედაც ოქროპირობს — ტრიფონ ჯაფა-



რიძე. ფაზისი, — დღეს მასზე სამი ხილია: თეთრი, წითელი, ჯაჭვის; უკანასკნელი უყვართ სვანებს და იქ სამიკიტნოებში შემოდგომაზე და გაზაფხულზე თქვენ ნახავთ მათ ჯიხვის ტყავებითა და გრძელი ყამებით ხვანჭკარით, რომ ითრობიან და „რერაზე“ შუშპრობენ...

— ფაზისი, ახლა იგი მტკვარს შეეჯიბრა და ზაპესს საასპარეზოთ იწვევს. რამდენს მანქანებს დაათრევს ივთავის ტალღებით და როცა მოიყრონჭება, — გახეთქს იმერეოს ელვისის თეთრი ცხენებით.

და ეს „თეთრი ცხენები“ ახლა თავშეუყავებელი მიღმუიან, იტკვლიცებიან, ჭიხვინებენ და როცა ადამიანი ჩასჭედს მათ ჰიდრო-ეტლში, გარეკს ელექტრო სადავეებით—მაშინ თავს დააფრქვევს ქვეყანას ელვისის ვარსკვლავებს და იმერეთი გაიცინებს ღამით, როგორც დღისით მზე...

გაიცინებს თეთრი ცხენები მზესავით.

მათი სიცილი ღამით, ალბათ, ამ საკანშიც შემოცვინდება და გულზე დამებნევა ქინძისთავივით. გადამიკოცნის სახესა და თვალებს და მომეფერება...

ფაზისი... რა მინდა, ახლა შენი ნახვა, მაგრამ ვინ გამიშვებს მე ცოდვილს, რომელმაც მოვკალი ადამიანი... ადამიანი, რომელიც ცხოვრობდა და იღიმოდა...

მე მოვკალი და ახლა აღარ ცხოვრობს, მე მოვკალი და ახლა აღარ იცინის!

სიკვდილმა სიცილი არ იცის...

ეგებ კი უნდოდა გაეცინა, მაგრამ არ გავაცინე... უყვარდა კი სიცილი... მისი წითელი ტუჩები ოქროსფერი სიცილით იყო მუდამ სავსე და როცა იცინოდა მე მიყვარდა მისი სიცილი, მაგრამ მოვკალი, რადგან ეს სიცილი, მან სხვას აჩუქა და მე წამართვა...

სხვას აჩუქა და მე წამართვა.

და განა ამას მოვითმენდი და მოვკალი, რომ სიცილი მისი სულ გამეჭრო...

მაგრამ...

ჰო, მერე მოვითხოვთ ამ ამბავს...



ეს გრძელი ამბავია, თუ როგორ გაჩნდა ღიმილი მის  
ბაგეებზე, როგორ დაითესა იგი მთელს სხეულში და...

ჰო ეს გრძელი ამბავია...

ახლა კი ისევ ფაზისი მიდგას წინ...

ფაზისი, ქუთაისს, რომ ორ ნაწილად ყოფს, და რომელ-  
ზედაც სამი ხილია: თეთრი, წითელი და ჯაჭვის...

ქუთაისი სამხრეთით ტყით იწყება — სალორია, რომ  
ეწოდება და ჩრდილოეთით უქიმერიონი თავს დაყურებს..

იქ ღმუის ფაზისი და ტყესთან ნოხივით იკეცება და  
ტირის. ქუთაისი—ჩრდილოეთით სვანები ჯაჭვის ხიდთან  
„ბეთქილზე“ ოცნებობენ და სამხრეთით იმერლები — ურ-  
მებით ეფინებიან. და გრძელი ფარდაგივით მიყვება თეთ-  
რი გზა, — რომელიც კვეთს ლიხის მთას: ახალციხიდან,  
მოაქვს ზღაპრები ხანის წყლის და ცხრა მუხის, მდ. ყვი-  
რილით იკვეთება და სდის შავი სისხლი, მერე ეკეცება წი-  
ნა — ველსა და სალორიას და შემოვარდება ქუთაისში,  
გაიღებს გულზე ჯაჭვის ხიდს და მირბის კავკასიონისაკენ.

რამდენი ეტლი დამიქროლებია ამ ფარდაგზე, ხავერ-  
დივით, რომ რბილია და თვალის უბეებს, რომ ეთამაშება..

ბევრი მინახავს ამ გზაზე, ამას მერე მოგიტხრობთ, ახ-  
ლა კი იქ ცას, რომ შევსცქერი და თეთრი ღრუბელი გაწვა  
ეს გზა მგონია, რომელიც ცას შეცურთდა და ჩემს თვა-  
ლებს იპარავს...

არა ეს ღრუბელი არაა.. ეს ბოლია საქსოვ ფაბრიკის  
მილიდან, რომ ამოდის...

საქსოვი ფაბრიკა!...

ის ქუთაისში დასახლდა პოლონეთიდან და ახლა მას  
ხონელები სწყევლიან. რადგან მათ შალს აღარა აქვს გა-  
სავალი და არ ყავს მუშტარი.

თეთრი ბოლი მისი ედება ქალაქს, ეხვევა მაღალ სახ-  
ლებს, ვით სატროფო ასულის გრძელი ხელები ვაჟის ყელს.  
და ქუთაისს უხარია და იცინის.

იცინოს ქუთაისმა მას ჩემსავით არ უნახავს სიხარული  
და სითეთრე... ისიც მიტოვებულია ჩემსავით და ციხეში  
ზის... და უცდის, უცდის, როდის დაიყვირებენ ათასობით  
საყვირები მაღალი საბოლევებიდან და მტრედის გუნდები-



ვით აფრიალდება მისი ბოლი ქალაქის გოდოლებზე.  
უცდის...

უცდის, როცა ფაზისის ჰიდრო-ელვისი მზეს დაამსხ-  
ვრევს ქუთაისის თავზე ლამპრებით...

ჰო ქუთაისო, მინდა გულში ჩაგიკრა, მინდა გეამბორო,  
მსურს შენით მოვკლა უკვდავება და შენ გაგაუკდავო.  
ო, ტკბილო ქუთაისო, სიმწარე დავლიე შენს დაჩეხილ ქუ-  
ჩებზე, ღორებივით რომ ყრიან ტალახში, სამსალა შევსვი  
შენს ყაფნებზე — ტარნითა და სვირულით, რომ ქოთავს.

მაგრამ მაინც მიყვარხარ!..

ქუთაისი...

ქუთაისი, ფაზისი, რომ ყოფს შუაზე და რომელზე-  
დაც სამი ხიდია: თეთრი, წითელი და ჯაჭვის...



## ხონის ბირჟა.

ყაჩაღთა დაცემის ამბავი ელვის სისწრაფით მოედო ხონის ბირჟას — ქალაქს... ყველა მის ლაპარაკში იყო.

მოვიდა პავლიაც...

პავლია, მიხაკია, ნესტორია, კანია, სელოლე, ბუკუია — ყველა მეეტლე, მედელეჟნეები და ბირჟაზე მყოფი მოქალაქენიც ჰფიქრობდნენ, რომ ყაჩაღები უთუოდ იმ სოფლიდან უნდა იყვნენ, რომლის ახლოსაც მოხდა თავდასხმა, სახელდობრ სოფელ გუბიდან.

სოლომონმა მყისვე გაიფიქრა:

— ვაი, შენ ჩემო სივილა! რა ტყუილა უბრალოდ გამოგასალმე წუთისოფელს!? დაჯავრიანდა სამიკიტნოში შევიდა, სამიკიტნოში ჯამბაზი საუბრობდა თავის ბიძასთან; ბიძა მისი შეძლებული გლეხკაცია ნიკოლოზა ჩხენკელი. აქვე იდგა ფოთში მოვაჭრე, ხონელი: ბახტაძე; იგი ვაჭრობს თევზით, მარლით, თამბაქო-ქვილით, ჰყავს საკუთარი პატარა გემი შავს ზღვაზე. ქერა, პირპილივით, წითელმა, ჩასუქებულ, შუახნის კაცმა კოსტიუმის გულჯიბიდან ამოიღო საათი დიდი ოქროს ძეწკვით...

— რომელი საათია? ჰკითხა მას ნიკიფორე ჭავჭავანიძემ. — პირველის ჩეთვერია — უპასუხა ბახტაძემ. ნიკიფორეს მუცელზე ჩოხა აღარ სწვდება; ტოტებიანი შარვალი; ფეხებზე — „რაგოჟის ტუფლი“, თავზე, ჰხურავს ჭილოფის შლიაპა, — აზია და ევროპა! ღმერთმა იცის კიდევ რა?!

ნიკიფორე ორმოცდა ათი წლის კაცი იქნება. ბახტაძეს ისტუმრებს ფოთში, ფოთიდან რუსეთში — ნოვოროსიაში, ასტრახანში.. სავაჭრო რაღაც „სეკრეტებს და სოვეტებს“ ამბობენ.



სოლომონს ყველა თავდაბალი სალამით შეხვდა. უკანასკნელმა მიკიტან რაჟდენიას ერთი ჩარეჟი სვირის ღვინო ჩამოასხმევინა. რაჟდენია სჭრიდა ხმელ პურის ნამცეცს და უზარმაზარი საათის, ჯაჭვივით დიდი ძეწკვი და კლიტე გულმკერდზე ირხეოდა; შემოსდგა პატარა საინი, ზედ ეწყო: ორი ნაჭერი ყველი, ნახევარი კიტრი და სოლომონს ღვინის დასხმის დროს ქვევიდან შემოჰხედა:

— რას იბღვირები? რაც მევიტანე ეგეც არამია შენისთანა კოროტისათვის! — ჯიბეზე აკვირდებოდა! „ფული უხიჭინობს თუ არაო“!

სოლომონმა დაუძახა ბახტადეს, ნიკიფორეს, ჯამბაზს და ნიკოლოზას.

მეეტლეები პავლია და მიხაკია ბირჟაზე გალაზღანდარებული ხალხია — ნაციმბირალი. შორი ახლოს დამდგარან და ჩურჩულით თამბაქოს აწყობდენ; ჩარეჟა ღვინოს და ავსილ ჭიქებს თვალს არ აშორებდენ.

— მოკიდეთ ჭიქას ხელი! — სთხოვა მათ სოლომონმა. პავლიამ სვანური ქუდი მოიხადა, გაიღიმა და დაჭრილ ქორივით ცალმხარ-ჩამოგდებული წავიდა დაზვისაკენ. იგი დილიდანვე მხოლოდ ყაჩაღების დაცემის ამბავს ლაპარაკობდა ტრაბახობდა: — გავარდა თუ არა, — იმავე მინუჩი ვწყვიტე, უჟე, ცხენებს კნუტი... ვოჟები მოუშვი.. დევეშვი და დევეშვი... კალოსების შემეშინდა: არ მოძვრესთქვა... ტყვიები, მაოლ... კოზლაზენ რო ვიჯეჟი, ყურთან მიარდა: მეშინოდა: მაგ შობელძაღვლებმა არ მომახვთეროსკენთქვა!

— რა სალაგინე დაგეცენ ყაჩაღება? შეეკითხა ნიკოლოზა.

— რა სალაგინე და ვაშაკიდის ტყე ქე როა, იქინე მუხუროში!

— მაინც ამ გუბიწყენ ნამეტანი გახშირდა ეს ყაჩაღობა — შენიშნა ნიკაფორემ!.. სოლომონმა ჯამბაზს გადახედა, შემდეგ თვალები სწრაფად პავლიაზე გადიტანა, მიაჩერდა და ოდნავ გაფითრდა სახეზე. პავლიამ გაიღიმა, დაილოცა და გადაჰკრა აძმარებული სვირის ღვინო. ჯამბაზს ჩამოტყავებულ თვალში ცრემლი ჩაუდგა. მიხაკიამ



ქერა უღვაშებზე ხელი გადისვა და ხონის ბირჟაზე „სვინ-  
ტალად“ წოდებულმა სოლომონს პირში ქება დაუწყო:

— იცოცხლე სოლომონ კიდო დიდხანს, — ნამდვილი  
კაი კაცი ბრძანდები — პურმარილიანი და მხარჯველი!..

— კაციც მაგისტანა უნდა! განაგრძო პავლიამ და  
სოლომონის გულის მოგებისათვის დაამატა:

— კაცს ფულის შონის შნოც უნდა ქონდეს და პურ-  
მარილის მიღებისაც! ვაჭრებს ბახტაძეს და ნიკიფორე ჭავ-  
ჭანიძეს გადახედა.

ვაჭრები დასტურის ნიშნად თავს მუნჯად იქნევდენ.  
პავლიას სიტყვებიდან მხოლოდ „ფულის შონის შნო“  
უჯდებოდათ ჭკუაში, ხოლო „პურ-მარილს“ და ქეიფს  
რაიც შეეხება, — ეს სრულიად „უანგარიშოდ“ მიაჩნდათ,  
მაგრამ პავლიას სიტყვებს მაინც ცბიერად კვერსა სცემ-  
დენ, ქვეშ-ქვეშ უღვაშებში ილიმებოდენ:

— დიახ, როგორ არა?! თავი გადავდვით, ვილლიტოთ  
და ვიქუცოთ, ფული და ქონება შევიძინოთ და მერე თქვე-  
ნისთანა ავარა ხალხს შევაჭამოთ? მეტი არ იხარა თქვენმა  
თავმა! ისე დაწვა და არ ადგეს თქვენი გვერდები!

— ღმერთმა დაწყევლოს სკუპოი კაცი! ჩაერია ლაპა-  
რაკში მიკიტანი რაჟდენიაც.

— მაგისტანა მეზობელი მართლაც ავია, შენ რო გყავს  
ბიძა ჩემო! მიჰმართა სოლომონს ყოფილმა სტუდენტმა  
ვანიკო ლოლობერიძემ, რომელიც ისხდა იქვე სუფრაზე  
თავის ამხანაგებით.

— რომელი! ჰკითხა სოლომონმა.

— სამსონი! უპასუხა ვანიკომ. სამსონ ფარცხალაძე,  
მრეწველია ჭიათურის.

უნობენ ალესილი დანა უდენა ჯიბეშიო! სთქვა მიხა-  
მიხაკიამ.

— რათ უნდა ბიჭო ჯიბეში დანა? შეეკითხა სოლო-  
მონი ღიმილით.

— რათ უნდა და ხელი რო ვინმემ ჩამიყოს ზედ შეაჭ-  
რისო! ყველანი ხარხარებდენ. ვაჭრები ბახტაძე და ნიკი-  
ფორე უხერხულობას გრძნობდენ, მაგრამ ძალა უნებუ-  
რად ისინიც ილიმებოდენ.



— ფულს მაგი ამხანაგობაში არ შეჭამს, გაჭირვებაში და ვაჟკაცობაში არ გამოგადგება, აბა, ნა კხორტუ მნე მაგის ფული!? იძახდა სუფრიდან ღვინით შეზარხოშებული ანტუშა, რომელიც უმასმინძლდებოდა ეხლა ვანიკო ლოლობერიძეს, მის ამხანაგებს: მასწავლებელ ანდრიას, და ადგილობრივ აფთიაქის პროვიზორს მიშა წვერავას. ანტუშა ოცდარვა წლის ახალგაზრდაა. აქვს ადესაში სავაჭრო. ვანიკო გადაყოლილია ლოთს და უსაქმო ახალგაზრდებს. ყველგან სადაც კი საინი დარეკავს სადილი და ვახშამი ესიზმრება. ანტუშას ცოლად ნასწავლი ქალი შეიხვდა და თითონ თუმც სამოქალაქო სასწავლებლის მესამე კლასიდანაა, — ადგილობრივ ე. წ. ინტელიგენციას მიწებებია; ევროპიულ კოსტიუმში გამოპრანჭულა, სახლიც ევროპიულ ყაიდაზე მოუწყვია, ცოლი პიანინოს არახუნებს, მაგრამ გული ვაჭრუკანული ის არის მაიც რაც იყო... ანტუშამ აკოცა ვანიკოს, შემდეგ ანდრიას გადახედა და იწყო ენაბრგვილი ლაპარაკი:

— მე შეიძლება თქვენდონე კლასიკური ცოდნა არ მიმიძღვის, მარა უნდა გითხრათ სიმართლე ამ მოსე და ილარიონისთანა ხალხი, წიგნში, რომ მუდამ თავი ჩარგული აქვთ და თავი პროფესორები გონიათ, არ მიყვარს. არა, უკაცრავად, სრულიადაც არა! — ცხარობდა ანტუშა — მე იმას კი არ გამბობ — სწავლის წინააღმდეგი ვიყვე — მაგრამ არ უნდა გამოწყდე, კაცი, ტოლს და ამხანაგებში...

— მარტო სწავლა რა ჩემ ფეხებათ გინდა? გამოათხელებს კაცს! დაღუბე იქით! — ამბობდა პავლია, რომელსაც თავის დროზე სამოქალაქო სასწავლებელი გათავებული ქონდა, მაგრამ შემდეგ წაეტეხა ფეხი ანტუშასავით.

— წორია! დაუდასტურა მიხაკიამ.

— მოსედინ და ილარიონიდინ მე, ძმაო, ერთი ბოთლი ღვინო არ მახსოვს! მოაგონა მის მიერ დაპატიჟებულ ამხანაგებს ანტუშამ, ვისაც ღვინო და პურ-მარლი არ უყვარს, გითხრა სიმართლე, მისი ნურაფერი ნუ გინდენ.

— მე ძმაო — ჩაერია ლაპარაკში ვანიკო — ჩემი უკანასკნელი კაბიკიც კი ამაში გადავალე და ახლაც, რომ მი-



თხრას ამისთანა მეგობარმა, როგორც ანტუშა, — წყალში გადავარდიო, გადავარდები... აქას კი არ ვტრაბახობ ან ვპირძოთნეობ. ანტუშას ფული მე რას გამაკვირვებს?!

— რატომ ამბობ მაგას ვანიკო, მე თუ შენ ველარ გიცნობ და მადლობა ღმერთს ძაშის?! უსაყვედურა ანტუშამ.

— ხო, შენ ქე ძიცნობ და აგერ არ არის მიშაც!

— მიშა?.. — იძახდა ხმაძალლა ანტუშა — მიშა? ოცდაოთხ საათში გადავალევს თუ რამე აქვს... ჭიათურა რო ძიცე, თვენახევარში გაძოუყვანს წირვას! მიშას დაერცხვიხა ასეთი გაზვიადებული შექებისა და თავი დაჰხარა. ჰფიქრობდა: „ისე აძენდა თქვენი პატრონიო!“ ანტუშა უსაყვედურებდა ძასწავლებელ ანდრიას; — ღვინოში მარტო, რომ არ არის საქმე აქაში წორი ხარ... მე იმისთანა ამხანაგი შევარცხვინე, რომელეც იმიტომ მიკადრებს, რომ მე იძახე უფრო ძეტი ფული მაქვს და შემძლია ერთ ბოთლ ღვინოზე დაუძახო... შევარცხვინე ძე მაგისთანა კადრება, და ამხანაგი!.. ვანიკო, დალიე, შენ მე ქე ძიცნობ! ანდა უშეხოდ ძმაო რა ქეიფია? არც წარმოძიდგენია ეს ჩვენი ხობი უშენოთ! სუფრა უშენოთ?

ანტუშამ სიძღერა წაძოიწყო. სიმღერის დროს ხახა ზომაზედ ძეტად გაელო, მოჩანდა ენის კლიტე, მინაბული თვალები ჩასუქებულს სახიდან, რომლებიც ამბობდენ ამ წუთს: „ფეხებზე მკიდია ყველაფერი“, ძაგრამ ეს ეხლა ხალხში კი ისიც დიხჯობს, უბატობოთ სიტყვას არ ამოიღებს, ყვითელ ტუფლებიანს ხელში ტროსტი უბყრია და ქვეყანაზე კაცი გოხიათ. — გააჭივრა საქმე ძოსეს და ილარიონის ლაპარაკებმა სოციალიზმის შესახებ... რა გააკეთეს? ვინც გლახაა, ძმაო, ძაინც გლახა იქნება ყოველთვის! შენ რომ არ ივარგო ვისი ბრალია? გაანძრიე ხელი და იძოვნე შენაც ფული! ოხუნჯობდა ანტუშა, ოხუნჯური განწყობილება ვანიკოსაც გადაედო და ისიც აუხირდა ძოსეს:

ხელი მალა ალაბყრო, ღმერთს შეევედრა:

— ღმერთო, წმ. ილორის ხატის ძალავ და მადლო, ლატაკი კაცის საშველი ძაინც არაა და ასე დაუქციე ოჯახი ყველა დაქცეულ-გაჭირვებულს და მოგვასვენე! — ამ



სიტყვებზე ვანიკომ ხელში აღებული ჭიქა გადმოხარა, ღვინო პურის გულზე ცვარ-ცვარად დაუშვა და შემდეგ იატაკზე დააქცია...

ანტუშა, პავლია, მიხაკია და ყველანი ხარხარებდნენ. ანტუშას ხელი მოეჭირა მუცელზე, თვალთაგან ცრემლი სდიოდა, ხახა ერთს ტკაველზე გაეღო, ენის კლიტე ირბოდა:

— კაი, გაჩერდი, მოვკვდი, ოხ, რა თქვა, რა თქვა ამ ცეხლმოკიდებულმა ეგი?! — ამბობდა სიცილისაგან გაგუდული ანტუშა.

ანტუშამ აღღებდა ვანიკოს ბიძა — სოლომონი და მისი სუფრა დიდის რიხით და ცერემონიით.

სოლომონის წინ იდგა ორი ერთ ხარეჯიანი უკვე ცარიელი ბოთლი... მიუხედავად იმისა, რომ მიკიტან რაჟდენიას დუქანში გაისმოდა ესოდენი ქება პურმარილის სიყვარულისა და ფულის ხარჯვის შესახებ, ვაჭრები ბახტაძე და ნიკიფორე ამ ანკესზე არ წამოეგენ; არც ერთს ბოთლს ღვინოს არ ითხოვდნენ, გულშემოსაყრელად სდუმდნენ... სოლომონს გამოსავალი არ პქონდა, ანტუშას სიტყვის შემდეგ სამადლობელი უნდა დაეღია და რაჟდენს ხმადაბლა ჩაულაპარაკა:

— მეიტანე კიდო ორი ხარეჯა!.. — მიკიტანმა ყური არ ათხოვა, გულიც კი მოიყვანა; ჰფიქრობდა: — არაფერი სასეკრეტო არ მაქვს სწორეთ შენთან! ყურში რო მიფუჩუნებ რას მიფუჩუნებ თუ იცი-ო.

უყუჩა. სოლომონმა ხმამაღლა გაუმეორა: — ჩამოასხი, ბიჭო, ორი ხარეჯი მალე! — რაჟდენია უცქერდა კითხვითი ნიშანით:

— გაქვს თუ არა, შვილოსან, ფული, ასე რომ გულუხვობო...

— რას მომჩერებიხარ? ჩამოასხი, მალე ქენი! სოლომონი გაბრაზდა; რაჟდენიას შეეშინდა. თავი ჩაჰლუნა და გუდებისაკენ გულმოსული წავიდა აბურდლუნებულ დათვივით:



— შენ გადამიშენდი მანდამაინც სოლომონ, — რა შამოჩენილი კაცი შენ ხარ?! თუ უთხარი რამე — ატეხავს ჩხუბს და ყაილას!..

ორი ჩარეჟიც შემოსდგეს. პავლიამ მიხაკიას გადაჰხედა; თვალები კატასავით უნათებდენ:

— გამოაჭყვიტე, შე უპატრონო თვალები, ხომ ხედავ ჩავწევით მუქთა კუბოში და ესაა!

დაზგასთან იდგა მაღალი ტანის, ცოტაოდენ მოხრილი და სანადირო მიმინოსავით მხრებ-აწურული მოხუცი სოლომონ წულუკიძე, ჭიქით ხელში ესალმებოდა ახალგაზრდებს. თეთრი, თუთუნის ბოლით შემოყვითლებული და სოლივით გრძელი წვერი დილით შამოეკრიჭა სახეს უმშვენებს არწივივით მაღალი ცხვირი. წერწეტს წელზე შემოუკრავს მამა მერაბისეული ვერცხლით მოჭედილი ქამარ-ხანჯალი. თეთრი ჩოხის სახელოები აუკაპიწებია იდაყვამდე, მხარზე გადუგდია აბრეშუმის ყაბალახი.

სოლომონი ახდენს ჯერ კიდევ ჯანიან კაცის შთაბეჭდილებას, თუმცა წელში შესამჩნევად მოხრილა, თმა სავსებით გასთეთრებია და თვალებს შეჰწნელებიათ ახალგაზრდური, პირვანდელი შუქი...

გაისმა არღანის ხმა. რაჟდენიამ წინსაფარი გაისწორა და მიძუნძულდა კარებზე: იქნებ ჩემს დუქანში შემოვიტყუო ბიჭებიო. ცმაცურობდა ილიმებოდა და ამ ღიმილში იყო თქმული: „თქვენ გენაცვალოთ ბიჭებო ჩემი თავი“-ო. სხვებიც ცნობისმოყვარეობას წაელოთ; მოჰქროდა ფოჩვებით და ეჟვნებით გამოწყობილი ეტლი, ფარნებში მუხის, ელის რტო და თავნაყარი სიმინდი ჩაერჭოთ. ეტლში ისხდენ ყელგულშეხსნილი ბიჭები შავ სატინის ხალათებში უქამროთ; ყავისფერი, ფართო შარვლები. შითელ ყელიანი წინდები; მესტები... ირწეოდენ ნამთვრალეები, ჩოხრებული ახალგაზრდები; ვერ იმაგრებდენ წელს, იზლაზნებოდენ და არღანის „პესნას“ გაჰყივოდენ... გაიეღვა ბირჟასთან სიავით, სიმრუშით და ავაზაკობით სავსე თვალემა...

— ცვარია! დაიძახა პავლიამ.

— ნიავი! უპასუხა მიხაკიამ.



— ქოცოია! შეჰნიშნა მესამემ... ესენი იყვნენ ნაციმ-  
ბირალი ხალხი, თავზე ხელაღებული.

მიუხედავად იმისა, რომ რაჟდენია შეხვდა მათ პირ-  
მოთნე ღიმილით, ხელების შლითა და „ვოზდუშნი პოცე-  
ლუით“, — მაინც ვერ შემოიტყუა ისინი და შეჩერდენ არა  
რაჟდენია რუხაძის სამიკიტნოში, არამედ ამბაკო კუჭა-  
ვასთან.





## უ ღ ა ბ უ რ ო ბ ა

თენდებოდა ღამეები და იზრდებოდა იულონი.

ქვეყანა დაფენილიყო მთის ფერდობზე; შარა გზა გადასჭრიდა ამ ქვეყანას, ხოლო შარა გზის ორივე ნაპირას ხარობდა ჟოლის ხეები, ტყემლები და ყოველგვარი ხეხილი.

წნელის ღობეებში მიმოფანტული იყო ფაცხები, ფიცრული სახლები, თავლები, ძროხა, ძაღლი, შინაური ფრინველი.

შორს მოსჩანდა ტყე; ის იდგა უძრავად და კარგ დარში მუჭი ფერით გამოეყოფოდა ცას.

სოფლები თავისთავად ცხოვრობდნენ: მიმოდიოდნენ დღე და ღამ შარაზე, ხან მხიარულები, ხან გაჯავრებულნი.

დიღ-დიღობით და საღამოობით ჰყიოდნენ ერთად მამლები, ჰყეფდნენ ძაღლები, ბლავდა ნახირი და დედაკაცი უყიოდა შორიდან დედაკაცს;

ყველაფერი ეს იყო ამ მხარის და თუ ხანდახან შორიდან ამოიჭრებოდა ურმის ჭრიალი, ისიც ამ სოფლის იყო, მოხობავდა ღამიდან, ძლიერდებოდა და შემდეგ ერეოდა დაღლილ სოფლებების საუბარს, უეცრად რომ გათავებულყო რომელიმე ეზოში.

საღამოვდებოდა ერთხელ, როდესაც ფერდობის მეორე მხარეშიაც იყივლა მამალმა. იულონი შეკრთა და სახლისაკენ მოჰკურცხლა; ის სრულიად ბავში იყო და გაეგონა: პატარებს ტურა შესჭამსო;

მირბოდა და ესმოდა შორეული მამლის ყივილი; ამავე დროს ცას მოსწყდა ვარსკვლავი და სანამ ჩაინთქებოდა ტატნობს მოხრილ ხაზად გაევილო;



ხაჩმა გაანათა და ჩაჰქრა. იულონმა პირი დაალო: ჩამქრალიყო მამლის ყივილიც და ბავშმა იფიქრა: უთუოდ მამლის გატყორცნილი ყივილი იყო ცაზე რომ გაანათა და ჩაჰქრა, მას კი ვარსკვლავი ეგონა.

მაინც მირბოდა იულონი.

მამლის მაგივრად ეხლა შორეული ძაღლის ყეფა შემოესმა და უფრო შეშინდა. გულგახეთქილმა შეირბინა ფაცხაში. იქ დაენტოთ ცეცხლი, შემოსხდომოდენ ირგვლივ კერას, სწვავდენ სიმინდს და საუბრობდენ ხმამალლა. დიდები ისე მხნედ იცინოდენ ხანდაზმით, რომ იულონი დამშვიდდა და გონებაში კიდევ დაემუქრა შორეულ მამალსა და ვარსკვლავს, რომელთაც ცხადია რალაც კავშირი ჰქონდათ ტურებთან.

დიდები ეწეოდენ ჩიბუხს. დიდები ათბობდენ საჭამადს და ქალებს დასწითლებოდათ ლოყები და ფეხები.

იულონი მიუჩოჩდა პატარა ჩატუს და საიდუმლოდ გაანდო თუ რა შიში ნახა

ჩატუ იულონის უფროსი და იყო.

— შე სულელო—ჩურჩულითვე უპასუხა მან—ფერდობის გაღმა სხვა სოფელია და სოფელში მამლები იყივლებდენ. —

— სხვა სოფელი? მატყვილებ ჩატუ! —

მაშინ ჩატუმ გაიცინა:

— შენ მართლა არაფერი გცოდნიაო. —

ჩატუს თვალები მიელულა. ცეცხლის ტკრციალში ისმოდა თავლიდან ნახირის ბაკუნი. ბოლავდა ცეცხლი. დიდები არ ხუმრობდენ; საუბარი გათავდა და სიცილს მოეკიდა რული.

ეზოში გაყუჩებით იდგა ღამე.

ამდენხანს ეს ღამე მხოლოდ ამ სოფლისათვის მოდიოდა, რადგან სხვა სოფელი არსად იყო და ეზოს ძაღლები მას არ ერჩოდენ. მაგრამ დღეიდან ეგევე ღამე მოდის იმ სოფლისთვისაც, რომელიც ფერდობის მეორე მხარეზეა და ვინ იცის, იქნებ იმ სოფლის ღამეა ეს.



იცვლებოდა დროები დაუდგრომლად: ზამთარი, ზაფხული, გაზაფხული, შემოდგომა. დროების ცვალებადობისა სოფელ ღრუწიფელას არაფერი ეკითხებოდა, მხოლოდ მწიგნობარ დედაბრებმა, სხვა მრავალ თილისმასთან ერთად, იცოდენ ამინდის საიდუმლოების ახსნა; მაგრამ საშიში იყო მათი ღვრიე თვალები და აუშფოთებელი ღუმილი. სოფელი (ღრუწიფელა) არ ჰფარავდა თავის შიშს.

შიში მუდამ ზამთარი იყო, როცა დღის ნათელი თვალსა და ხელს შუა ილეოდა, როცა თავის ანაბარა რჩებოდენ მასლაათ შემოკლებული ღრუწიფლელები და იძულებული ხდებოდენ ყური ეგდოთ თავის სუნთქვისათვის ან ესმინათ ტურების კივილი და მგლების ყმუილი, რომელნიც გადმოდგებოდენ ფერდობზე და თავზარდამცემ ხმით, მოსთქვამდენ სოფლად ცარიელ სტომაქისა და მცირეოდენი ხემსის ვედრებას. სოფელს აჟრჟოლებდა.

იულონი სულგაკმედილი ეკვროდა ჩატუს; მას აფრთხობდა ნადირთ ღრიანცელი, ქუთუთოებზე შიშის ცრემლები ადგებოდა და მზად იყო ეყვირა, მაგრამ ბაბუას ზღაპარი შეეშლებოდა.

ბაბუამ სულდათქმით იცოდა ლაპარაკი და ლაპარაკის დროს თვალებს ატრიალებდა და ხმას იცვლიდა; და რამდენჯერაც არ უნდა დაეწყოთ თავის ერთად ერთი, ბაყბაყ დევების შებმის ზღაპარი, იმდენჯერ იცვლიდა ბაბუა გამომეტყველებას და მსმენელთ ეგონათ ახალი ზღაპარი და ისმენდენ სიამით.

გარედ თოვლი იდვა;

არავინ გადიოდა გარედ;

მხოლოდ მონადირენი კვალავდენ ველურ ტახებისა და შველების საჯილაგოს. მათ მისდევდა ყურშა, დამარცხებულ ნუკრისათვის გასისხლიანებულ ტუჩზე რომ ეკბინა, ან სულწასულ წკმუტუნით რომ აელოკა შველის გაყინული, ბალახისფერი თვალი.



ღრუწიფელაში მოულოდნელად ჩნდებოდა ზეცა მრგვალი და გულკეთილი. შიში მკრთალდებოდა ნელა და როცა ტყის წვეროზე დაინახავდენ მზეს, არ იყო შიში სრულებით და იწყებოდა ჟრიამული.

### III

ურმის თვალი იფლებოდა უყე ნიადაგში და ლეგა ხარები მიიბეკნიდენ ფერდობს. იულონი იჯდა ურემზე.

გამოჩნდა ჯერ კვამლი, გაისმა ძაღლების ყეფა და შემდეგ გაიშალა მეორე ისეთივე ქვეყანა, როგორც ღრუწიფელა, მხოლოდ ამ მეორეს სოფელი ნაეშვარი ერქვა.

იულონმა ერთბაშად დაინახა და ერთმანეთში აერია: დიდი ნაცრისფერი ნაგაზი მათკენ ყეფით რომ მორბოდა, თეთრწვერა ბერიკაცი, რომელიც ყანას ჰკათავდა და ჩალას სწვავდა, შორით ტყე — ზედმეტად ჩაფიქრებული, დინჯი და ძაღლივით რომ არ ხტოდა, ქვევით დიდი ტბორი, შემდეგ ქოხები, პირუტყვები და ისევ ტბორი, თვალუწვდენელ მანძილზე ვერცხლისფრად მბზინავი.

თვალის დახამხამება ვერ მოასწრო იულონმა, ნაგაზი რომ მოვარდა და ფეხებში ეცა:

— ვაი — იყვირა ბავშმა და სანამ იყვირებდა — გაიფიქრა: აქ სხვანაირი ძაღლები სცოდნია, ძალიან მარჯვე ძაღლებიო. —

ფეხში ბასრი კბილები იგრძნო, ეტკინა, ბაბუასკენ გაიწია. ბაბუამ შემოუტია ძაღლს, იქით თეთრ წვერამ დაუცაცხანა და უეცრად, ნაცრისფერი ნაგაზი ჰაერში გადაბრუნდა, მწვანე კვამლი, მალლა რომ მწყობრად მიემართებოდა — აირია, ტყე დაფეთდა და ვეებერთელა მუხები ულაყებივით ჩაცვივდენ ტბორში.

— ნუ გეშინია ბაბული, ნუ... — ჩასძახოდა იულონს ყურში ბაბუა.

— დამწვარი ლობიო დაადევი და დაუამებს. —

— დასაამებელიც არაფერია, ამხელა ვაჟკაცია. —

იულონს გული მოუვიდა: — მისთვის ეკბინა, დასაამებელი თუ არ იქნებოდა ვნახავდი! — შერცხვა იულონს, ივაჟკაცა და დამშვიდდა.



ხანგამოშვებით ნატირალ თვალით ქურდულად დაიხედავდა ნაკბენზე და ბაბუა ეკითხებოდა:

— ხომ არ გეწვის ბაბული? არაფერია ბაბული, არაფერი! —

თეთრ წვერა კაცი ისევ ჩალას სწვავდა და მის მოძრაობას თვალს ადევნებდა, ცეცხლის პირას ამპარტავნად გაწოლილი ნაგაზი. იულონი მტრულად უცქეროდა ნაგაზს, შემდეგ ბავში გაერთო: ტყე თავის ადგილას იდგაცის ქვეშ, შორს ტბორი მიდიოდა და გულზე დაფენილი მიჰქონდა თავისოდენა ცა.

„იჰ, არაფერი უცნაური! ტყვილა აებურდა თვალი პირველად და ძალს აკბენია, მხოლოდ ეს არის — ნაეშვარი ჰქვია“.

იულონს თითქოს ენახა ოდესღაც ეს სოფელი ნაეშვარი და ეხლა მოაგონდა: ქოხები, ტყე, ფერდობი...

— ჰეი ბაბული, რა მაზიდები იცის იმ ტბორში რომ გაცოდინა — ამბობდა ბაბუა სინანულით და დანატრეხით, თითქო უნდა სთქვას: — ვისაც ჩემი სიჭაბუკე არ უნახავს, მას ნუც ჩემი სიბერე ანახოს ღმერთმაო — იმ ტყეში კი — განაგრძობდა ბაბუა — ალები ბუდობს და ტყის კაცები დაბადუნობენ; კარგი ფეხმარდი ბედაურის იმედით თუ შეიბედება და ისიც დღისით ბაბული..

#### IV

ნაეშვარსა და ღრუწიფელას შორის გაზაფხულობით გაეფინებოდა ჩითის ზეცა, ფერადი და სათნო, სწორედ ისეთი, როგორსაც კაბად ატარებენ ლამაზი პატარძლები, ხოლო საღამოობით, როცა შაშვები და იადონები მოჰყვებოდნენ გალობას — ზეცა იწყებდა რხევას და ჩამოდიოდა დაბლა.

ეზოებში ანთებდნენ ცეცხლს, უკრავდნენ ჩონგურს, დაირას და ცეკვავდნენ. გოგოების ვნებით სავსე სიცილი ისმოდა შორს.

ხშირად ბერიკაცები, მხიარულება რომ არ შეწყვეტილიყო ყავარჯენს განზე გადააგდებდნენ და მოჰყვებოდნენ ცეკვას.



დღისით ქალები ჰკრეფდენ ჟოლის ფურცელს და ჰკვებავდენ ყაჭს; მამაკაცები ამ საქმეში არ ერეოდენ.

აბრეშუმის ჭიები მწიფდებოდა თანისთან და ბოლოს შემოიქსოვდენ ტანზე ქულას და კვდებოდენ შიგ ქულაში.

ამ დროს სოფლის შარაზე გამოჩნდებოდა ხუმარა მენოშეს ჭლე ცხენი და ზედ ცხენზე თვით ხუმარა მენოშე.

— უი მენოშე, მენოშე! შენი სიკვდილი ვნახე მაინც და მაინც; მოდი, მოდი.

მენოშეს ფეხით მოსდევდა ძე მენოშესი, ახალგაზრდა არონი: მაღალი, პირ-მკრთალი, ელვარე წვერ-ულვაშიანი, ბეჭებში ოდნავ მოხრილი და სუსტი.

— გიტირე მენოშე მაინც და მაინც, მოდი, მოდი.

მენოშეს არაფერი სწყენოდა:

— შენის ეშხით, მართლა დროზე უმდა მომვკდარიყავ ღვთის მადლმა.

— უი, მეარშიყება ქალო, მეარშიყება ჰა-ჰა-ჰა.

— ჰა-ჰა-ჰა.

მენოშე შედიოდა ეზოებში, სახლებში; მას სიცილით ეგებებოდენ ქალები და ეხუმრებოდენ. ხანდახან არონსაც ეხუმრებოდენ ქალები, დასცინოდენ, მაგრამ უხალისოდ რადგან არონი ყურადღებას არავის აქცევდა და არასოდეს არ იცინოდა; ის სჭამდა პურს, ნიორს და ნივრის სუნი ასდიოდა.

— მოისპე არონ, მოისპე... კოცნა მინდოდა, მაგრამ როგორ გაკოცო ნივრის სუნიანს? —

— ოლონდ დღეს მაკოცე და ხვალ დავიბან...

არონის ხუმრობა, ხუმრობას არ ჰგავდა და სიცილს არ იწვევდა; ხუმრობა არ იცოდა არონმა.

მენოშე ბაღდადის მანდილით იწმენდა ოფლს და ხსნიდა საწვრილმანოს: ფერად თვლიანი საყურეები, სათითეები, ქინძისთავეები, ნარმა, ჩითი.

— რა ლამაზია ქალო, რა კარგია — პეპლებიანი.

— ღვთის მადმა, ღვთის მადმა, აღონაი... — განუწყვეტლივ ისმოდა მენოშეს ყაყანი, ქალებს გულზე ჩითს აზმანებდა და თითქო შემთხვევით, თითს მკერდზე გაჰკრავდა; ქალები იცინოდენ გულამოსკვნით.



მიდიოდა ღამეები.

მენოზე ჰყიდა საწვრილმანოს, სამაგიეროდ ლებუ-  
ლობდა აბრეშუმის პარკს, დაფნის ნაყოფსა და ფოთოლს  
და თან პირზე დუჟი ადგებოდა იმის მტკიცებაში, რომ:

— აგებს ხათრით, ხათრით მოსდის ზარალი; ვერ ულა-  
ლატებს ნაცნობ ქალებს და მათის ეშხით კიდევ ბევრჯერ  
გაკოტრდება, მაგრამ ცოლ-შვილი რომ ელუპება — ეს  
აწუხებს. —

მენოზე ტვირთავდა ცხენს და სამივე: მენოზე, მენო-  
შეს ცხენი და ძე მენოშესი არონი — გადიოდენ სოფ-  
ლიდან.

## V

იულონი გაიზარდა გრძელ მკლავა და ზანტი. თექვს-  
მეტი წლისამ დაიარა ტბორი ჭვილდით, ბადით, ანკესე-  
ბით და ვერ სცილდებოდა ტბორს.

ტბორში დიდრონი, ქვირიტიანი მაზიდები ბუდობდა,  
შავი ღლავეები იქნევდა ბოლოს და ღიაში ჩამძვრალი კობ-  
რები კვნეტდა ლაქაშის ძირს და მაშინ ლაქაშის წვეროები  
ირხეოდა ტბორზე.

იულონს ანკესები გადაეყარა და ჩრდილში წამო-  
წოლილს, ვეებერთელა თევზის დაჭერის სურვილი მოს-  
დიოდა.

მზე გადახრილიყო დასავლეთით.

თვალუწვდენელ მანძილზე ჩუმად და უძრავად და-  
ლაგებულ დასიცხულ გარემოს ოშივარი ასდიოდა. მცი-  
რედხანს იულონიც გარემო იყო — სუნთქვა შეკრული  
და გაბრუებული; უეცრად ანკესი ღონივრად შეირხა,  
დაიძაბა, იულონს გონებაში აზრები დაუტრიალდა და  
გარემოს გამოეყო:

— ღლავი თუა! — გული აუფრთხილდა.

თევზი იზნიჭებოდა ღრმა ტბორში და ტალღებს ის-  
როდა. იულონმა თეთრი მაზიდა ამოაგდო ნაპირზე; ხელ-  
ში აიღო, თვალთ ასწონ-დასწონა: ძალიან იამება თუ  
არა ბაბულისო! — უთუოდ იამებოდა, დიდი იყო თევზი.  
მაგრამ იულონმა მაზიდა უგულოდ გადისროლა ჩრდილში



და შეუმჩნეველად ჩაფიქრდა: „სწყურია! სწყურია, რადგან ბოსტანში, სადაც გრილი კიტრები ეგულვება, ყოველ საღამო ზანს გაისმა სიმღერა. უთუოდ ქალი მღერის:

„მინდორში დევს თეთრი ქვა, დავკარ ხელი არ ამყვა“.

ამაზე უფრო მარტივი სიმღერა არავის გაუგონია, მაგრამ იულონს რატომღაც სისხლი უჩქროლავს ძარღვებში და ტანში ჟრჟოლა უვლის. წკრიალა და სურვილით სავსე ხმა კი, თითქო სუნნელოვან ბაგეებს ძალით უსხლტებაო, თრთის და რეკავს, ვილაცას დაეძებს, როგორც იადონი იადონს ისე უხმობს ვილაცას და ღონდება.

იულონიც ღონდება: ამ საღამოს არ ისმის სიმღერა!

მზე დაეშვა. ნიავი ამოიჭრა და აახმაურა ლაქაში.

იულონი ზანტათ წამოდგა, ანკესის ტარები მიწაში მაგრად ჩაასო და გაემართა.

წნელის ღობეს ქურდული ნაბიჯით მიუახლოვდა და ბოსტანში გადახტა.

ერთგან ტალავერივით გაემწკრივებიათ სარები; მოსჩანდა მალლა ასული, წყლიანი სოფლები და მიწაზე მწვანე კიტრები.

იულონი ფრთხილად დაიხარა; კიტრს ხელი მოსდო მოსაწყვეტად, მაგრამ ვილაც უხილავმა ჰაერში სახრე შეათამაშა და იულონს ზურგზე დაჰკრა. სიმწრით კინალამ დაიკვნესა იულონმა.

„სახეში არ დამკრასო“ და უკან არ მოუხედია, მოსხლტა, მოჰკურცხლა.

„მიცნეს თუ არა ნეტავი? აი, ქურდობაზე დაჭერა!“ ფიქრობდა იულონი.

— ქურდი არ გაუშვათ, ქურდი. — უეცრად გაისმა ქალის ნაცნობი, წკრიალა ხმა — სახრემ დაათრთხო, ჰა-ჰა-ჰა! — დაცინვით იძახდა ქალი და კისკისობდა.

იულონი შესდგა; შეყოყმანდა ქალს მიუახლოვდა:

— შენ მღერი აქ საღამოობით? მგალობელსაც რომ იადონი ჰგონიხარ და მეც? — ახალგაზრდა ქალი დაცინვით იღიმებოდა და თვალები მაცდურათ უელვარებდა:

— სიტყვას ბანზე ნუ ისვრი; ჰო კარგი, კარგი, მაგრამ ეს კიტრი რაღა გეგონა? აჰ? ან ის სახრის გადამრტყმელი



ვინ გეგონა? უთუოდ შამაკაციც მოგელანდა და ამიტომ მოჰკურცხლე...

იულონი მიხვდა: — კიტრებთან ხუმრობით მახე მოუწყვიათ და სახრეც მან გადმოსტყორცნაო, მაგრამ ამ წუთში ეს არ აფიქრებდა მას.

— რა გქვია გოგო მითხარი! — ეკითხებოდა აღელვებული იულონი.

— წადი, მოჰკურცხლე, თორემ მალე მამა მოვა და ცოცხალი ვერ წაუხვალ — დაცინვით გაუმეორა ქალმა. შორიდან ვილაცამ ბოხის ხმით დაიძახა:

— პელო, ჰეი...

— აქა ვარ მოდი, მოდი — პასუხი გასცა ტახილზე ქალმა და იულონს მიუბრუნდა:

— აბა, მოჰკურცხლე, დედაბერივით მიუჯექი ანკესებს.

ქალი მიბრუნდა:

„მინდორში დევს თეთრი ქვა...“ მღეროდა პელო და მის ხმაში დღეს მეტი სევდა კრთოდა. იულონი იდგა დაღონებული და სიმღერას ყურს უგდებდა; ბოლოს გაჯავრებით შემობრუნდა და ბოსტანიდან ბურღღუნით გადმოეშვა. ანკესები დაამტვრია და თევზები ტბორში გადაჰყარა.

დაეშვა ბინდი.

სახლისაკენ მიმავალმა იულონმა ბოსტანთან ყური მოჰკრა პელოს სიცილს; ბოხი ხმა კი სიყვარულით არიგებდა:

— გაგონილა შე ანცო ვაჟკაცის ასე შერცხვენა? —

— არა მამა, რომ გენახა როგორ გარბოდა...

იულონი ბოსტანს გაშორდა. პელოს დამცინავი ხმა განუწყვეტლივ ჩასძახოდა ყურში: „დედაბერი, მეთევზე“. და მაშინ იულონი გაბრაზებით იქნევდა თავს და მუშტებს ჰკუმშავდა.

— მონადირე — მოდის, მონადირე! — მხიროლად დაიძახა ბაბუამ და იულონს მიეგება, მაგრამ მალე გაოცებული შესდგა:



— ანკესები რა უყავი ბაბული, აჰ? რამ დაგალონა!  
ენა ამოიღე ბაბული! — თითქმის მუდარით დაიძახა ბა-  
ბუამ.

ეზოში ჩატუ ძროხას სწველიდა და ათქვირებული,  
წამოწითლებული სახით ეჩხუბებოდა საბას, იულონის ამ-  
ხანაგს, რომელსაც ხბო დაეჭირა და თითქო მონდომებუ-  
ლი იყო მეწველთან არ გაეშვა, ნამდვილად კი, ხბოს უშ-  
ვებდა, თვითონაც ხარხარით მისდევდა ხბოს და აჯავრებ-  
და ჩატუს.

— მოდით, ჰკითხეთ რა მოუვიდა ამ კაცს! — დაუძა-  
ხა ბაბუამ ჩატუსა და საბას. მათ სიცილი შესწყვიტეს და  
იულონს შემოეხვიენ:

— ვერაფერი გინადირნია? —

— ანკესები? —

იულონმა უხალისოთ გაიქნია თავი და დარდიან კა-  
ცივით ამოიოხრა:

— ვერაფერი ვინადირე და ანკესებიც დავამტვრიე;  
მეტს არ ვითევზებ — ამ დღიდან იულონი დალონდა.

ბაბუამ მწიგნობარი დედაბერი შეუჩინა იულონს და  
ისინი დღე მუდამ ბუტბუტებდენ შელოცვებს; იდუმლად  
ამთქნარებდენ და სწყევლიდენ სნეულებას, მაგრამ არ  
შველოდა მუქარა და მაშინ „სახელის სახელითა“ დედა-  
ბრები იწყებდენ ცბიერებას.

ცხრა სხვადასხვა შელოცვა სცადეს დედაბრებმა და  
ცდა იყო ამაო.

— ჰაი, ჰაი — მწუხარებით იქნევდა თავს ბაბუა.

იულონი გახდა.

მთელი დღეობით ხმას არ იღებდა, მხოლოდ დროგა-  
მოშვებით, როცა საბა ჩატუსთან სალალობოდ მოვიდოდა,  
იულონს ამჩნევდენ კრთომას, თითქო უნდა, საბას რალაც  
ფარული გაანდოსო, მაგრამ წითლდებოდა და იბნეოდა,  
შემდეგ საჩქაროდ იღებდა თოფს და მიეშურებოდა სა-  
ნადიროდ.



უხალისოთ მისდევდა მონადირეს ძალლი აფთარა.

მონადირემ დუმილით აიარა ფერდობი, სოფელ ნაე-შვარში სვლა შეანელა და ერთგან სრულებით გაჩერდა: ჯიბიდან კვეს-აბედი ამოიღო და სანამ ჩიბუხს გააჩაღებდა, ეზოს ჩუმ-ჩუმად დაუწყო ზვერვა.

ლამდებოდა. ეზოს გადაღმა, გაძარცულ ბოსტანში ქარის ყოველ მოვარდნაზე ირხეოდა კენტად დარჩენილი ზაფნარა, ხოლო ეზოში, გაშიშვლებულ ლელვების ძირას წამოწოლილი იცოხნიდა ნახირი. ფიცრულ სახლს ქარისათვის ზურგი შეექცია და სთვლემდა; სახურავიდან ზანტად ამოდიოდა ბოლი.

მონადირემ თვალი მოჰკრა ქალის სახეს, წამით რომ სარკმელში გამოჩნდა და მიიმალა.

— პელო — ამოსუნთქვით წარმოსთქვა მონადირემ და დაღონებული, უფრო დაღონდა; ფეხაკრეფით გაშორდა სოფელს და ჩაინთქა ტყეში.

— რა გაცინებს შე ანცო? —

პელო სიტყვას ვერ ამბობდა, იცინოდა დაუსრულებელივ და მიზეზი ვერავის გაეგო; მხოლოდ ეს არის სარკმელში გაიხედა და სიცილი აუტყდა.

— ნეტავ რა მოელანდა? ჯვარი აქაურობას — მამა მისი ადგა და სარკმელში გაიხედა: შორს ვიღაც მონადირე მიდიდოდა.

— ჰო, რაო? რა ყოფილა ძია ნიკო? — ერთხმად იკითხეს პელოს ტოლებმა, რომელნიც პელოს აპყოლოდენ და სიცილს ვერ იმაგრებდენ; ნიკო შეექვდა, გაუჯავრდა:

— აი, უშვერი სიცილიც ეს არის! — მაგრამ წყრომამ ვერ გასჭრა და ნიკომაც გაიცინა;

— დედა ნუ მომიკვდება არაფერი... მომაგონდა რაღაც... — ცრემლების წმენდით ამბობდა პელო და ისევ იწყებდა სიცილს, თვალს ნაბავდა, გული უცახცახებდა და ტოლებს მკერდზე ეკვროდა; სიცილისაგან ქალებიც წელში ირხეოდენ და პელოს ახლო ეფინებოდენ.



იმ ღამეს პელომ და მისმა ტოლებმა მარილ-კვერი გამოაცხვეს და შესჭამეს. ძალიან სწყუროდათ, მაგრამ წყალი არ უნდა ესვათ, სულ ერთია, დაიძინებდენ თუ არა — მოვიდოდა მათი საბედო და წყალს ასმევდა. ბუხარი მწვანე ალს ისროდა და სახლს ანათებდა, თუმცა უკანასკნელი მკვარი დამწვარიყო. გოგოებს არ ეძინებოდათ:

— ფხუ... ფხუ... დედააა წყაალი.

— ჰაჰაჰაჰა, სუ შე ალქაჯო.

— იულონი გადარეული....

ნიკო ჯავრობდა და იმუქრობდა:

— დაიძინეთ თქვე გასაწყვეტებო, თორემ ცხონება ჩემს სულს, მე თქვენ გარედ გაგყაროთ — შემდეგ მუქარას თავი დაანება:

— ოლონდ დამაძინეთ და თქვენ, თუ გინდათ სულ იცინეთ.

ბუხარში ნელი წივილით იწოდა შეშა და შეშაზე შელოცვილივით ინთებოდა და ჰქრებოდა მწვანე ალი.

ნიკომ დაიძინა; გოგოები დაცხრენ და ოთახი აივსო თილისმით.

პელოს არ ახსოვს როგორ ჩაეძინა:

ტახტზე წევს, მღერის და საბედოს მოლოდინში დალალებს ივარცხნის. მალე გამოეცხადება საბედო; პელო მორცხვად გაიღიმებს და თავჩაღუნული მიესალმება; პასუხსაც თავჩაღუნული გასცემს, რადგან მამაკაცზე თვალის მიშტერება პატარძალს არ შეფერის.

მალე გამოეცხადება, მალე! ქალს გული უცემს.

„აღმოსავლეთიდან მოვა, თუ სამხრეთიდან ნეტავი? — პელო სიმღერას სწყვეტს და სარკმელში იცქირება, სასიძოს მოსვლა რომ არ გამოეპაროს;

— ახ, იულონ გადარეული! — მუდამ ამ დროს ღადის სანადიროდ; ეხლაც ეზოს წინ დგას და ჩიბუხს აბოლებს.

პელო თვალს ადევნებდა მონადირის მოძრაობას; იულონი ეზოში შემოვიდა და ბოსტანისაკენ გაემართა:

„ნეტავ რა დარჩენია ბოსტანში ამ გადარეულს? თუ ზურგზე სახრე მოენატრა ისევ? ან იქნებ საბედოა?



პელო მოწყენილი იცქირებოდა სარკმელში, მაგრამ ბოსტანი უკან იყო და მონადირე არ სჩანდა; ოთახშიც ბნელოდა და სწუხდა ქალი.

უეცრად სახლის კედლები ნელა შეირხა, მალლა აიწია და ჰაერში დადნა.

განათდა ირგვლივ.

იულონს ზაფრანა მოეწყვიტა და პელოს აწვდიდა, თან ისეთი მუდარით იღიმებოდა, რომ პელოს სიბრაღულით აევსო გული:

— ჩამოვართვა თუ არა? — ფიქრობდა ქალი; ყოყმანობდა, ხან იულონს ახედავდა ქვეშიდან და ხან ყვავილს, ამ დროს ერთმა უცნობმა ვაჟკაცმა აივანზე ცხენი მოაგდო და ხმამალლა დაიძახა:

— პეი მასპინძელო!

პელოს გაეხარდა, უნდოდა უცნობი სახლში შემოეპატიჟებია. მაგრამ ვერ მოასწრო...

— ვაიმე დედა! — იკივლა მან და გამოელვია.

— რა ამბავია! რა ამბავია! — ეკითხებოდნენ პელოს შემკრთალი პატარძლები.

პელო ჯერ კიდევ ბურვანში იყო და აზრი ვერ მოუკრიფა, მერე სიზმარი მოაგონდა და ატირდა:

— სახლში მოპატიჟებაც ვერ მოვასწარი — სლუკუნებდა ქალი — იმ გადარეულმა თოფი მოიგდო, უცნობს ხელიდან ჩაფი გაჰვარდა, ჩემს ფეხთან დაიმტვრა და წყალი დაიღვარა...

გამოღვიძებული ნიკო დაღვრემით უსმენდა შვილს; ბოლოს ადგა, ფერადი ჭინჭილა წყლით აავსო და პელოს მიაწოდა:

— ჰა, დალიე შვილო, მაგრამ ესეც სიზმარი არ გეგონოს, ნამდვილი წყალია — პელომ წყალი არ დალია და პატარძლებმა გაიღიმეს.

## VII

მთელი ღამის განმავლობაში ებრძოდა მთვარეს ქარი და ჯანყში ბურავდა. განთიადზე წამოვიდა თოვლი და



ქარმა მხარი იცვალა; ჩრდილოეთისაკენ გაიჭრა; ატორტ-  
მანებდა ხეებს და მისი ბორბვა დიდხანს ისმოდა შორი-  
დან ყრუდ. ბოლოს ისიც მისწყდა.

მოდის თოვლი უხვი.

ჰქსოვს და ჰქსოვს სოფლისათვის თეთრ წინდებს; ჰქსოვს მყუდროებას, სადაც იძირება აღტაცება პირუტყვ-  
თა და კაცთა, ღია თვალებით რომ ხედავენ ზეცის გარ-  
ღვევას და ასე ახლო კრთომას ზეცისა.

ცა ჩამოდის ფიფქად და ყოველი ფიფქი საზღვარია  
საოცრების და იმდენია საოცრება, რომ არ სჩანს საზ-  
ღვარი, რომელიც შეიძლება იყოს სადმე, იქნებ ახლოს,  
მაგრამ მყუდროება ჰბოჭავს პირუტყვთა და კაცთ, და აღ-  
ტაცება სულიერთა ხდება სათნო.

ნელა გამოვიდა მონადირე ტყიდან; დათოვლილი  
შტოები გადასწია და შტოებს ქვემოდან გამოხტა აფთარა.

მონადირე და ძაღლი, — წუთით შესდგა ორივე; გა-  
დათეთრებულ მანძილს თვალი გადაავლეს. თოვდა.

ახალგაზრდა აფთარას მოეჩვენა, თითქო ტრიალი მინ-  
დორი და ზედ მინდორზე ხეები, მაღლა ჩქარა-ჩქარა ადი-  
ოდენ და ჩამოდოდენ დაბლა, თან ჰაერში ყირავდებოდენ  
და ერთმანეთს უხმოდ ენარცხებოდენ, მაგრამ საოცრება!  
მგონი ისევ უმოძრაოდ იდგენ თავის ადგილას, ვიდრე  
კვლავ მაღლა აფრენა არ მოეხალისებოდათ.

ძაღლს გამოუცდელი თვალები აებნა და კუდი ხშირ-  
ხშირად დაჰკრა მიწას. უეცრად, მის თვალწინ უზარმაზა-  
რი, ბებერი რცხილა შეიჩინა და ძაღლს თეძოზე უნდა დას-  
ცემოდა; — აფთარა მონადირისაკენ გასხლტა და მუხლზე  
მიეკრა, მაგრამ რცხილა არ განძრეულა;

მაშინ აფთარა ვერაფერს მიხვდა, მაშინ აფთარას არ  
მოეწონა გონებაში ბებერი ხის ხუმრობა, რომელიც, ვინ  
იცის თავის სიცოცხლეში იქნებ პირველად ეხმაურებოდა  
სულიერს, ისიც პირუტყვს და მაშინ აფთარამ, ხეს მტრუ-  
ლად დაუღრინა.

მონადირემ ღიმილით დახვდა ძაღლს და დაუსტვინა:  
— ჰუა აფთარააა!



გამხნევებული ძალის ყეფით წამოხტა, მონადირეს ირგვლივ შემოურბინა და ტრიალ მინდორში გაიჭრა; უკანასკნელად გამოკრთა თოვლში, გრძელ ბეწვიანი შავი კუდი და აფთარა დაიძალა. მონადირე ისევ დალონდა და დალონებული დაიძრა.

ჯერ აფთარა მიიჭრა სახლში. შინაურები სათითაოდ დალოკა, თრთვილი ბევრჯერ დაიბერტყა შინაურები აპყარა და შემდეგ მოვიდა იულონი.

— მონადირეს ვახლავართ! ყოჩაღ გაგიმარჯვია!

იულონმა უხმოდ მოიხსნა ზურგიდან ნანადირევი.

— ბედაური შველია! ჰე. ჩემო ბაბული. ჩემს ვაჟკაცობაში... — ზღაპარით მადიანად წამოიწყო ბაბუამ ძველი ამბავი, მაგრამ აფთარამ ხომ საშველი არ გაართვა? თურმე ამდენხანს ითმენდა ბაბუა ძალს, რომელიც მისდამი უყურადღებობას ვერ ითმენდა და მცირეოდენ მოფერებას მოითხოვდა; ითმენდა ბაბუა რაღაც უწესობას, მაგრამ ვერ მიმხვდარიყო სახელდობრ რას, ბოლოს მიხვდა და ერთბაშად აშფოთდა:

— დალახვროს ღმერთმაო! და ძალს მუგუზალი დაჰკრა.

იულონმა გაიღიმა; საბაც აქ იყო და ჩატუმ და საბამ გადიხარხარეს, ბაბუას აზრი გაუწყდა და ამის შემდეგ, რამდენიც არ ეცადა, სათქმელი ვერ მოიგონა, ამიტომ წარბშეკრული იჯდა და დროგამოშვებით იძახდა:

— დალახვროს ღმერთმა!

იულონი დაწვა. უხალისოთ ადევნებდა თვალს შველის გატყავებას. ჩატუს ხელები სისხლში მოსვროდა; საბა იქვე იჯდა და თავდაჭერილ ჩურჩულით უმჟღავნებდა ქალს ტრფობას; ხანდაზმით, თავდავიწყებით მიაჩერდებოდა ქალს თვალებში და მიიწევდა მისაკარებლად; მაშინ ჩატუს სახეზე იფეთქებდა ალმური და ქალი თვალს ნახავდა და შველის ტყავს ბევრ ხორც ატანდა.

იულონმა ეს დაინახა და მიხვდა. დიდხანს უცქეროდა დისა და თავის მეგობრის არშიყობას, კიდევ იცინოდა თავისთვის ჩუმ-ჩუმად, მაგრამ თანდათან ფიქრები შემოაწვა:



„მინდორში დევს თეთრი ქვა“ — ვერცხლივით წკრი-  
ალებს შორს, გონების ფსკერზე ქალის ხმა და ათრთოლე-  
ბული იულონი ყურს უგდებს; ხმა ახლოვდება და ცხა-  
დია, ქალი ვილაცას ეძახის, ვილაცისთვის მიაქვს შავგვრე-  
მანი ლოყები და ვნებით დაყურსული ტანი.

ეს ქალი უნდა იულონს, უნდა ისე, რომ სული ეხუთე-  
ბა, ცახცახებს.

— ხჰა! — ღონივრად ჩაისუნთქა იულონმა, გონება  
გადალახა და ქალი ხელში იგდო; ქალი შეჰხუთა კოცნით,  
არ ახსოვს არაფერი, არ იცის არაფერი:

„ვისაც უნდა მოვიდეს, თუ სურვილი აქვს ნაჯა-  
ხი დაჰკრას და ზურგი გაუპოს, დაუმსხვრიოს ხერხემალი  
— ჯანდაბას! ოღონდ ქალს არ ევნოს რა!.. მაგრამ ქალი  
რომ დასცინის? დასცინის! დასცინის!“.

იულონი გამწარებით დაიგრიხა ლოგინში და ხმამალ-  
ლა ამოიგმინა:

— ვაჰჰა!.

ამოგმინვაზე საბა და ჩატუ ერთმანეთს უნებურად  
გაშორდა, ბაბუა კი შეკრთა, იულონისაკენ მობრუნდა და  
მოფერებით ჰკითხა:

— რაო ბაბულო, რა იყო?

— არაფერი — ყრუდ სთქვა იულონმა და ამოისუნთქა.  
ჩამოვარდა სიჩუმე; (ვეცხლი ანათებდა მკრთალად და  
იულონის ამოგმინვა და ბაბუას მოფერება ჯერ კიდევ არ  
დამდნარიყო სიჩუმეში.

— რა მომდის, რა? — უკმაყოფილოდ ფიქრობდა იუ-  
ლონი — ხან მთელი დღეობით ვდუმვარ, ხან ამიტყდება  
ოხვრა და თავს ვირცხვენ. არ მიმჟღავნებენ თორემ ყვე-  
ლამ იცის რაც მაღარდებს... დავიჯერო — ბაბუამ არა-  
ფერი იცის? მაშ, რატომ მკითხა მოფერებით: „რაიყო-  
ვო“? მკითხა და ხელათვე გაჩუმდა; რომ არ იცოდეს, სხვა  
ნაირად მკითხავდა, არ მომეშვებოდა და მიზეზს გაიგებ-  
და; იცის, იცის! ხელათვე გაჩუმდა და თავი დაჰხარა... რა  
ექნა, რა!.. — არ იცოდა რა ექნა.

სანადოროდ დადის, სადმე რომ შემთხვევით შეეყა-  
როს; მის სახლთან მუდამ ჩერდება; პელომაც ალლო აუ-



ლო და სარკმლიდან იცქირება, მაგრამ უკმეხად, დაცინ-  
ვით; ამის მოგონებაზე იულონს სისხლი თვალებში აწვება  
და კბილებს ახრჭიალებს; გრძნობს უბედურება და ტრია-  
ლდება და უნდა პელო გააფრთხილოს:

„ქალო ჩემი უნად იქნე თორემ...“ ფიქრი ვერ დაეს-  
რულებია, ქალის დამცინავი ღიმილი რომ წარმოუდგა;  
იულონი მიაშტერდა პელოს თვალებში და ქარქაშიდან  
ხანჯალს ეზიდება, მაგრამ მთელი სხეულით თრთის და  
გრძნობს: ვერ გაიმეტებს, ვერა, ვერა!

პელო კი იცინის ცივად; იულონის ტრფობასაც დას-  
ცინის, გულსაც დასცინის, რომელმაც პელო ვერ გაიმეტა  
და გაშკაცობასაც დასცინის მისსა.

სული ეფლითება იულონს: რა ჰქნას, რა!

— ქალო! — გამოცვლილ ხმით ღრიალებს და ხან-  
ჯალს იძრობს, მაგრამ პელოს თვალები ეგებება მისსა და  
იულონი უხმოდ იგრიხება ლოგინში და გამწარებით  
გმინავს:

— გაჰჰა!

— ბაბული! რა დაგემართა გვითხარი!

— ავად ხომ არ ხარ იულონ?

— რა იყო ბიჭო, სიზმარში ხომ არ იყავი?

იულონი გამოერკვა:

— აჰ? სიზმარში? არა, სიზმარში რა მინდოდა!

— მაშ, რა მოგივიდა ბაბული, რა!

იულონი გაწითლდა და დარცხვენით სთქვა:

— გავცივდი ბაბუა და მგონი უქეითოდ ვარ — მაგ-  
რამ ხელათვე გული მოუვიდა თავის თავზე და გულმო-  
სუღღმა დაიძახა:

— თავი დამანებეთ, თავი!

იულონი მეორე გვერდზე გადაბრუნდა. ბაბუა კვლავ  
ცეცხლს მიუჯდა და ჩაფიქრდა. დიდხანს იჯდა ბაბუა და-  
ღვრემნალი. ცეცხლი მიილულა.

საბა და ჩატუ სხედან კუთხეში და იქიდან ხან სიცი-  
ლი ესმის ბაბუას, ხან უნებური ამოოხვრა. ბაბუამ გაჰხედა  
მათ:



უცნაურად გასწითლებიათ სახე საბასა და ჩატუს; ცეცხლი კი მათ არ ანათებს; გარდა ამისა, შუალამე მოახლოვებულია და საბა წასვლას არ აპირებს... ერიჰა! საბა საკოცნად გაიწია ჩატუსაკენ და ჩატუმ მორჩილად დაჰკიდა თავი; საბამ ჩატუს აკოცა და ბაბუამ გულკეთილად გაიღიმა და წვერზე ხელი გადისვა; საბამ დაინახა ბაბუას ღიმილი და შერცხვა; ადგა, წასვლა დააპირა.

— მიდიხარ საბა? ჩუმად ჰკითხა ჩატუმ და უნდოდა კიდევ რაღაც ეთქვა, ან კიდევ რაღაც მოესმინა, მაგრამ საბამ თვალით „ბაბუა“ ანიშნა.

— მიბრძანდები საბა? — ეშმაკური ღიმილით იკითხა ბაბუამ.

მხიარული და გამარჯვებული საბა გაჩქარებით მიდიოდა. წუთით იულონის ამოხვრა მოაგონდა: ნეტავ რა დაემართა ამ კაცსო, მაგრამ იულონი მალე დაავიწყდა.

უსაშველოდ თოვდა და სოფელში არ ისმოდა სულიერის ხმა. ახალი თოვლი თეთრ-ლურჯად დაფენილიყო და სიარულის დროს, საბას ესმოდა თოვლის ბეკნის შრიალი.

## VIII

ორ დღელამეს თოვდა ღრუწითელაში, თოვდა ნაეშვარში. თოვდა შორ მხარეებში. გამოცდილები ამბობდენ:

— ამ ჟამად მთელ ქვეყნიერებაზე თოვს, რადგან მარეხი ჰჯდა მეცხრესა სახლსა ზეცისასა, კვლავცა ვეშაპის კუდიტურთო....

ამის მეტს გამოცდილები ხშირად არაფერს ამბობდენ, მაგრამ მათი გამომეტყველება, საგონებელში აგდებდა მსმენელთ:

— უთუოდ ცივი და ხანგრძლივი ზამთარი იქნება; ზამთარი ვაგლახისა, ძრწოლვისა და უბედურების მომტანიო.

თოვლი დაჯდა ერთ ადღზე; შემდეგ დაუბერა სხვადასხვა ქარებმა და ჩამოდგა ყიამეთი. გახშირდა ავადმყოფობა.



იულონი წევს, ავადაა. მას ჩატუ მიემატა და ბაბუა შესწუხდა.

საბა დილ-დილობით მოდის და შუადღემდე რჩება.

სიცხე აქვთ ავადმყოფთ. იულონი ბორგავს და როცა ბაბუა ამას ამჩნევს, მორჩილის ღმობირებით ბუტბუტებს: — რა დავაშავე!

ბაბუა ერთობ უხერხულად მოძრაობს სახლში და ავადმყოფს თვალებში ვერ უცქერის.

„ისევ საბა, თორემ... ღმერთმა დალოცოს — წყალს აწვდის ჩატუსა და იულონს; მათთან ტრიალებს და მათ სურვილს ბაბუას უმარტავს“.

ამას წინად ითხოვა ჩატუმ:

— ქვის ბუმბულის ზღაპარი სთქვას ბაბუამ:

ეს ბაბუამაც კარგად გაიგონა, მაგრამ იფიქრა: აბო-დებს, სიცხე აქვსო, — მხოლოდ შემდეგ საბამ დაარწმუნა: ზღაპარი უნდა ეთქვა ნამდვილად.

უწინ მუდამ დამცინავის ღიმილით იწყებდა ბაბუა ზღაპარს; იტყოდა:

— ჰე, იყო და არა იყო რა... — და დაცინვით გადახედავდა მსმენელთ, ან თუ არა გაიღიმებდა მაინც, მაგრამ ეხლა ზღაპარი დაიწყო და არ გაუღიმია. ხმა ნაღვლიანად უვარდებოდა და ბუტბუტებდა:

— ...შესძახა ვაჟს ქვამა: მოდი მეამბორე, ამეხსნება თილისმა, ისევ ბულბულად ვიქცევი და რომ დაუსტვენ, ტყიდან ერთი მზეთუნახავი გამოვა, საკენკად ვარდის ფოთლებს მომიტანს და მე, შენ მას შეგროთავო...

ამ ადგილას იულონი ძლიერ აბოგრდა და ბაბუამ ზღაპარი შესწყვიტა.

— რომელია თქვენში, რომელი — გარკვევით ამბობდა იულონი, ჩავარდნილი თვალები უელვარებდა და იღიმოდა. საბა ავადმყოფთან მივიდა; მივიდა შეშინებული ბაბუაც.

— ...მე იმას ვამბობ, რომ პელო... მე მინდა პელო, ჩემო ძმაო, პელო, პელო — ავადმყოფი მისჩერებოდა საბასა და ბაბუას, მაგრამ მათ ვერ ხედავდა და იცქირებოდა მათ გასწვრივ.



პელოს ხსენებაზე საბა გაოცდა, შეეჭვდა, მოაგონდა იულონის ყოფა-ქცევა, სანადიროდ ხეტიალი, დაუდგრომლობა და საბა მიხვდა.

იულონს თვალეები ჩაუქრა და გონების ნათელობა წაერთვა.

— როგორც სჩანს საბა, ყვავილ ბატონები მობრძანებულა — ჩურჩულით სთქვა ბაბუამ — ნინოსთან მიმეგზავნე და თხოვე მობრძანდეს.

საბა გაიქცა და სანამ დაბრუნდებოდა იულონზე ფიქრობდა; ფიქრობდა გულის სიკეთით:

— აი, სულელი! ამაზე ადვილი რა იქნება? მე მოვაგვარებ ამ საქმეს! ბიჭი არ ვიყო თუ არ მოვაგვარო. იულონი ვაშკაცი ბიჭია, უარს ვინ ჰკადრებს? ვერავინ; ოლონდ ეხლა მორჩეს! პელო, გოგოა ბროლივითო, გამიგონია მაგრამ როგორიც უნდა იყოს...

ღიმილით შემოვიდა მოხუცი ნინო, ქალი ნაყვავილევი და მწიგნობარი; ავადმყოფებს დაჰხედა და დასტურის ნიშნად გაიღიმა. ბაბუა შეკრთა, მაგრამ ბატონები რომ არ განერისხებია — შეკრთომა არ გამოაჩინა. ნინომ გამხმარ ყვავილის ძირები ავადმყოფთა სასმელ წყალში ჩაჰყარა, მერე კედლიდან ჩონგური ჩამოხსნა და ბაბუას ხელში მისცა:

— აბა, ბაბუა იაგორ, სმენა დაუამე ყვავილ ბატონებს. არაფრად იამა ბაბუა იაგორს ასეთ დროს ჩონგური, მაგრამ არც ეს უკმაყოფილება გამოაჩინა; მორჩილები იაილო და როცა ააწყო — ჩამოჰკრა სიმებს. ბაბუას თეთრი თავი დაბლა დაუვარდა; მიწის შეხებას შეჩვეული მისი თითები სათუთად მოედო ჩონგურს და ჩონგური გაისმა წყნარი და ალალი.

ყვავილების სამასხურს მიჩვეულმა ნინომ ხმა დაუდაბლა, მიმოდიოდა ავადმყოფებში სალბუნად, მისი ხელის აწევით ოთახში დგებოდა ყვავილების სურნელი და ხანდახან, გაღიმებულ ბაგეების რხევით ამბობდა დაყვავენას.

ისე კარგად უკრავდა ბაბუა იაგორ ჩონგურს, რომ სუნთქვა შეეკრათ ავადმყოფებს; სიამით ყურს უგდებ-



დენ და ამ დროს ესმოდათ, როგორ მოდიოდა ოფლი მათი  
ვე სხეულიდან.

— აქ ბატონები მოსულან იავ-ნანინაო,  
იავ, ნანა, ვარდოვ ნანა, იავ-ნანინაო — ირხეოდა ბა-  
ბუას თეთრი, აბრეშუმი წვერები; წვერებში იხლართებო-  
და გალობის სიტყვები, ჩონგურს რომ პაწია ვარდებივით  
ამოჰყავდა მის პირიდან, ხოლო ჩონგურის ხმები, აბრე-  
შუმივით მბზინავი — ეხვეოდა ბაბუას წვერებზე;

თავი დაეხარა ბაბუას და ისე იჯდა.

ნინო იღიმებოდა ბატონებისათვის და მიჰყვებოდა  
ჩონგურს, მოგზაურ ბერიკაცივით დაღლილი რომ მოსუ-  
ლიყო შორიდან და ისევ შორს რომ მიდიოდა.

ბაბუა იავორიც მიჰყვებოდა, მაგრამ არ იღიმოდა დაღ-  
ლილი ბერიკაცი; საყვედურით გასცქეროდა დუმილით  
დაყრუებულ სიშორეს, ჩერდებოდა და ყვედრებით იწ-  
ყებდა ლაღად:

— თქვენი მოსვლის გზის — ჭირიმე, იავ ნანინაო.

ჩატუ ოფლში სცურავდა... შინაურებს ჩაეძინათ. და-  
ღამდა; მხოლოდ ეს არც დაღამება იყო: დაბლიდან თოვ-  
ლი ანათებდა მალლა ცას და იდგა ისეთი სინათლე რო-  
გორც დღისით.

„...ჩატუ საბას ელოდა და ეზოში გავიდა. არავინ  
სჩანდა შარაზე. უეცრად შესახვევში ეჟენები დარეკეს;  
თოვლში ფლოქების ციმის ხმაც გაისმა მკრთალად და  
ჩატუს ახლო ამოძრავდა შესახვევიდან გამოდენილი მხე-  
დრების ლანდი. მალე შესახვევიდან გამოვიდენ უცნაური  
მხედრები და დასცეს ყიჟინა: თურქები იყვნენ. წითელ  
სახისანი, ყვავილებით მორთულნი და ჯდენ ეჟენებითა და  
ყვავილებითავე მორთულ ჯორებზე. ჯორები მხედრების  
სიმძიმით წელში იზნიქებოდენ და სასაცილოდ მითოხა-  
რიკობდენ. მხედრების ყიჟინამ და ეჟენების წკარუნმა  
მიდამო დააყრუა; ჩატუ შეაკრთო მხედრების იდუმალო-  
ბამ; ისინი თითქო ვერ ამჩნევდენ ჩატუს, ნამდვილად კი,  
ხელში ჩაგდება უნდოდათ მისი, ამიტომ ჟრიამულს აძ-  
ლიერებდენ და განგებ ხელს სხვა მხარისაკენ იშვერდენ.



ჩატუმ კარვად შენიშნა, ერთმა თურქმა მასზე რომ მიათითა; ჩატუ გაიქცა, მაგრამ თურქმა ადვილად დაიჭირა, მუშტი ნიკაპზე დაჰკრა და ველურ ხარხარით იწვევდა დანარჩენებს ჩატუს მოსაკლავად. ჩატუ კვნესოდა; ამ დროს თვალი მოჰკრა საბას; ის გარბოდა შესახვევში და ჩატუმ იკივლა:

— საბა მიშველე!

— . . . —

— ბატონებს ჩამოუვლიათ — ღიმილით სთქვა ნინომ. ჩატუს ნიკაპი გაუსივდა; ტანზე მუწუკები გამოჰყარა, სახე დაუჩირქდა, ცალი თვალი წაერთო. გაჭირვეულდა ბატონები. გაჭირვეულდა ჩატუ:

— თვალი, თვალი ბაბული — კვნესოდა გამუდმებით და როცა საბა მოვიდოდა, თავს საბანში მალავდა. იულონი გაბრუებული იწვა და დროგამოშვებით იწყებდა გაუგებარ ბუტბუტს. ჩუმჩუმად იწმენდა ცრემლს ბაბუა იაგორ.

დიდი ხანია ავადმყოფებს თავზე შემოავლეს ქოჩორა ქათმები, თათლის სანთლები და ნინოს რჩევით, ბაბუა იაგორიც გამხიარულდა, მაგრამ არათფერი გამოვიდა, როგორც სჩანს: ძალიან განერისხებიათ ყვავილები და მათი გულის მოღობვა ვერათფერმა შესძლო. მაშინ ბაბუამ ხელები მალლა აღაპყრო და თვალცრემლიანმა თავისი თავი შემოავლო შვილიშვილებს. ყველა ისმენდა ბაბუას ლაღადს. ავადმყოფებს სუნთქვა გაუხშირდათ; საბამ მწარედ დაჰხარა თავი, ხოლო ნინოს, პირმცინარი გამომეტყველება დაეკარგა და სახეზე გამოაჩნდა მორიდება და შიში.

— მე მიმიღეთ, მე! თქვენი თეთრი მუხლების ჭირიმიე! — ამბობდა ბაბუა იაგორ — ნუ ერჩით ახალგაზრდებს, დატოვეთ ისინი, რა დაგიშავეს მათ? თუ რამეთი გაგარისხეს აჰა, მე მათი სანაცვლო! — ბაბუამ ცრემლები მოიწმინდა და განაგრძო, მაგრამ ხმაში თანისთან დაეტყო გაჯავრება, ბოლოს განრისხდა და სახე გაუშრა:

— წამიყვანეთ! მე ვიყო მათი სანაცვლო თუ რაიმე დაგიშავეს, მაგრამ რას დაგიშავებდენ, რას, ასე რომ ერ-



ჩით!? ჩემთვის არაფერი დაუშავებიათ და თქვენ ვინა ხართ, ვინ!! — აქ ისევ აუკანკალდა ხმა ბაბუას და როცა, შეშინებული ნინო მივიდა და ხელი მოჰკიდა: ბაბუა იაგორ გონს მოდი, ნუ დაჰკლუპავ ახალგაზრდებსო, მაშინ დაეშვა ბაბუა იაგორ სკამზე და უღონოდ ატირდა, თან უსასოოდ ბუტბუტებდა:

— თქვენი მუხლების ჭირიმე ბატონებო... თქვენი თეთრი მუხლების.

საბა გარედ გავიდა.

## IX

დაღონებული მივიდა საბა სახლში და ცხენი შეკაზმა: — დაბაში მივდივარო.

ფაფარ აყრილი ულაცი ჯერ თოხარკით გაიჭრა და დაბეკნილ თოვლს ფლოქებით ისროდა, მაგრამ ნაეშვარის ფერდობს რომ შეუდგა, სვლა შეანელა და ღონივრად მოზნეჟილი კისერი მოუდუნდა. საბამ უხალისოთ მოიქნია მათრახი.

ნაბადი მოეგდო საბას ზურგზე და დადუმებული, თვალს ადევნებდა ცხენს, ნესტოებიდან ფშუტუნით ორთქლს რომ ისროდა.

ჰყინავდა.

მუქი საღამო უზარმაზარ ფრინველივით მოიწევდა შორიდან და ფრთების ყოველ მოქნევით, ნისლიან ცას აიძულებდა დაბლა ჩამოსულიყო.

— ოჰო — ამოოხვრით ფიქრობდა საბა და თვალში ებლანდებოდა ავადმყოფთა არეული სახეები; როცა ბაბუა იაგორი ატირდა, ნინომ საბა გაიხმო და უთხრა:

— საეჭვოა ჩატუს გადარჩენაო — ნინო გამოცდილი ქალია, მას არ უხაროდა ამის თქმა; სახეზე მწუხარება ემჩნეოდა და ბაბუას რომ არ გაეგონა, ჩურჩულით ეუბნებოდა საბას:

— შე უღმერთო, ერთი ფერადი საკაბე მაინც მიუტანე ჩატუს, იქნებ პირი იბრუნოსო... საბრალო ჩატუ! რა რიგ დაამახინჯა ყვავილმა? თვალიც წაართვა, ჰო, საკაბე! საკაბე! — აჩუ!



ცხენი გაიჭრა. უეცრად საბამ დაინახა პელოს სახლი და იულონი მოაგონდა: წუთით შეყოყმანდა, მერე ცხენი სწრაფად შემოაბრუნა, აივანზე მიაგდო და დაიძახა:

— მასპინძელო!

სანამ პასუხს გასცემდენ საბა თავისას ფიქრობდა: დაბა ახლოა. მენოშეს ამ საღამოსვე გამოართმევ კაცი საკაბეს და ხვალ დილით აქ იქნები. იულონს კი, ეგ საქმე გაახარებს მოარჩენს...“

სახლიდან პასუხი არ ისმოდა და საბამ უფრო ხმამაღლა დაიძახა:

— მასპინძელო!

როგორც სჩანს ეხლა გაიგონეს ჭახილი; ამოძრავდენ, პელო სარკმელთან მიიჭრა:

— უიმე! მოვიდა, მოვიდა! — გულისძგერით დაიძახა ქალმა.

— ვინა, ვინ!

— ის არის, ის, სიზმარში რომ გამომეცხადა საბედო!

ნიკო გარედ გამოვიდა და სტუმარი შეიპატიჟა. სტუმარი შეჰყვა. სტუმარმა პელო დაინახა და გაოცებული შესდგა. ქალი იდგა მის წინ დარცხვენილი და დაბალი ხმით სთხოვდა დაბრძანებას.

საბა დაჯდა. დაჯდა ნიკოც და ჩიბუხის წევით ელოდა, რას ეტყოდა სტუმარი. სტუმარმა კი არ იცოდა რა ეთქვა: არ იცოდა საიდან დაეწყო, ან რა დაეწყო. ცხადი იყო: პელოს დანახვამ განზრახვები აურიო და თვითონაც აირია; სურვილი ჰქონდა იულონის საქმე გაეკეთებია, მაგრამ ეხლა ამის სურვილი არა აქვს. ქალმა ერთი შეხედვით მოჰხიბლა და მოინადირა:

„თუ ოდესმე ქალი შემირთავს, ეს ქალი უნდა შევირთო“ — არეული ფიქრობს საბა და განსაკუთრებით მწვავედ აგონდება ჩატუს დაჩირქებული თვალი, ფარულ ზიზღს რომ ჰგვრის მას; შემდეგ აგონდება იულონის ვაშკაცური სახე და რატომღაც ისიც აგონდება, რომ იულონის გულის ნადები არავინ იცის.

„ვინ დასძრახავს საბას პელოს შერთვისათვის? ჩატუ?“



მახინჯს ხომ ვერ შეირთავს? არა, პელო უნდა შეირ-  
თოს!“.

— დიდი თოვლი დაჯდა წელს... — ამბობდა ამ დროს  
მასპინძელი და წინანადება არ გაეთავებია, სტუმარმა რომ  
განგებ ჩაახველა და სიტყვაზე შეეცილა:

— ნიკო — დაიწყო საბამ. პელო სხვა ოთახში გავიდა.

## X.

ბაბუა იაგორასას ბუხარი მიმქრალიყო.

ბნელოდა გულისშემალონებლად, როგორც მუდამ ზამ-  
თარში, როცა დღე და ღამე ერთმანეთს ეყრება და ღამე  
ჯერ არ დამდგარა, მაგრამ ილევა დღე ნელის თრთოლვით  
და თრთოლივთვე გამოსცემს მოლურჯო ნათელს, რომე-  
ლიც არ იცი, დღეს ეკუთვნის თუ ღამეს.

აფთარას თათებზე დაედო თავი და იატაკამდე დაშვე-  
ბულ ყურებით ცდილობდა დაეჭირა გაურკვევი ხმაური,  
ხანდაზმით რომ ისმოდა და ნაღვერადლის შიშინს რომ  
ჰგავდა. სიბნელეში ვილაცამ ჩუმად ამოიოხრა და მაშინ  
ხმაური შესწყდა და კვლავ განახლდა.

— მკვარი ავანთო ბაბული? — იკითხა ბაბუას ხმამ.

პასუხი არავინ გასცა. სარკმელიდან ცივად შემოდო-  
და თოვლის ელვარება და მკრთალად ანათებდა კედელსა  
და იატაკს. მცირე დუმილის შემდეგ ბაბუამ ისევ იკითხა:

— მკვარი ავანთო ბაბული?

ბაბუას ხმა გაიგონეს ავადმყოფებმა, მაგრამ ერთი მეო-  
რეზე ფიქრობდა: უპასუხებსო; შემდეგ ჩატუმ გასცა ხმა:

— ნუ აანთებ ბაბუა!

უნებურ ლაპარაკზე აფთარამ სიხარულით აიღო თავი,  
მაგრამ ისევ დუმილი ჩამოვარდა და ძაღლმა ჩასთვლიმა.  
თვლემდა იაგორიც; მას ბევრ რამეზე უნდოდა შვილი-  
შვილებთან საუბარი, მაგალითად:

— მადლობა ღმერთს უვნებლად რომ გადარჩენ; ეხლა  
ახალი წელი დადგება მალე და მზადებაა საჭირო, ისე ბა-  
ბული, თქვენ მე დამიჯერეთ და ნურათვერზე დარდობთ.  
ეს შენ გეხება ჩატუ! რა უყოთ, საბა თუ არ დადის; საბას  
შეუტრცხვა ვაშკაცობა.. მაგრამ, ჯერ კიდევ ვინ იცის რა-



შია საქმე? იქნებ კაცი ავადაა. ნინო მოიტანს ნამდვილ ამბავს, მაგრამ რაც უნდა მოიტანოს, თუ მართლა შეირცხვინა ვაჟკაცობა — კაცის მეტი რა იშოვება ამ ქვეყნად! ჰეი, ბაბუა, ცალი თვალის დაკარგვა არაფერია, არაფერი — ცოცხალი ხომ გადარჩი... — და ხვა ამგვარი საუბარი ძალიან უნდოდა ბაბუას, მაგრამ შვილიშვილები ყურს არ უგდებდენ. უეცრად აფთარას თიხის ხმა მოესმა და წამოხტა, ერთი დაიღრინა და შესდგა, ყური დაუგდო. არავითარი ხმაური არ არღვევდა თოვლიან ღამის მყუდროებას და ამ მყუდროებაში, ვილაც ტკბილ-ხმიანმა გაბმით დაიძახა:

— ალილო-ო-ო-ო.

ბაბუას სიამით გააჟრჟოლა. იულონსაც იამა და უნებურად მოაგონდა ბავშობა, როცა პირველად შეკრთა ჩამოვარდნილ ვარსკვლავის ხილვაზე.

— ალილო! — ამოვიდა გულიდან მეორე ხმა სიხარულისა და სიუხვის დაბედების; აგუგუნდა ბანიც და სამი ხმა, სამი სათნოება მოადგა კარზე ბაბუა იაგორს. აფთარა კართან მივიდა, ხვრელიდან ჰაერი შეიყნოსა და გაქვავდა, ვერ მიხვდა დაბრუნებულყო. ბაბუამ მკვარი აანთო და სინათლეზე, თვალები სიხარულით უციმციმებდა და პირი უცინოდა.

ჩატუსაც გააჟრჟოლა და სული შეუგუბდა:

— ნეტავ რად უნდა ალილო მახინჯს? ალილო მას იამება, ვისაც თვალი არ დავსებია. აჰა საბაც არ დადის მას შემდეგ... არავინ არ დადის: უთუოდ მეალილოებმაც არ იცოდენ, აქ რომ ცალთვალა, ნაყვავილევი ქალი სცხოვრობს, თორემ არც ისინი მოვიდოდენ. საბა, საბა... — ჩატუ ატირდა ჩუმად და ცრემლების სიმხურვალე იგრძნო ლოყებზე.

— გაის ამა დროს შვილებო! — გაისმა ეზოში ნინოს ხმა. ნინო სახლში შემოვიდა. როცა ალილო გათავდა, აფთარამ ასტეხა ყეფა; ბაბუამ მთელი თაბახი ხილი და ტკბილეული გაუტანა მგალობლებს და ისინი წავიდენ.

სულ განაბული მისჩერებოდა ჩატუ ნინოს; ბაბუამ ჩიბუხი გააწყო:



— რას გვახარებ ნინო!

— თქვენს მშვიდობას, კარგად ყოფნას... — შორიდან დაიწყო ნინომ და გამომეტყველებით გამოამჟღავნა: ვერაფერი მახარობელი იყო.

დიდხანს ილაპარაკა, ბოლოს რომ ეთქვა შემოთვლილი:

— ნუ მიცდის, მე სხვას ვირთავო.

— ვის: — მწყრალად იკითხა იულონმა.

— ნაეშვარდიდან მომყავსო; ნიკოს ქალიშვილი!

— პელო! დაიღრიალა იულონმა და ლოგინიდან წამოხტა: თოფს ხელი დასტაცა და გარედ გაიჭრა. ქალებმა კივილი შეჰქნეს, ბაბუამ იყვირა:

— მიშველეთ!

იულონი მირბოდა ფეხშიშველი; იაგორი უკან მისდევდა და ყვიროდა:

— მიშველეთ!

იულონს მეალილოენი გადაელობენ გზაზე.

— ჩამომეცალეთ! — მრისხანედ იძახდა იულონი. თოფი გავარდა და დასუსტებული იულონი შეჰბოჭეს. არავინ მომკვდარიყო, არც დაჭრილიყო: თოფი წაართვეს.

## XI.

გავიდა ხანი. საბა ჩაესიდა ნიკოს და ბაბუა იაგორის შვილისშვილები გადაიმტერა. ჩატუ არ იყო საშიში, მაგრამ იულონს უნდა მორიდებოდა საბა. ამას ამბობდენ მოციქულები:

— ქალის მიტოვება ოჯახის შერცხვენაა; დაწუნებულ ქალს სახელი უტყდება და მას არავინ თხოულობს. საბა რომ მარჯვე ვაჟკაცია — უეჭვოა, მაგრამ ნაეშვარსა და ღრუწიფელაში ვინ არის მასზე ნაკლები, მასზე გონჯი? არავინ! ესეც არ ყოფილიყო იულონი მაინც ვერ მოისვენებდა. საბამ მას საყვარელი ქალი წაართვა, საბამ გული გაუპო, საბამ უღალატა და სისხლი მოაწყურა — ვერ ისვენებდა იულონი შინაურებთან.

დას ყოველთვის თავჩაკიდულს და მტირალს ჰხედავდა; ბაბუა ეფერებოდა ჩატუს, როგორც შეეძლო, მაგრამ



ქალი უფრო გულამოკვნესით იწყებდა ტირილს; მაშინ ბა-  
ბუა იწყებდა წუთისოფლის სამდურავს, ან მოხვევდა ხელს  
იულონს და აბამდა დაუსრულებელ მუდარას, რომ:

— დასცხრეს, სიმშვიდე მოიკრიფოს, ნუ ებრძვის ეტლს  
თორემ ავად უღრენს მკედრში გული, სულიც უწივის  
და ღმერთმა აშოროს, რაღაც უბედურებას გრძნობს—მათ  
თან ყოფნას ცხრა მთას გადაკარგვა სჯობდა.

იულონს მისდევდა ძალღი და ორივე იკარგებოდა  
დიდხნობით.

საბა გრძნობდა; იულონს მისი შეხვედრა სწადდა; იცო-  
და საბამ — ოდესმე უნდა გასწორებოდა იულონს და რომ  
თავი არ წაეგო, შეიარაღებული დადიოდა, თუმცა შე-  
ხვედრას გაურბოდა.

პელო სწყევლიდა გადარეულ მონადირეს.

## XII.

სამი დღე და ღამე დაჰყო მონადირემ ტყეში. მეოთხე  
ღამეც ტყეში მოეწია; იდგა უკუნეთი და ამ უკუნეთში არ  
სჩანდნენ უზარმაზარი ხეები, შემოსილნი გაუვალ ბარდით.

მონადირე მიდიოდა ალლოთი, ფეხი ეფლებოდა უყეში-  
და სოველ ტერფით გრძნობდა ნიადაგის უდაბურობას.

ხეები გარინდებით იდგენ სიბნელეში და ადგილს არ  
იცვლიდენ, მაგრამ მონადირე კარგად გრძნობდა მათ და  
არ ეჯახებოდა, მხოლოდ ხანდახან, თხმელაზე ასული  
ეკალი დაკლაკნილ ხელს იშვერდა დაბლა და სრულიად  
მდუმარე, იჭერდა მონადირეს.

მონადირე ღებოდა და დაქანცული აფთარა ფეხებში  
აწყდებოდა. ისმოდა დაღლილი ადამიანის სუნთქვა, რომ-  
ელიც ებრძოდა ეკალს და ეკალიც, მუნჯური ყოფაქცე-  
ვით უსიტყვოთ უკაწრავდა სახესა და ხელებს — მონა-  
დირის შემოჭრით გაკაპასებული, გაკაპასებული თავისთა-  
ვად და ტყის მაგივრადაც.

ტყე იდგა ჯარად; შტოები გადაეხლართა ერთმანეთში  
და მკლავებად აღმართულ ტოტებით ეჭირა ცა, რომ არ  
ჩამოსულიყო ცა დაბლა და არ აეხადა ტყის უდაბურობა.



ერთგან ტყე შეთხელდა და ინათლა. მონადირემ მალლა აიხედა.

შავ-შავი ღრუბლები შემოხვევოდენ მკვდრისფერს მთვარეს და დასავლეთისაკენ მიაქანებდენ. შუალამე იქნებოდა. ჩამოზნელდა ისევ.

უეცრად მონადირეს საუბრის ხმა შემოესმა; გაუხარდა. უთუოდ შეშის მჭრელები იყვნენ. აფთარა წინ გაიქცა. მონადირემ ნაბიჯს მოუხშირა და რამდენად მიიწევდა, იმდენად აშკარავდებოდა საუბარი. ერთმა ხმამ მხიარულად დაიძახა:

— სავარცხელი მიართვით ბათლომესო — და დანარჩენებმა გულიანად გაიციინეს.

მონადირე მიხვდა: ვილაც ბათლომეა ქაჩალი უნდა ყოფილიყო და ეხუმრებოდენ; მონადირემაც გაიციინა თავისთვის.

ტყეში კვამლის სუნი დადგა და მალე გამოჩნდა დიდი ცეცხლი და ირგვლივ შემომსხდარი შეშის მჭრელები; აფთარა მიიჭრა, ცეცხლთან შორს დადგა და დაუყეფა. შეშის მჭრელებმა გაიციინეს; ახმაურდენ:

— რას გვერჩის ნეტავი ეს ძაღლი? — ამბობდა ერთი. მეორემ სთქვა:

— მონადირე იქნება ალბად ახლო-მახლო.

— აბა უყივლე! — და ერთმა იყივლა:

— ე-ე-ე-ე-ე!

უგემურად გაისმა ტყეში მძლავრი ყვირილი; ყვირილზე, შორს სადღაც ფრინველი აჩხავლდა და ყვირილი მისწყდა. იულონი მოვიდა:

— გამარჯობა!

— გაგიმარჯოს!

— მობრძანდი!

— გვეწვიე მოშიებული იქნები!

იულონს იამა მიპატიჟება, მართლაც მოშიებული იყო, მაგრამ მარტო ყოფნა ერჩია, თან მოაგონდა ძილში რომ ბორგვა იცოდა, რითაც თვის საიდუმლოებებს ამჟღავნებდა და მაპატიჟებაზე მადლობა გადაუხადა და უარი მოახსენა. მაინც სთხოვდენ.



იულონი უარს ამბობდა.

— რადგან ეს კაცი არ იცდის, ერთი არაყი მაინც დავა-  
ლევინოთ — მოუბრუნდა ახალგაზრდას ქაჩალი კაცი, რო-  
მელიც მართლა ქაჩალი იყო და სახელად ბათლომეს ატა-  
რებდა.

— დალევდეს თორემ... — ახალგაზრდა გაიქცა.

ათიოდე ნაბიჯზე იდგა უკედლო, პატარა კარავი და-  
ხურული ლაქაშით; იქ ეწყო ხურჯინები, წალდები, ხერხი.

შეშის ძქრელებმა ნადირობის ამბავი ჰკითხეს იულონს:

— რა მოუკლავს? რა უნადირია?

— ტახებმა ადამიანის სუნი აიღეს და მიიამოს გაე-  
ცალენ: ჯოგობით წასულან, ჯოგობით და გაუვალ ადგი-  
ლებში ბილიკები გაუტკეპნიათ.

— ირემი ხომ დიდი ხანია თვალით არ გვინახავს.

— თვალით არა და ბლავილი კი ხშირად ისმის.

ახალგაზრდამ არაყი მოიტანა; ბათლომემ დიდი მათა-  
რა აავსო და იულონს მიაწოდა:

— ნუ დაზოგავ თუ გიყვარდე, წმინდა სანთელია!

ერთ მოხუცს, შავს სახეზე თეთრი, უმწიკვლო წვერ-  
ულვაში ერტყა, შავი შუბლი უელვარებდა. შავი თვა-  
ლები სიბრძნით ავსობდა და თუმცა ხმას არ იღებდა —  
ეტყობოდა, მას უჯეროდენ დანარჩენები; იულონმა ჯერ  
მას შეხედა, შემდეგ დანარჩენებს მოავლო თვალი და დაი-  
ლოცა:

— ღმერთს დიდება — ჩვენ მშვიდობა, იცოცხლეთ და  
გაგიმარჯოთ!

გადაჰკრა. პური მიაწოდეს, სჭამა.

— მარცხნივ თუ წახვალ კარავს ნახავ, გაწვმებას აპი-  
რებს — მიაძახა ერთმა იულონს და იულონიც მარცხნივ  
გაემართა.

ბევრი იარა. უეცრად შორიდან ყრუდ ჩამოვიდა ქუხი-  
ლის ხმა და მთელმა ტყემ იწყო გახშირებული ქშენა; წვიმ-  
და ჯერ მალლა, შემდეგ წვიმამ მოდრიკა ფოთლები, პაერი  
გააცივა და იულონს უხვად ეცემოდა სხვილ-მსხვილი წვე-  
თები. სოველი და დაღლილი მონადირე მივიდა კარავში  
და ცეცხლი დაანთო.



განათდა კარავი, ავარდა სუბუქი ბოლი და სინათლე-  
ზე ტყე დადგა განზე: ბებერ მუხებს ძარღვიანი ზურგი შე-  
მოუქცევიათ კარავისათვის; მოშორებით ნაკადი უნდა  
იყოს: ისმის გამუდმებული შხუილი: უთუოდ ნაკადი ტყის  
ფესვებს ჰკვებავს და მუხის ძირები ჩუმად მიიწევენ ნაკა-  
დისაკენ; ხანდახან ხმელი ფოთლები უღობავენ გზას ნა-  
კადს და შხუილი სწყდება; მონადირეს ეს კარგად ესმის.

აფთარა ცეცხლის პირას დაეგდო და საბრალო პი-  
რუტყვს ღონეც არა აქვს სოველი ბეწვები აილოკოს:

— ჰო, რაო აფთარა, დავიღალეთ! — ალერსით ეკით-  
ხება იულონი ძაღლს; ძაღლმა ნახევრად გაახილა თვალი:  
კარგი თუ კაცი ხარ, თავი დამანებე — და ჩასთვლიმა, მაგ-  
რამ, უზრდელობად ან რომ ჩაეთვალათ მისი დაღლილობა,  
მეორედ გაახილა თვალი და დაქანცული კუდი უღონოდ  
გააქნია: დავიღალეთ ჭეშმარიტადო.

იულონმა ჩიბუხი ააბოლა. ზარმაცად უშვებდა კვამლს  
და იჯდა მდუმარე:

— რა გაყუჩება იცის ამ დალოცვილმა! — ტყეს ეხე-  
ბოდა სიტყვა „დალოცვილი“.

— წვიმს მაგრამ წვიმის ხმაურიც გაყუჩება გგონია.  
ბევრი ნადირი იქნება აქ — ნაკადია ახლო; ალბად ირე-  
მიც მოდის. სათავე უნდა ნახო კაცმა.

წვიმა გაძლიერდა. კარავს წვიმა უვლის და წვეთები  
ცეცხლში ეცემა. აფთარას სხვილი წვეთი დაეცა თავზე  
და ძაღლმა საბრალოდ დაიღრინა.

დიდხანს იჯდა მონადირე და ცეცხლს მისჩერებოდა;  
ძილი მოერია ცეცხლი თანისთან მიილულა, ნაკვერცხლე-  
ბი სურათებივით ბზინავს:

— ოჰ, პელოს თვალებივით ანთებულა ეს ნაკვერცხა-  
ლი... ესეც მისი წარბები, მაგრამ მკერდი სადღაა? მისი  
მკლავები მწვანე თხემლის ტოტებივით სურნელოვანი,  
რომ არის?

მონადირე დააკვირდა ცეცხლს:

— დაფერფლილა!

ფერფლში გამოჩნდა ჩატუს თეთრი თვალი; იქით ბა-  
ბუას ჩიბუხიც გამოჩნდა...



— ...პელოს მკლავები ვილაცას გადაუზნეჭია და კბილებით კანს აძრობს; პელოს სიამით გაუნაბავს თვალები და იმ ადგილას, სადაც მისი მკერდი უნდა იყოს, მოსჩანს ფართე ზურგი.. ვისია ეს ზურგი ნეტავი? ვინაა ეს სისხლის მსმელი?.. საბა! — მრისხანედ აღმოხდა იულონს და თავისივე ხმამ გამოაღვიძა. მიიხედ-მოიხედა. ცეცხლი გააძლიერა.

— არა უშავს... არ ვიყო ბიჭი, თუ სისხლში ნაღველი არ ჩეგიქციო! — დაემუქრა საბას იულონი. წვიმს.

ისევ სძინავს თავჩაკიდულ მონადირეს და უეცრად, ნაკადის გადაღმიდან მოესმის შტოების მტვრევის ხმა. მძიმედ მოაბიჯებს ვილაცა, შტოების მსხვრევაზე ის ვილაცა შესდგა.

— შენ რა მოგდის საცოდავო?

აფთარა აცახცახებული ადგა, გამოფხიზლებულიც არ არის და მონადირეს ფეხებში შეუვარდა; ძალუმად ეკვრის თრთის.

— რისი გეშინია შე საბრალო, თოფი დატენილია...

ისევ დაიძრა ის ვილაცა მძიმე ნაბიჯებით და ნაკადთან იმსხვრევა შტოები.

— ა! რა თავს იგდებ! უყვირა მონადირემ ძაღლს.

ძაღლი კი ირევა, თათებით ჩოხის ღილები დაუწყვიტა, უნდა უბეში შეუძვრეს, დაიმალოს. იულონმა თოფი გასინჯა და ძაღლს უაღერსებს.

ნაბიჯები ახლოვდება. ისმის ღრმა ქშენაც. იულონმა თოფის მომარჯვებაც ვერ მოასწრო. კარავს რომ მოადგა რალაც შავი, დიდი, ვებერთელა. ხელი გეუშეშდა იულონს.

ძაღლი თითქო ჩაკვდაო, მუხლებში ჩაუწვა, მხოლოდ ოდნავ უთრთის კუნთები.

კარავთან მომდგარი ღრმად სუნთქავს და სუნთქვის ნიავი ცეცხლის ფერფლს ჰფანტავს; ნაკვერცხლები ნელა ღვივდება. უთუოდ ამას ამჩნევს ის; ალბად იმასაც ხედავს მონადირე რომ შეაკრთო და სუნთქვას უმატებს და არ იძვრის კარავთან სდგას. იულონი ხედავს შავს, ბანჯღვლიან ბარძაყებს, ვებერთელა ფეხებს, ბანჯღვლითვე შე-



მოსილ მუცელს. დაშვებულ გოლიათ მკლავებს და იცის იულონმა ვინც არის ეს:

— ოღონდ შიში არ უნდა ეჩვენოს და ხმა არ გასცეს, ტყის კაცია! თუ დაელაპარაკა ჭკუაზე შეშლის, თუ შეშინდა ტყის კაცი მოახრჩობს.

ცეცხლი დაინთო.

მონადირემ შემოიპატიჟა სტუმარი, თან ფიქრობდა და ამ გვარად ანიშნებდა:

— მობრძანდი ტყის კაცო, მობრძანდი! კარავში მესტუმრე; შეიძლება სტუმარი მე ვიყო შენი, მაგრამ სტუმარი ღვთისაა. გავთბეთ, ყალიონი მოვსწიოთ!

ტყის კაცი ქშენით დაიღუნა, კარავში შემოვიდა და ცეცხლის პირას იულონის პირდაპირ დაჯდა. ხის მორები მიაყარა ცეცხლს და თვალები მიხუჭა. მსუქანი მუცელი დაჰკეცოდა ტყის კაცს და შავ ბანლებში წვიმის წვეთები უბზინავდა. მუხლებში დიდი ჯოხი ჩაედო. მკერდი ბანლიანი და დედაკაცივით მსხვილ-მსხვილი ჰქონდა; სახეც კაციებური, ბალნიანი და თვალები მრისხანე.

ასე იჯდა ის, ოდნავ მოხრილი და უზარმაზარი.

იულონმა თუთუნის ქისა ამოიღო; სტუმარმაც გაუწოდა ხელი. იულონმა ჩიბუხი გადასცა. სდუმდენ.

არ უხაროდა მონადირეს ტყის კაცთან შეყრა. მართალია, ჯერ არავითარი მზაკვრობა არ ჩაედინა მას, მაგრამ ვინ იცის რას იზამდა წასვლამდე?

იულონი ფრთხილად იყო:

კარგად ახსოვდა ძველი მონადირეების ყოფაქცევა, ტყის კაცი რომ შეხვედროდათ ოდესღაც. თავის სიცოცხლეში დაღვრემილები დადიოდენ ისინი და ისე ჩავიდენ სამარეში, რომ არასოდეს გულით არ გაუხარიათ. მათში ზოგიერთები ტყის კაცის ძმობილებიც იყვნენ, მაგრამ ისინიც გულჩათხრობილნი...

— ბედნიერებაა ტყის კაცის დამეგობრება — ფიქრობდა მონადირე — გაჭირვებაში გშველის, გაამდიდრებს და ყოველნაირ წადილს გისრულებს; მაგრამ არც ასეთი მფარველი მინდა ჩემო ძმაო. ჩემს ცხოვრებაში სხვამ რომ იცხოვროს მე რაღა ვაკეთო?



უეცრად იულონს მოაგონდა: გულთმისნები არიან ტყის კაცები; მონადირის აზრს მიხვდებოდა უთუოდ და საშიში იყო არ გაჯვრებულიყო.

დააკვირდა:

— არა! — დამშვიდებით აბოლებდა ჩიბუხს სტუმარი.

— ვინ იცის, იქნებ ესეც ჩვეულებრივი კაცია, უფრო ღონიერი, უფრო ჭკვიანი, მაგრამ საკუთარი ცხოვრება არ გააჩნია და დაეხეტება დაღონებული, სხვის ცხოვრებაში რომ ჩაერიოს, თავი გაიროს.

მართლაც, დაღონებული იჯდა ტყის კაცი, ჩიბუხს დარღიან კაცივით ზედი-ზედ სცლიდა და მონადირეს ის შეეცოდა.

იულონმა გამოსაუბრება დააპირა, პირიც დააღო თავაზიანად, მაგრამ ამ უწყინდურმა ტყის კაცმა მოულოდნელად აფთარს თვალი ჩაასო. ძალლი აცახცახდა. მონადირემ ხიფათი იგრძნო.

ტყის კაცი არც განძრეულა, ხელი გაიშვირა მხოლოდ და მონადირის მუხლებიდან ცოცხალ-მკვდარი ძალლი ამოათრია, თან მონადირეს უცქეროდა, თითქო ეუბნებოდა:

— აბა ეხლა შენი ვაჟკაცობა ვნახოთ!

მონადირე განრისხდა.

— ძალღს ხელი! იყვირა და თოფი მოიმარჯვა, მაგრამ ტყის კაცმა თავზე თათი დაჰკრა და იულონი ცეცხლში დაეცა. საბრალო აფთარას ყმუილი შორიდან მოისმოდა...

---

თვალეზ არეული და წვერ-ულვაშ შერუჯული მონადირე ბარბაცით წამოდგა. ძალლი არსად სჩანდა და არც ყმუილი ისმოდა მისი, მაგრამ ჯერ კიდევ ვერ გამორკვეულიყო მონადირე. მოლანდიბულ მიმართულებით თოფი ალალ-ბედზე გაისროლა და დბაარბაცდა. დაეცა.

— ჩვენი მონადირე იქნება! — გამოელვინათ თოფის ხმაზე შეშის მჭრელებს; ტყეს გაჰხედეს, განთიადი შორს იყო დ ახმები აირია:

— ნადირი თუ დაეცა!

— დაეცემოდა უთუოდ, წვიმს.



მოხუცმა შეშის მჭრელმა ორი კაცი წაიყვანა და მონადირის კარვისკენ გაემართენ. კარავში ცეცხლი ჩამქრალიყო; ოდნავ ანათედა ნაკვერცხლები იქაურობას.

მონადირე პირდაპირ კოცონში ჩავარდნილიყო და ტანისამოსი დასწოდა.

შეშის მჭრელების მოსვლაზე მან ოდნავ დაიკვნესა, მაგრამ ხელათვე კბილები დაახრჭიალა და კვნესა ჩაიხშო.

— არიქა ბიჭებო! — დაიძახა მოხუცმა. ფრთხილად ასწიეს მონადირე და ნაბადზე დააწვინეს. გრძნობა დაჰკარგოდა. როცა მოასულიერეს, მონადირე ათრთოლდა; ბურანში იყო ისევ, კბილებს ახრჭიალებდა და ბუტბუტებდა უცნობ მამაკაცებისა და დედაკაცების სახელებს. შეშის მჭრელებმა საჩქაროდ საკაცე გააკეთეს.

## XII.

— არა, აქაური არ არის ღრუწიფლეელია, მაგრამ სადაურიც უნდა იყოს... ვიცნობ, მობრძანდით! — წარბ შეშეჭმუხვნილი ამბობდა საბა და საკაცეს აწევაში შეშის მჭრელებს შველოდა. ახლად გათენებული იყო; არ წვიმდა. დილის ნამს დაესველებია საკაცეზე გადაფარებული ნაბადი.

როცა შეშის მჭრელები ეზოს მოადგენ და მასპინძელი გაიხმეს, ჯერ საბა გავიდა, შემდეგ პელო. შეშის მჭრელები ეუბნებოდენ საბას:

— ეს კაცი შენს სახელს ახსენებდა და ჩვენც აქაური გვეგონაო — კიდევ ბოდიშობდენ: — შეგაწუხეთო — და ავადმყოფის ღრუწიფელაში წასაყვანად ემზადებოდენ, მაგრამ საბამ ისირცხვილა: სტუმართ მოყვარეობა დამეძრახებაო.

— რა კაცი ვარ ქვეყანაზე, გაჭირებაში კაცს თუ ვერ შევეხიდები?

შეშის მჭრელებს ეს არც გაჰკვირვებიათ, ასე უნდა მოქცეულიყო საბა. პელოს თავზარი დაეცა; უნდოდა ქმრისათვის ეთქვა; ურემი დაეთმო, ავადმყოფი თავის სახლში გაესტუმრებია, მაგრამ უცხო ხალხის მოერიდა და



ეხლა გაფითრებული უცქეროდა, როგორ აჰქონდათ ავად-  
მყოფი აივანზე.

ლოგინი გაშალეს. მონადირე დააწვინეს და შეშის  
მჭრელებს ხელები დააბანიეს. უგრძობლად იყო მონა-  
დირე. დასწითლებოდა დამწვარი სახე, თვალს არ ახელდა  
და ამოსუნთქვაზე ატყავებული ნესტოები ებერებოდა.

პელომ სუფრა გაუშალა შეშის მჭრელებს და თვითონ  
მალამოს საშოვრად წავიდა.

მალე შეშის მჭრელებიც წავიდნენ.

საბა მარტო დარჩა ავადმყოფთან; ის ცდილობდა არ  
ეცქირა იმ მხარეს, სადაც იულონი იწვა, მაგრამ ავად-  
მყოფმა იწყო ბორგვა, ავადმყოფი აშფოთდა და დაღვრე-  
მილი საბა იდგა და ვერ გადაეწყვიტა მისულიყო თუ არა  
საშველად.

— უჰ, უჰ, — ბუტბუტებდა მონადირე. უეცრად მან  
გარკვევით დაიძახა.

— პელო!.. — და კბილების ხრჭიალს ამოაყოლა საბას  
სახელი.

საბას სისხლი თავში აუვარდა; მიმოიხედა ირგვლივ და  
იულონს დააშტერდა. იულონი კბილს კბილზე აჭერდა  
და დაკაწრული ღაწვები სისხლით ევსებოდა.

ლოგინთან, კუთხეში თოფი იდგა მისი, თოფზე ხანჯა-  
ლი ეკიდა.

— პელო... ო, შე მიღალატე საბა!

საბა აირია: ხანჯალი დიდი და ბასრი იყო;

საბამ შუბლზე ხელი გადაისვა და ოფლი მოიწმინდა;  
ოდნავ დამშვიდდა.

უეცრად მან დაინახა, იულონმა რომ გაახილა გაწით-  
ლებული თვალები და თვალებში რომ მოაწვა გაოცება  
და შემდეგ სიშმაგე.

იულონი ლოგინიდან წამოვარდა.

საბამ კისერში ოფლიან თითების მოჭერა იგრძნო.

— აა, მოღალატე — შფოთავდა გაშმაგებული იულ-  
ლონი.

ოთახში ვიღაც შემოვარდა...



საბამ დასუსტებული მონადირე კუთხეში ისროლა და ხანჯალი ისევ დაინახა.

— თუ ღმერთი გიწყრება, მე ნიკო ვარ და დამკარი!— გადაელობა სიმაური.

— გამიშვი!

— ოჯახი დაგვენგრევა! — იყვირა მოხუცმა ნიკომ და სიძეს გულზე ხელი ჰკრა.

იმავე დღეს ნიკომ ურმით წაიყვანა იულონი ღრუჭი-ფელაში.

დასნეულებულ ძმის დანახვაზე ჩატუმ კივილი ასტეხა და მთელი სოფელი ეზოში მოაგროვა.

სოფელს გული აეწვა.

ბაბუა იაგორი ჰგოდებდა: ნეტავ ვიცოდე, კიდევ როგორ დამსჯიო — და ცხოვრებას აფურთხებდა თვალებში.





დოკუმენტები



## ს. წულუკიძის გამომკვეთელი კერძი მიწერ-მოწერა \*)

ბატონო ელენე!

1897 წ. 21 ნოემბერი.

დიდი ხანია თქვენდამი წერილის მოწერა მინდა და ეხლა შემთხვევა ნებას მაძლევს ეს წადილი შევისრულო. ეს არი გიორგი დეკანოზიშვილი ვნახე, პეტერბურგში მიდიოდა და მე გამომიარა; მან გადმომცა, რომ ჩემი მარქსი თქვენთვის დაუტოვებია — ნოე ჟორდანიას გადასაცემათ; ასე მითხრა: „არ მეგონა თუ მოგნახავდიო და ამიტომ არ წამოვიღეო“. ეხლა ისევ თქვენ უნდა მოგმართოთ, რა თა ამდენი ხნის ლოდინს ბოლო მოუღოთ. კარგა ხანია მაგ წიგნს მოველი, ყველგან მივიწერე და, აი, ეხლა თქვენ გწერთ რადგან ჩემთვის ეხლა ძლიერ საჭიროა და ხელახლად მისი შეძენა, ხომ მოგეხსნება, ჩემისთანეებისათვის მეტად გასაჭირია, თითქმის შეუძლებელიც არის (25 მანეთი ღირს). ამიტომ, თუ ნოესთვის ჯერ არ გადაგიციათ. — გთხოვთ. ფასდადებული ამანათით გამომიგზავნოთ ჩემს სახელზედ, იმედი მაქვს ეს თხოვნა მეტად სამძიმოთ არ დაგიჩივებთ და ჩემთვის რამოდენიმე წამს დაკარგავთ წიგნის გამოსაგზავნათ. თუ უკვე გადაეცით ნოეს, მაშინ თუმცა მეტი შრომა მოგელისთ, მაგრამ მაინც უნდა გთხოვოთ გამოართვათ ისევ თქვენ და გამომიგზავნოთ. საჩქა-

---

**რედაქციისაგან:** განსვენებული ამხ. ს. წულუკიძის ეს სამი წერილი ა/წ. მარტში გადმოცა ჩვენს რედაქციას ელენე იესეს ასულმა ჭიჭინაძისამ, რისთვისაც უღრმეს მადლობას უძღვნით. წერილები იბეჭდება უცვლელად და მთლიანად.



როდ, რადგან რაც უფრო მალე მომივა — უფრო კარგი იქნება. ბევრი თხოვნა თქვენთან, დარწმუნებული ვარ, საჭირო არ არის. მაშ, ეხლა სხვაზედ ვილაპარაკოთ.

ბევრი ახალი ამბები მოდის მაქიდან; სხვათა შორის, ყველაზედ უფრო სასიამოვნო და თვალსაჩინო ჩვენს ცხოვრებაში უთუოდ ჩვენი ჟურნალ-გაზეთების „ფერისცვალება“ იქნება. სასიამოვნოა „კვალის“ კვალის გამოცვლა და არა ნაკლებ სასიამოვნოა „ივერიის“ ოთხი ახალგაზრდას მიერ შექმნა (როგორც გიორგიმ მითხრა ილიას ჯერ გადაჭრით არაფერი უთქვამს). მით უმეტეს სასიამოვნოა, რომ პირველი და მეორე ორს სრულიად სხვადასხვა ბანაკს წარმოადგენს. რიგიანი და მოსაზრებული პოლემიკა მათ შორის, იმედია უფრო ნათლად გამოაკვლევს ორთავეს პროგრამას, მკითხველ საზოგადოებაში მეცნიერებისადმი ინტერესსა და ცნობის მოყვარეობას აღძრავს, რომელიმე მხარე ჩვენის სრულიად გამოუკვლევლის ცხოვრებისა ცოტათი მაინც გამოიკვლევა და „გზა უვალი მათგან თელილი მაინც დარჩება“, რომ მაზედ სულა მაინც, — გაადვილდეს. ყოველშემთხვევაში, ეს ფაქტები ნიშანია პროგრესის, ჩვენი გონებრივად წინსვლის. სწორედ აღტაცებაში მოვდივარ პესიმისტობა არ შემიძლია, რადგან მრწამს უკეთესი მომავალი, მრწამს პროგრესისი. ჩუმად გეტყვით, რომ ამ სიტყვებს კიტას გასაგონად გეუბნებით, რადგან ყველა ჩვენი პროექტები და ბელეტრისტები თითქმის და მთელი ახალგაზრდობა პესიმისტურად დასახა. განა პროექტი თუ ცხოვრების სიმწარეს დაჰყდერის ჩანგით — ეს იმას ნიშნავს, რომ მას ცხოვრებაში აღარაფერი საიმედო დარჩენია? თვით ის პროექტები, რომლებითაც კიტა თავის აზრს ამტკიცებს თუ ერთს ადგილას სტირიან მეორე ადგილას მღერიან სიცილით. იგივე ითქმის ბელეტრისტების შესახებაც. ყოველ შემთხვევაში რამოდენიმე ახალგაზრდის პესიმისტურ წერილებიდან არ მგონია, კრიტიკას რაიმე მეცნიერული დასკვნის გამოყვანის უფლება ჰქონდეს, იგი ძლიერ სუსტი საბუთია რაიმე საზოგადოებრივი მოვლენის ასახსნელად. რაც შეეხება „მესამე დასს“, სერიოზულად და ნამდვილად



ვერ ახსნა მათი პროგრამა. შეუძლებელია რაიმე მეცნიერული თეორიის ახსნა ბელლეტრისტების პატეტიური ადგილებით. ნუ დაივიწყებს, ბ. კიტა, რომ სოციალდემოკრატიის პროგრამას „მეცნიერულ სოციალიზმს“ უწოდებენ და იგი მეცნიერულ გარჩევასაც მოითხოვს. მხოლოდ „ხრიკოანობის“ და „უცოდინარობაზედ“ აქ არაფერს ვიტყვით. გარკვევით შევნიშნავთ, რომ ამისთანა სიტყვების ხმარება წინ-დახედულებას თხოულობს. (თუნდაც რომ მართალი იყოს) და არა თავისი გულის თქმის აყოლას. როგორც ხედავთ, ელენე, მეტს ვერ გავაგრძნობ. შემდეგი ალბათ იქნება, თხოვნას კი მაინც გიმეორებთ და იმედოვნებთ, რომ უთუოდ წიგნი მომივა. ნახვამდის, ბატონო ელენე.

თქვენი მარად კეთილის მსურველი ს ა შ ა წ უ ლ უ კ ი ძ ე.

ნიკო ელიავამ მოკითხვა მოგახსენათ. ჩემის მხრით გთხოვთ, მომიკითხოთ ვარლამი. ნახვამდის. ს. წ.

ჩემი ადრესი: Москва, Малая Бронная д. Гирша, кв. № 113, Александру Гр. Шулкидзе.

ბატონო ელენე!

1897 წ. 12 დეკემბერი.

გჩქარობ მაღლობა მოგაწვდინო ასე დაუყოვნებლივ და თანაგრძნობით თხოვნის ასრულებისათვის. თქვენ მიერ გამოგზავნილი წიგნი და შემდეგ წერილიც მივიღე. „დარწმუნებული ვარ თქვენ ისეთი ბევრი მიწერ-მოწერა გაქვთ, რომ ჩემთვის მოსაწერად კიდევ ვერ მოიცილით“, — მახვილად შევნიშნავთ წერილის ბოლოს. მართალია, მიწერ-მოწერა ბევრი მაქვს, მხოლოდ იმდენი მაინც არა, რომ თქვენთან მეგობრული კავშირი შემაწყვეტინოს, თქვენდამი წერილის მოსაწერად დროც აღარ მრჩებოდა. ვსაშობ თუ თქვენი მწარე გამოცდილების ნაყოფია ეს სიტყვები და მასთანავე მსიამოვნებს თქვენი გულახდილი საუბარი. ტყუილათ გგონიათ, რომ თქვენს თავს გარდა მარქსის „კაპიტალის“ სხვა არაფერი გამახსენებდა.



მარქსი თავის თავად ჩემთვის სრულიად უსარგებლოა. თუ ადამიანთა ყოველი კავშირი შევწყვიტე, სულიერად გამამხნევებელი მეგობრობა, რომელიც ყოველთვის და ყველასათვის საჭიროა, უარვყავ. არა. მე „კაპიტალი“ მხოლოდ სახელმძღვანელოდ, გზის მაჩვენებლად, ლამპრად მიიღე, დანარჩენი კი ისევ ადამიანთა თანაგრობობით უნდა განხორციელდეს...

(გაგრძელება შემდეგ)...

სრულიად სამართლიანია თქვენი სიტყვები, რომ ჩვენ ახალგაზრდები არ გვყვანან და თუ არის მეთაობა მაინც მათ არ შეუძლიათ. მხოლოდ უნდა დავუმატო, რომ ჩვენი ხანა გარდამავალი (переходная) ხანაა, ძველი წესწყობილება სულს ღაფავს, ახალი ცხოვრება მყარდება; ერთი მეორეს ებრძვის, ერთმანეთში ჩარეულნი არიან და აბა რა გასაკვირველია, რომ ამნაირი ბრძოლა და მებრძოლნი ვერ გაარჩიონ ჩვენმა სწორედ იმ მეცნიერულად მოუმზადებელმა ახალგაზრდებმა. ჩვენ მხოლოდ ეხლა ვიწყებთ ცხოვრების ვითარების დაკვირვებას, ვეწაფებით იმ წყაროებს, საიდანაც გვინდა ამ საქმისათვის რიგიანი იარაღი მოვიპოვოთ, მაგრამ ჯერ ისე ცოტა ხანია, შედარებით ისეთი ბაღლები ვართ, რომ არ შეგვიძლია სრული მომზადებულობა დავიჩემოთ. ცხოვრების სრულ მოვლენათა ახსნა-გარკვევა, სოციალური იარაღების წამლობა მეტად მძიმე საქმეა, იგი დიდ ცოდნას და ბეჯითობას თხოულობს; ჩვენ კი არც ერთი და არც მეორე არ გვაქვს. მაგრამ ნიშნები მაინც არის უკეთესი მომავლის.

აი ეხლაც, ამ წერილს მარქსის „კაპიტალის“ მეორე ტომზედ ვწერ და ვფიქრობ: როდის იქნება ის ნეტარი დრო, რომ ჩვენ ცხოვრებაში გამოიღოს ნაყოფი ამ დიდებული მეცნიერის აზრებმა და ჩვენს აზროვნებასაც მეცნიერული ხასიათი მიეცეს. ამ კითხვის გადაწყვეტა თქვენთვის მომინდვია და სანამ თქვენ გადაწყვეტდეთ, — გატყვიით ნახვამდის და გისურვებთ ყოველივე კეთილს.

ს ა შ ა წ უ ლ უ კ ი ძ ე .



მინდოდა ჩვეულებებისამებრ წერილის დასაწყისში ახალი წელი მომელოცა, მაგრამ, რადგან ეს უბრალო ფორმალური იქნებოდა, ამიტომ ბოლოსათვის გადავდევი, პატივით კი დავიწყებ, რადგან თქვენმა მოლოცვის დეპეშამ სწორედ იმ დროს და იმ წამს გვაცნო შორიდან მეგობართა სალამი, გრძნობიერი მოკითხვა, როდესაც სულის სიმშვიდე დარღვეული მქონდა და ვცდილობდი რამდენიმე წუთით მაინც მივსცემოდი დავიწყებას, მეგობართა (მაქ) წრეში წარმომედგინა ჩემი თავი. ახალმა წელმა აქაც და მაქაც ბევრი ახალი რამ შეიტანა მწერლობაში, აქ „Жизнь“, „Начало“; — მაქ კი „მოამბის“ ახალი რედაქცია. აღტაცებით ვეგებები ამ ცვლილებას რადგან დარწმუნებული ვარ ახალგაზრდები ახალგაზრდულათ (არა ბავშვურათ) შეებმებიან ნაკისრ მოვალეობას და სხვას თუ არა ამას მაინც იზმენ, რომ ფორმით „ჟურნალს“ დაამსგავსებენ. მე ეხლავე ვგრძნობ, რომ შიგ ჩემს სალტოლველ იდეებს ვერ ვიპოვნი, შეიძლება სულ წინააღმდეგიც იქნეს, მაგრამ ერთი იდეა მაინც სიმპატიური იქნება: თავის მიმართულებას ცოდნით და სინიდი-სიერათ ემსახურონ. რიგიანი მოპირდაპირე შენც გარიგანებს, გაფრთხილებს, ჩაგაფიქრებს და მით მისს მტრობას ამ მხრით სარგებლობაც მოაქვს.

ამიტომ ვუსურვებ ახალ რედაქციას ახალ ძალას და შრომის მოყვარეობას. საზოგადოთ, უნდა გაგიტყდე, მეგობარო, რომ დიდის გაფაციცებით ვადევნებ თვალ-ყურს მოწინააღმდეგეთა აზროვნებას, მათ სიტყვას და საქციელს. გარწმუნებ, მსურს ვიპოვნო რომელიმე გონიერი, მეცნიერული „ევროპიული“ მსჯელობა, მაგრამ პაწიათ. სახოკიას „თერმონიდაგან“ დაწყებული დიდ „სამშობლოს დარაჯის“-ი. ჭავჭავაძის ლოცვა წყევლამდე, ვერაფერი მიპოვნია, რაც თანამედროვე ცოდნას ეთანხმებოდეს, მოცვეთილ გრძნობას გასცილებოდეს, ცნობიერ კრიტიკას ემსგავსებოდეს. შეიძლება ვცდებოდე. მიმითითე, აბა სად, ვინ? მითხარი და ათასჯერ მაძღს შემოგწირავ,



მეგობარო. არ გეგონოს ჩემს თანამოაზრეებში და ჩემს უსუსურ არსებაში ვხედავდე მეცნიერთ, დიადი ნიჭით და ცოდნით აღჭურვილ „მოდვაწეებს“. არა, ეს ხომ წინააღმდეგობა იქნებოდა. ჩვენს უსუსურ და ნელათ მიქეფარე ცხოვრებას ვერ შეუქმნია ჯერ „დიდ-ბუნებოვანი“ ადამიანი. მე მხოლოდ მრწამს მათი გულწრფელი გრძნობა და „დიდ-ბუნებოვან“ ადამიანისაგან ნაანდერძევის წმინდათ შეუდრეკლათ სამსახური. დღემდე კაცობრიობის აზროვნების საუკეთესო წარმომადგენელი დიდ ამოცანას ხსნიან და ვერ აუხსნიან: რათ არის ამისთანა უსწორ-მასწორობა ბუნებაში, რათ ხარობს ერთი მეორეს ცრემლთა დენით, რათ შენდება ერთის ბედნიერება მეორის უბედურობაზე. სულ ასე უნდა იყოს და საშველი არსით არის? აი სფინქსი, რომელიც შუბლ შეჭმუხვილი შებღვერის კაცობრიობას რამოდენიმე ასი საუკუნე და, რომელიც, — დასასრულ, — თვით ცხოვრებამ უნდა ახსნას ან გახსნას. ამის პასუხი უკვე ბუნდოვანათ მისცა ცხოვრებამ ამ საუკუნის დასაწყისში კაცობრიობას. მხოლოდ ნათლად მისი გამომრკვეველი 1847 — 8 მოევლინა ევროპას და ჩვენც მოვალენი ვართ, როგორც ადამიანები, ვისმინოთ ეს ხმა. მოვიწონებთ, თუ დავიწუნებთ ეს სულ ერთია ამ შემთხვევაში, საჭიროა მაინც ღრმად ჩაკვირვება, კრიტიკული ანალიზი, სერიოზული რჩევა-თათბირი. და ამნაირი შეხედულება თანდათან იკიდებს ჩვენში ფეხს, ამ მხრით ახალი წელი მამხიარულებს და თუ. შენც გრწამს, მეგობარო. რომა 1899 წელი ამ კითხვაში წინ ნაბიჯს გადადგამს, მეც მოგილოცავ და გისურვებ უფრო მეტის იმედით და მხნეობით მიგებებოდე შემდეგ წელსაც.

მარად შენი მეგობარი-ძმა

ს ა შ ა წ უ ლ უ კ ი ძ ე.

ვარლამი მომიკითხე.

ს. წ.



**ბიბლიოგრაფია**

და

**ქრონიკა**



**ს. დანელია:** „ატომისტური ფილოსოფია ძველ საბერძნეთში“  
(დემოკრიტი). ტფილისი, 1926 წ. ფასი 60 კაპ.

დასახელებულ წიგნში ავტორს მიზნად აქვს მატერიალისტური ფილოსოფიის მამამთავრის და თანამედროვე ბუნებისმეტყველების წინამორბედის **დემოკრიტეს** მოძღვრების გადმოცემა. ავტორი იცნობს ანტიურ ფილოსოფიას, რაც არა ერთხელ დაუმტკიცებია თავისი დაბეჭდილი შრომებით. „ატომისტური ფილოსოფია“ დაწერილია პოპოლიარულ მეცნიერული ენით და შესაძლებლობას აძლევს ყველას, გაეცნოს დემოკრატეს მსოფლმხედველობას.

წიგნის პირველ თავში ავტორი ახასიათებს იდეოლოგიურ წინამძღვრებს, რომლებისაგან წარმოდგა დემოკრატეს ფილოსოფია. აქ ავტორი მატერიალიზმს უპირისპირებს, ერთის მხრივ ელევატურ ფილოსოფიას, მეორეს მხრივ კი ანაკსაგორის მოძღვრებას. ავტორის აზრით, ატომიზმზე გავლენა ჰქონდა ორთავეს. ორივენი (პარმენიდე და ანაკსაგორი) იდეალისტური მსოფლმხედველობის წარმომადგენლებია. „ამიტომ ორივეს უსწორდება ატომიზმი“, ამბობს ავტორი: „და ამ გარემოებაშია მისი გენეზისი საძიებელი“.

საინტერესოდ აქვს გადმოცემული ავტორს დემოკრიტეს ფილოსოფიის ცენტრალური ადგილი, რომელიც ატომის დახასიათებას შეეხება. ატომის ყოველი ახალი თვისების აღნიშვნა ავტორს ისეთი შინაგანი შეწყობით აქვს დაკავშირებული მოძღვრების ძირითად პრინციპებთან, რომ საკმაო ღრმა შთაბეჭდილებას სტოვეებს მკითხველზე. სხარტად გადმოცემულია აგრეთვე ის როლი, რომელიც მიკუთვნილი აქვს მოძრაობას დემოკრიტეს სისტემაში. აღნიშნულია ის დედა-აზრი ამ პრობლემის გადაწყვეტაში, რომელიც საფუძვლად დაედვა თანამედროვე ბუნებისმეტყველურ კლევა-ძიებასაც.

ძირითადი პრინციპების გარკვევის შემდეგ, რომლებზედაც აგებულია დემოკრიტეს სისტემა, — ავტორი გადადის ამ სისტემის დახასიათებელ ნაწილების განხილვაზე. პირველ რიგში ავტორი განიხილავს ატომისტურ კოსმოგონიას (კოსმოსის და მსოფლიოს განსხვავებას, პრეკოსმიური მოძრაობა და მისი ხასიათი, კოსმოსის წარმოშობისა და მისი დაშლის მიზეზები), შემდეგ კი ატომისტურ ანთროპოლოგიას (სულის ატომების დახასიათება, აზროვნებისა და გრძნობის როლი შემეცნებისათვის, სიკვდილი და სიცოცხლე ატომისტური შეხედულებით) მეტადრე საინტერესოა დემოკრიტეს ეთიკა, რომლის შინაარსი არსებითად გამომდინარეობს ატომიზმის ძირითად პრინციპებიდან. ავტორი იკვლევს იმ საზოგადოებრივ მიზეზებსაც, რომელთაც აუცილებლად ჰყვეს დემოკრიტეს ეთიკის თავისებურობა.



უკანასკნელ თავში ავტორი კრიტიკულ შენიშვნებს უკეთებს დემოკრიტეს ატომიზმს. ავტორის აზრით, ატომიზმი ყველაზედ უფრო გაბედულად ილაშქრებს ბუნების მოვლენათა სარწმუნოებრივი გაგების წინააღმდეგ და ფართე გზას უხსნის მეცნიერულ შემოქმედებას.

ასეთია მოკლედ ს. დანელიას წიგნის შინაარსი. სახელმწიფო სამეცნიერო საბჭოს მეცნიერულ პედაგოგიური სექციის მიერ წიგნი მოწონებულია სასკოლო ბიბლიოთეკებისათვის (იხ. „განათლების მუშაკი“, 1926 წ. № 14 გვ. 32).

ვლად. ცომაია.

## საბჭოთა მწერლების საკავშირო ფედერაცია.

ფედერაციაში „კუზნიცას“ ჯგუფიდან შევიდენ: ბახმეტიევი, ლიაშკო, გლადკოვი და ჟიგა და კანდიდატები: ობრადოვიჩი, სივაჩევი, დმიტრიევი და ვლადიმირსკი.

ფედერაციის საბჭოს უკანასკნელ სხდომებზე დამუშავებულ იქნა გამომცემლობის საკითხი.

განზრახულია დაარსება ფედერაციის დამოუკიდებელი გამომცემლობის. თვითეულ ჯგუფს უფლება ეძლევა გამოსცეს ჯგუფის სპეციალური დანიშნულების ნაწარმოები; სარედაქციო საბჭოსა და ფედერაციის წესდებასთან შეთანხმებით. მთელი რაოდენობა ფედერაციის საბეჭდი ქალაქებისა იყოფა სამ ნაწილად. პირველი გამოყენებული იქნება ფედერაციის საბჭოს განკარგულების თანახმად, მეორე იქნება დაჯგუფებათა განკარგულებაში და მესამე ნაწილი — სარედაქციო საბჭოს განკარგულებაში. გამომცემლობის საკითხების საბოლოო პრაქტიკული გამომუშავების მიზნით შედგენილია კომისია, რომელშიაც შედიან თვითეულ ჯგუფებიდან ორ-ორი წარმომადგენლები.

ამ მოკლე ხანში მოხდება ფედერაციის ოფიციალური გახსნა.

ფედერაციას განზრახული აქვს აპრილის ბოლო რიცხვებში მოაწყოს ფედერაციაში, შემავალ ორგანიზაციე-



ბის ფართე კრება. კრებაზე გამოქვეყნებული იქნება ფედერაციის დეკლარაცია და მოელიან ამხ. კრუიჟანოვსკის და ლუნაჩარსკის გამოსვლას მოხსენებებით მწერალთა და მატერიალურ უფლებრივ მდგომარეობის შესახებ და სახალხო კომისართა საბჭოს კომისიის მუშაობის შესახებ. გარდა ამისა, ფედერაციას აზრად აქვს მოაწყოს მთელი რიგი საღამოებისა, რომელთა გეგმა მუშავდება.

ოქტომბრის რევოლიუციის 10 წლის თავზე ფედერაციას განზრახული აქვს გამოსცეს მხატვრული ალმანახი, რომელიც მიძღვნილი იქნება 10 წლის თავისადმი და აგრეთვე კრებული იქნება: „მწერალთა ცხოვრება რევოლიუციის 10 წლის განმავლობაში“.

ფედერაცია იწყებს დასახულ მიზნების პრაქტიკულ განხორციელებას. საგამომცემლო კომისიის გარდა დაარსებულია ლიტფონდის კომისია პრაქტიკულ მუშაობაზე გადასვლისათვის. კომისიაში შევიდენ თვითეული ჯგუფიდან თითო წარმომადგენელი და ბეჭდვითი საქმის მუშაკთა სექციის ცენტრალური საბჭოს წარმომადგენლები.

## **მწერალთა მდგომარეობის გაუმჯობესების საკითხები.**

სახალხო კომისართა საბჭოს სპეციალურ კომისიის უკანასკნელ სხდომაზე, ამხ. კრუიჟანოვსკის თავმჯდომარეობით, მწერლობის საკავშირო ფედერაციის საბჭოს წარმომადგენელთა და მწერალთა ადგილკომის მონაწილეობით, განხილულ იქნა მთელი რიგი მწერალთა ყოფაცხოვრებასთან დაკავშირებული სასწრაფო საკითხებისა.

მწერალთა ბინების საკითხის შესახებ სახალხო კომისართა საბჭოს კომისიამ დაადასტურა ფედერაციის განცხადება, რომ მთავრობის მიერ აღმშენებლობისათვის გადაღებული ფონდიდან განსაკუთრებული თანხა გადაღებულ იქნას მწერალთა სახლების ასაშენებლად.

მწერალთა ნაწარმოების ჰონორარის მინიმუმის შესახებ კომისიამ დაადგინა:



მიღებულ იქნას 120 მანეთი მინიმალური ჰონორარად დამწყებ მწერალთათვის ნაბეჭდ ფურცელზე.

აუცილებელ საჭიროდ იქნას მიჩნეული საშუალო ტიპის მწერალ-პროფესიონალისათვის ხელფასის ნორმის გამოიმუშავება. მიენდოს კომისიას რომელშიაც შევლენ წარმომადგენლები: განათლების სახალხო კომისარიატის, განათლების მუშაკთა კავშირის, მწერალთა ფედერაციის და ბეჭდვითი საქმეთა კომიტეტის, რათა საბოლოოდ გამოიმუშავებულ იქნას გრადაციები და ხელფასის ნორმა.

ლექსებზე დაწესებულ იქნას 50 კაპ. სტრიქონზე როდესაც ლექსები გამოდის ტომებად და 1 მან. პერიოდულ გამოცემებში მოთავსებულ პირველად დაბეჭდილ ლექსებზე.

კომისიამ დაადგინა მიიღოს სალიტერატურო ფონდის წესდება.

კომისიამ საბოლოოდ გამოიმუშავა საგამომცემლო ხელშეკრულების წესები: ავტორებისათვის ფულის გადახდის ვადის შესახებ მიღებულ იქნას შემდეგი: ორი კვირის განმავლობაში დღიდან ხელნაწერის მიღებისა გამომცემლობა იხდის მთელ ჰონორარის 50%, არა უგვიანეს ორი თვისა ხელნაწერის მიღებიდან — 30%, ხოლო დანარჩენ 20% ორი კვირის განმავლობაში უკანასკნელი საავტორო კორექტურის ხელისმოწერიდან.

განსაკუთრებულ უფლებას ნაწარმოების ხელმეორედ გამოცემის შესახებ ავტორი აძლევს გამომცემლობას სამი წლით, ნაწარმოების გამომცემლობაზე გადაცემის დღიდან. პირობაში განსაზღვრულ ტირაჟზე ზევით გამომცემლობას უფლება აქვს გამოსცეს მხოლოდ 150 ეკზემპლიარი თვითიველ გამოცემაზე. ყოველგვარი ცვლილება პირობაში და დამატებანი შეიძლება შეტანილ იქნას მხოლოდ ავტორის წერილობითი თანხმობით. გამომცემლობა აძლევს უფასოდ 25 საავტორო ეკზემპლიარს და 50-ს ავტორის თხოვნით თვითღირებულების კვალობაზე. სანამ გამომცემლობა გამოსცემს აღნიშნულ შრომას ავტორს უფლება აქვს დაბეჭდოს ის პერიოდულ გამოცემებში.



„ქართული მწერლობა“-ს 1927 წ. გამოსული №№-ის  
შინაარსი.

№ 1

პოეზია (ანბანზე):

ზოდემთელი ნ. — ლენინის აკლდამასთან.  
აბაშელი ალ. — მტკვარი.  
გაფრინდაშვილი ვ. — ძველი პალტო.  
კალაძე კ. — აღმოსავლური.  
ლორთქიფანიძე კ. — მეგობრებს.  
მიწიშვილი ნიკოლოზ — სამი ლექსი.  
ტაბიძე ტიციან — მე ყაჩაღებმა მომკლეს არაგვზე.  
შანშიაშვილი სანდრო — მგზავრი.

წერილები:

გრიგოლ რობაქიძე — საქართველოს ხერხემალი.  
სეით დევდარიანი — საქართველო.  
სიმონ ჩიქოვანი — ნიკოლოზ მიწიშვილის წერილის გამო.  
ბენო გორდეზიანი — ყოფის საკითხი.  
ნიკოლოზ მიწიშვილი — ჩემი პასუხი.  
გერონტი ქიქოძე — ომის მოლოდინში.  
ტიციან ტაბიძე — ქართველი მწერლების დელეგაცია სომხეთში.

№ 2

პოეზია (ანბანზე):

გაფრინდაშვილი ვ. — ისეთი ლექსი.  
გვეტაძე რაჟდენ — თოვაში.  
გორგაძე ვასილ — პოეტის ცხოვრება. გზაში.  
გრიშაშვილი ი. — გენიოსების ბედი ტფილისის ბაზარზე.  
ვაკელი იონა — ბოლნისის გზაზე.  
იასამანი — უნაგირაზე.  
კალაძე კ. — შუბის ტარამდე დასული მზე.  
ლეონიძე გ. — ნინოწმინდის ღამე.  
ლორთქიფანიძე კონსტ. — მე და ღამე.



ნადირაძე კოლაუ — ზამთარი.

ტიციან ტაბიძე — მუხამბაზი, რომელიც არ იმღერება. მიაღწენები და პოეტები.

რუხაძე ვარლამ — სილამაზის სამყაროში.

ცეცხლაძე გრიგოლ — ოქტავეები.

ყანჩაველი ა. — ტფილისი.

პროზა:

ს. კლდიაშვილი — მარტია.

დ. მესხი — ომის მსხვერპლები.

წერილები:

ბესარიონ ულენტი — 1926 წელი ქართულ ლიტერატურაში.

ს. გორგაძე — სალიტერატურო შენიშვნები.

ვ. ჯაფარიძე — „ჯაყოს ხიზნები“.

ეთნოგრაფიული მასალები:

აპ. წულაძე — გურია.

ბიბლიოგრაფია.

სვ. უიფიანი — უმსგავსი ბიბლიოგრაფია.


გრ. გიორგაძე — სიმონ ხუნდაძე. „ქართ. ინტ. პროფ. მე-XIX ს.“

მ — ნი — ი. დავითაშვილის რჩეული ლექსები.

ფ — რი — ლეო ქიაჩელი: „ტარიელ გოლუა“.

— : —

შ ე ც დ ო მ ი ს გ ა ს წ ო რ ე ბ ა: „ქართული მწერლობის“ № 2-ში დაბეჭდილ ს. ყანჩელის ლექსში ამოვარდნილია ერთი სტრიქონი: „ოქროს სევადი, მინანქარი, ქარვა მსუქანი —“, რომელიც მიყვება: ზემოდან მეჩვიდმეტე სტრიქონს.



ს. ს. მ. უ. ს. პოლიგრ. 1-ლი სტამბა. პლენ. პრ. № 91.

მთავარ. № 819. შუკ. № 890. ტირაჟი 2000.



„ქართული მწერლობის“ რედაქცია აცხადებს შუკნალის ხელისმომწერთა და მკითხველთა საუბრადღებოდ, რომ მატერიალური და ტექნიკური ხასიათის დაბრკოლებანი, რაიცა ამხელვდა შუკნალის რეპულიარულად გამოსვლას ამ ორი წლის განმავლობაში, ამ ჟამად სავსებით დაძლეულია და ამიერიდან შუკნალის გამომცემისა და გავრცელების საქმე დაქვემდებარებულია მტკიცე საფუძველზე.

რედაქციამ მოახდინა შუკნალის გამომცემის და გავრცელების საქმის სრული რეორგანიზაცია.

რედაქციამ ხელშეკრულება დასდო საქართველოს სახელმწიფო გამომცემლობასთან, რომლითაც სავსებით უზრუნველყოფილია შუკნალის თავის დროზე გამოსვლა და მკითხველისადმი მიწოდება.

ყოველგვარი უმკითხველი, ხელის მოწერა, ფული და მასალები ამიერიდან უნდა იგზავნებოდეს სახელმწიფო გამომცემლობაში (შუკნალ „ქართული მწერლობის“ სახელზე). შუკნალის რედაქტორი რედაქციის საქმეებზე დებულობს ყოველდღე სახელმწიფო გამომცემლობაშივე.

**რედაქტორის ტელეფონები: 6-43, 23-99.**

ხელის მოწერის ფასი (გადაგზავნით და შინ მიტანით)

- ერთი წლით . . . . . 6 მან.
- 6 თვით . . . . . 3 მან.

ხელის მოწერა ა. წ. პირველ იანვრიდან  
**მ ი ს ა მ ა რ თ ი.**

ტფილისი. სახელმწიფო გამომცემლობა. რუსთაველის პროსპ. № 23, „ქართული მწერლობის“ რედაქციას.